







John Carter Broton.










11
Sacrobusci

di

Sphera

Viterberga


1549




IOANNIS
DE SACROBVSTO
LIBELLVS DE
SPHÆRA.

ACCESSIT EIVSDEM
AVTORIS COMPVTVS EC-
clesiasticus, Et alia quedam in stu-
diosorum gratiam edita.

CVM PRÆFATIONE
Jo: Philippi Melancthonis.





propterea humana mente carere iudicandi sunt, qui
pulchritudine illarum rerum, & cognitionis suavi-
tate nihil afficiuntur. Ac præclare Plato ait, Astro-
nomiæ causa ^{est} hominibus dat

Simoni Gryneo viro doctissimo et amico

CVM in omnibus artibus proficit initio breuia
quædam elementa tradere, ad præparandos
studiosos, ad interiorem doctrinam, maxima pro-
fecto debetur gratia uiris optimis & cruditissimis,
qui harum pulcherrimarum disciplinarum, uideli-
cet Astronomiæ, & Cosmographiæ Isagogas nobis
composuerunt, qui quidem non solum propter ipsa-
rum artium dignitatem, sed magis etiam propter
rei difficultatem laudari merentur. Magni enim ne-
gocij fuit, magnæ prudentiæ, ex tanta, tamq; mul-
tiplici rerum copia eligere ea, quæ maxime in aditu
ac uestibulo profutura essent. Hanc ob causam
semper amaui mirifice libellum Ioannis de Sacro Bu-
sto, qui mihi uidetur Elementa in hoc genere com-
plexus aptissime, ac plurimum uidisse in Gymnasijs
homines doctissimos iudico, qui magno consensu
prætulerunt hunc libellum alijs eiusdem generis, &
extare in omnibus Scholis, & in omnium manibus
uersari uoluerunt. Victurus genium debet habere
liber, inquit Martialis. Sed talis genius non con-

solum erudite, sed etiam religiose dixisse iudi-
candum est, Astronomiæ causa nobis oculos datos esse. Sunt
enim certe ob hanc causam præcipue dati, ut ad
querendam aliquam DEI noticiam duces essent.
Proinde ex Philosophis soli isti, qui Astronomiam
aspernati sunt, ex professo fuerunt ^àDeo, & sub-
lata providentia, etiam immortalitatem animorum
nostrorum sustulerunt, qui si attigissent hanc do-
ctrinam, manifesta Dei uestigia in natura deprehen-
dissent, quibus animaduersis coacti essent fateri, men-
te aliqua hanc rerum uniuersitatem & conditam
esse, & gubernari. Sed si quis etiam autoritatem
requirit ex sacris literis, quæ hæc studia commen-
dat, habet in Genesi testimonium grauissimum, ubi
scriptum est, Erunt in signa, tempora, & annos.
Quomodo autem conficiet nobis Sol annos, nisi ob-
seruato circulo, descriptis spacijs atq; interuallis
cursus ac temporum? Quare cœlestis illa uox hor-
tatur nos ad obseruandos cœlestium corporum mo-
tus. Quid commemorem utilitates publicas? Qua-
lis futura esset hominum uita, si non haberemus
descriptam temporum rationem, si non haberemus
in Historia, aut rebus gerendis annorum numerum?
Plus quam barbaries, imo beluarum uita fuerit, nul-
lam nosse antiquitatis seriem, nullum temporum or-
dinem in præsentibus negotijs constituere posse. In
tanta

tanta in scitia, neq; religio ulla, neq; civilis status re-
tineri posset.

Cum igitur & natura nos exuscitet, & hor-
tentur diuina oracula (quanquam ille etiam nature
sensus, diuinus quidam afflatus, & quedam quasi
DEI vox est) & magnitudo utilitatum inuitet ad
hanc doctrinam, diligenter eam colere studiosi ado-
lescentes debent. Atq; in hac re patrie laudibus eti-
am moueri eos conuenit, quia hæc doctrina, cum ali-
quot sæculis sine honore iacuisset, nuper in Germa-
nia re floruit, restituta a duobus summis uiris, Pur-
bachio & Regiomontano, quorum alter ex Norico,
alter ex Francis uicinis ortus est. Hos heroas singu-
lari quadam ui diuinitus ad has artes illustrandas ex-
citos esse, res testatur ipsa. Quando enim tan-
tum lumen habuerūt, postquam hæc studia in Aegy-
pto extincta sunt? Nam etsi Arabes desertam a
Græcis possessionem magna ui inuasērunt, adeo ut
has artes in occidentem, & Hispaniam usq; propa-
gauerint, tamen eorum scripta ostendunt curiosam
nationem, non tam elaborasse in obseruandis moti-
bus, quam in diuinationibus, quarum adeo cupidi
fuerunt, ut non contenti Ptolemæi Astrologia, quæ
pars quedam Physices existimari potest, sortes eti-
am & alia multa prædictionum genera ἀνατιολό-
γηται, commentis sint.

At nostri illi contulerunt omne studium ad capi-
cipuam doctrinae partem, obscurissimis demonstra-
tiones Ptolemæi eruerunt & patefecerunt, & ut
transmitteretur ars ad posteros, instruxerunt nos
non unius generis commentarijs. Veteres laudant
Architæ columbam, & uaria Archimedis opera, At
longe admirabilius opus est, brevis ille Libellus The-
oricarum Purpachij, qui summam longissimi operis
Ptolemæi complexus, positus orbium subicit oculis.
Quid dicam de reliquis monumentis, de integra epi-
tome, de tabulis, in quibus, ut absoluerent artem,
usum præceptorum ostenderunt?

Hactenus igitur huius doctrinae laus penes no-
stros homines fuit. Nam Autores illi semina huius
doctrinae sparserunt per Germaniam, non aliter ac
frugum semina Triptolemus in Græcia dissipasse scri-
bitur. Quare turpissimum nobis fuerit, tam honestam
possessionem optimarum rerum amittere.

Sed sunt nonnulli Epicurei Theologi, qui totum
hoc doctrinae genus irrident, nec solum prædictioni-
bus fidem detrahunt, sed etiam uituperant motuum
cognitionem, quos sinamus una cum Epicuro inepti-
re. Sunt enim eiusmodi, ut magis opus habeant medi-
cis, quam geometris. Est enim manifestum insanie
genus, aspernari motuum cognitionem, quæ habet
crudi-

eruditiſſimas & firmiſſimas rationes, ut maxime al-
 teram illam partem diuinatricem omittamus. Quan-
 quam mihi neq; Picus, neq; quiſquam alius perſua-
 ſerit, ſydera nullos habere effectus in elementis, &
 in animantium corporibus, præterea nullas ſigniſi-
 cationes in hac inferiore natura. Nam experientia
 oftendit, ardentium ſtellarum congreſſus urere hæc
 corpora & ſiccitates afferre, rursus etiam congreſ-
 ſus humentium ſyderum augere humores. Deinde
 uarie mixta lumina, uarięq; temperatę qualitates,
 ut in pharmacis res diſſimilimę aliter temperatę, a-
 lios habent effectus. Ideoq; recte dixiſſe Ariſtote-
 lem iudico, cum ait, hunc inferiorem mundum a
 ſuperiore gubernari, & ſuperiora cauſam motus in
 inferioribus corporibus eſſe, Et addit rationem pru-
 dentiſſime cogitatam. Cum initium motus ſit a cœ-
 lo, conſequi, motum cœli & reliquis cauſam mo-
 tus eſſe.

Hæc enim ſunt eius uerba, quę adſcribemus,
 ut meminerint adoleſcentes, tanquam oraculum,
 ἔστι δ' ἐξ ἀνάγκης συνέχῃς πως εὐτὶ τοῖς
 ἀνθρώποις φοραῖς, ὥς ἐ πάσαι αὐτοῦ τῇ δυνά-
 μις κυβερνᾷ ἐκείνην, ὅθεν γὰρ ἡ τῆς κινήσε-
 ως ἀρχὴ πάσαι, ἐκείνην αἰτίαν νομισέοντες πρῶ-
 την.

Sicut enim in his nostris corporibus uita seu primus motus, qui in corde existit, ciet motum in alijs membris, ita cum haud dubie motus coeli primus sit, reliqua corpora incitat, ut suos quosdam motus efficiant. Neq; uero quisquam recte institutus in Philosophia aliter sensit unquam. Nam & Medici, qui solent in materia potius, quam in coelo rerum causas quærere, tamen multa referunt ad syderum constitutiones, sicut ostendit libellus, qui Hippocrati ascribitur, de acre, aquis & locis.

Atq; hæc non dissentiunt a Christiana doctrina, quæ etsi docet nos, omnia diuinitus gubernari, tamen non tollit naturales actiones, ac significationes rerum, sicut in alendis corporibus apparet, quibus etsi uitam ac motum DEVS impertit, tamen ea foueri, ac pasci cibo, potu, & alijs rebus ad uitam tuendam conditis iubet. Ac prudentia digna Christiano est diiudicare, quæ sint communes actiones Dei & naturæ, quæ sint propriæ Dei, supra naturam positæ. Et ut de homine proprie dicamus, sæpe mihi cogitanti, tria uidentur genera actionum in homines cadere. Notissimum est, quod a natura hominis proficiscitur, sensu ac ratione. Ad id pertinent inclinationes, quæ sequuntur temperamenta qualitatum. Videmus .n. dissimilitudines ingeniorum infinitas, quæ profecto pariunt

pariunt dissimiles actiones, quemadmodum Poeta uere significauit, cum inquit: Naturæ sequitur semina quisq; suæ. Quid enim tam receptum apud Medicos est, quam τὰ ἥδη ἡγή τὰ πᾶν, corporum dispositionem imitari? Idq; res loquitur ipsa, ἥδη in homine bilioso existere nulla posse, sed excitari in eo immoderatos impetus, quasi uentos, magna & uehementia πᾶν, quæ difficilime possit ratio regere aut flectere. Si quis autem considerabit diuersas regionum naturas, & diuersarum gentium ingenia, quam aliam causam huius dissimilitudinis ostendere poterit, quam cœli naturam? Vnde facile iudicari potest, in miscendis temperamentis corporum, atq; ingeniorum, inter alias causas etiam luminis naturam concurrere. Neq; ego nihil educationem, consuetudinem, institutionem, Leges atque consilia in regendis inclinationibus istis proficere iudico, sed hæc quoq; pono in hoc genere actionum, quod a natura profiscitur.

Alterum genus est actionum, quæ supra naturam existunt in homine diuinitus. Hoc est. n. Christianæ mentis, intelligere ac sentire, diuinitus homines custodiri atq; gubernari. Etsi autem ita gubernat DEVS, ut naturæ suas partes etiam aliquo modo relinquat, tamen multa corrigit in natura, & multarum rerum euentus concedit alios, quam quales proponit natura.

Neq;

Neq; enim Moyses beneficio astrorum seruatus
est, cum euaderet, uia per mare patefacta, neq; Pe-
trus, cum per Angelum e carcere educeretur, syde-
rum beneficio liberatus est, neq; Paulus ex hoste
Euangelij, potestate astrorum pius factus est. Tali-
um operum causam proprie ad DEVM referendam
esse nemo non intelligit. Sicut igitur naturæ uires
in alijs partibus eatenus recipimus, ne Regnum Chri-
sti tollant, ita suas uires lumini eatenus tribuimus,
nequid de gloria Christi detrahatur, cui cum omnia
subiecta sint, iure etiam sentiendum est, stellarum
uires ei parere oportere. Ac bonæ mentes hac sen-
tentia erigere se, atq; confirmare debent aduersus
tristes significationes, quæ non raro mirabiliter ani-
mos in tanta naturæ humanæ imbecillitate pertur-
bant. Atq; ut alias uerbum DEI anteferre nostris
opinionibus debemus, ita aduersus has significati-
ones, animi uerbo DEI ac promissionibus diuinis
confirmandi sunt. Idq; uulgata sententia docet, quæ
citatur ex Ieremia, Nolite timere a signis cœli, quæ
timent Gentes. Neq; enim negat Propheta signa
esse, sed cum signa nominet, sentit ea, res magnas atq;
tristes minari.

Consolatur autem pios, ne ea metuant, non quia
nihil significant, sed ut confidant, se diuinitus inter
illa peri-

illa pericula tegi ac seruari. Sicut mortem timere
Christus prohibet, non quia mors non sit aspera, sed
ut sciamus nobis etiam in morte ipsum adesse Chri-
stum, ut nos seruet. Erigenda igitur mens est supra
uniuersam hanc corporalem naturam, uel si fractus
illabatur orbis, nec patiendum, ut uerbum DEI, ut
fiducia erga DEVM nobis excutiat, qua sicut
muniuntur pie mentes aduersus presentia pericula,
ita muniendæ erunt etiam aduersus inimicas astro-
rum significationes. Sicut igitur aliæ partes Physi-
ces non lædunt religionem Christianam, ita neq;
Astrologia (nam hanc quoq; partem Physices esse
sentimus) officit pietati, si quis in loco utatur.

Ac præter hæc duo actionum genera, quæ recen-
sui, reliquum est tertium genus actionum, ad quas su-
scipiendas, animi, contra naturam, a Diabolo magno
motu impelluntur. Neq; enim aut astris, aut alijs na-
turalibus causis, sed Diabolo recte tribuentur Nero-
nis & similium Tyrannorum prodigiosæ libidines
atq; parricidia. Itaq; cum humani animi non uno
tantum genere causæ moueantur, consequitur, leges
factorum uarijs modis impediri, interdum afflatu dia-
uino, interdum institutione, interdum deliberatio-
ne, interdum etiam in deterius flecti a Diabolo.
Præclare igitur inquit Ptolemæus: Astrologorum
decreta non esse prætoria. Nam prætoris edicta po-
pulum parere cogunt.

ille uero significationes non afferunt uim hominibus, etsi non ubiq; sunt ociosæ. Atq; harum rerum exempla suppeditant Historiæ. Sed hæc disputatio longior est, quam ut hic explicari tota possit.

Hæc enim ideo commemorauimus, ne adolescentes in totum damnent hunc chorum artium, propterea quod imperiti quidam irident diuinationes. Nam illa doctrina de motibus cognitionem habet grauissimam & homine dignissimam. Et si quis adhibebit iudicium, intelliget alteram partem artis, diuinatricem uidelicet, perinde esse partem Physices, sicut Medicorum prædictiones pars quædam Physices esse existimantur. Neq; enim illa pulcherrima corpora syderum frustra condita esse sentiendum est, Præsertim cum ille ordo atq; cursus summa ratione constet, adeo ut quædam quasi Politia in cælo, uelut in poemate depicta esse uideatur. Sol enim qui regnare uidetur, in medio orbe uehitur, stipatus senatoribus, bellatore, atq; Oratore, habet & œconomas Lunam & Venerem. Nam hæ præcipue dominantur in ciendis humoribus, quibus aluntur corpora.

Cum autem & hic admirabilis ordo ac positus, deinde certissimæ Leges cursus testentur, hoc opificium summa ratione constare, non est consentaneum astruere nullas significationes, nullos effectus habere.

Neq;

Neq; uero frustra dicunt sacra litera, Erunt in si-
gna, tempora, & dies & annos. Hic non solum in-
quit annos, dierum & noctium uices, discrimina tem-
porum, uidelicet, aestatis atq; hyemis ab astris con-
fici, sed addit etiam de signis. Idq; interpretatur con-
sensus omnium seculorum, quo compertum est Ecli-
psos semper habuisse tristes euentus. non est autem
hominis bene instituti, dissentire a consensu tot se-
culorum. Hæc fortasse longius, quam oportuit, in
hunc libellum præfatus sum, sed uolui commonesce-
re adolescentes in ipso uestibulo harum artium, ut
de hoc toto choro artium honorificentius sentiant.

Scripti autem ad te, Grynee doctissime, non quod
hac ratione te arbitrarer accendendum esse, qui in
uniuersa Philosophia sic excellis, ut quem tibi con-
feram ex nostris hominibus, habeam neminem. Sed
harum artium mentio semper memoriam mihi tui
renouat, cuius rei testem habes uirum optimum, Ia-
cobum Milichium, qui quoniam has artes hic docet,
multum de eis mecum confabulatur, quo in sermone
te quoq; complecti solemus.

Nemo itaq; fuit, ad quem potius de his artibus
scriberem, quam ad te, ut intelligeres nos cum ipsis
recordationem tuæ amicitie coniungere. Quan-
quam extant & publica quedam monumenta tuæ
quæ

que nos de tuis uirtutibus atq; pulcherrimis studiis
admonent. Habemus enim Aristotelem tuo benefi-
cio emendatiorem, ac nitidiorem, quem scis me ualde
de mirari, amare atq; colere. Sed nunc magis amo,
postquam habeo in uestibulo operum eius, nomen
hominis amicissimi ascriptum. Utinam uero con-
tingat mihi aliquando otium ad hunc autorem illu-
strandum atq; ornandum, quemadmodum tu insti-
tisti magna cum laude facere. Accipio enim, te li-
bros aliquot longe foelicius enarrasse, quam solebant
isti, qui paulo ante hanc etatem non natiuam Ari-
stotelis faciem, sed uix exiguum umbram nobis o-
stendebant, nec tradebant Philosophiam, hoc est,
sapienter dicendi & iudicandi scientiam, sed hanc
opprefferant, ociosis & inanibus argutijs, que
nihil ad iudicandum de ciuilibus, aut alijs
magnis rebus proderant. Sed hæc
alias, Bene uale. Vitebergæ,
Mense Augusto.

ANNO,

M. D. XXXI.

PRO-

PROOEMIUM

Autoris.

TRACTATVM DE

Sphæra quatuor capitulis distinguimus. Dicturi primo compositionem Sphære, quid sit Sphæra, quid sit eius centrum, quid axis Sphære, quid sit polus mundi, quot sint sphære, & quæ sit forma mundi. In secundo de circulis, ex quibus Sphæra materialis componitur, & illa supercoelestis (quæ per istam imaginatur) componi intelligitur. In tertio de ortu & occasu signorum, & de diuersitate dierum & noctium, & de diuisione climatum. In quarto de circulis & motibus Planetarum, & de causis eclipsium.


CAPVT. I.

DEFINITIO SPHÆ- RÆ.

SPHÆRA IGITVR AB
Euclide sic describitur, Sphæra est transitus circumferentiæ dimidij circuli, quæ (fixa diametro) consq; circumducitur, quousq; ad locum suum redeat, id est, Sphæra est tale rotundum & solidum, quod describitur ab arcu semicirculi circumducto. Sphæra etiam a Theodosio sic describitur:


B Sphæra

Sphæra est solidum quoddam una superficie cō-
tentum, in cuius medio punctum est, a quo omnes
lineæ ductæ ad circumferentiam sunt æquales. Et
illud punctum dicitur centrum sphære. Linea uero
recta transiens per centrum sphære, applicans ex-
tremitates suas ad circumferentiam ex utraq; par-
te, circa quam Sphæra uoluitur, dicitur axis sphæ-
re. Duo uero puncta axem terminantia dicuntur
poli sphære.



(Verba Euclidis libro. Xi. Σφαῖρα ὅστις
ὅταν ἡμικυκλίου μενύσκει τῆς διαμέτρου,
περιεχθὲρ τὸ ἡμικύκλιον, εἰς τὸ αὐτὸ πα-
λιν ἀποκατασταῖ, ὅθεν ἤρξατο φέρεσθαι, τὸ
περιληφθὲρ σχῆμα. Hoc est, Sphæra est, quan-
do semi-

do semicirculi manente dimetiente, circumductus semicirculus, in seipsum rursus reuoluitur, unde incepit, circumassumpta figura. Huius definitio-
nis sententia patet in sequentibus figuris.)



DIVISIO SPHAERAE MVNDI.

SPHæra autem mundi dupliciter diuiditur, sc-
cundum substantiam & secundum accidens.

Secundum substantiam, in sphaeras nouem, scilicet, sphaeram quæ primus motus, siue primum mobile dicitur, & in sphaeram stellarum fixarum, quæ firmamentum nuncupatur, et in septem sphaeras septem Planctarum, quarum quædam sunt maiores, quædam minores, secundum quod plus accedunt uel recedunt à firmamento. Vnde inter illas sphaeras, Sphaera Saturni maxima est, Sphaera uero Lune minima, ut in sequenti figura continetur.

FIGVRA OSTENDENS
numerum ac ordinem
sphærarum coele-
stium.




Secundum

SECYNDVM ACCIDENS AV-

tem diuiditur in sphaeram rectam & sphaeram obliquam. Illi autem dicuntur habere sphaeram rectam, qui manent sub æquinoctiali, si aliquis ibi manere possit. Et dicitur recta, quia neuter polorum magis altero illis eleuatur, Vel quia eorum horizon interfecat æquinoctialem, & interfecatur ab eodem, ad angulos rectos sphaerales.

Illi uero dicuntur habere sphaeram obliquam, quicunq; habitant citra æquinoctialem uel ultra. Illis enim supra horizontem alter polorum semper eleuatur, alter uero semper deprimitur, Vel quoniam illorum horizon artificialis interfecat æquinoctialem, & interfecatur ab eodem ad angulos obliquos & impares.



DE PARTIBVS mundi.

Quæ sint partes mundi.

VNIVERSALIS AVTEM
mundi machina in duo diuiditur, in ætheream scilicet, & elementarem regionem.

Elementaris quidem alterationi continue peruia existens, in quatuor diuiditur. Est enim terra tanquam mundi centrum in medio omnium sita, circa quam aqua, circa quam aer, circa acrem ignis, illic purus & non turbidus, orbem Lune attingens, ut ait Aristoteles in libro Metheororum. Sic enim ea disposuit Deus gloriosus & sublimis. Et hæc quatuor elementa dicuntur, quæ vicissim a semetipsis alterantur, corrumpuntur & regenerantur.


Sunt autem elementa corpora simplicia, quæ in partes diuersarum formarum minime diuidi possunt, ex quorum commixtione diuersæ generatorum species fiunt. Quorum trium quodlibet terram orbiculariter undiq; circundat, nisi quantum siccitas terræ, humori aquæ obsistit, ad uitam animantium tuendam. Omnia enim præter terram mobilia existunt, quæ ut centrum mundi, ponderositate sua magnum extremorum motum undiq; æqualiter

æqualiter fugiens, rotundæ sphaeræ medium possi-
det.

Circa elementarem quidem regionem æthe-
rea regio lucida, ab omni uariatione, sua immuta-
bili essentia, immunis existens, motu continuo cir-
culariter incedit, & hæc a Philosophis quinta num-
cupatur essentia. Cuius nouem sunt sphaeræ, sicut
in proximo prædictum est, scilicet Luna, Mercu-
rij, Veneris, Solis, Martis, Iouis, Saturni, stella-
rum fixarum, & coeli ultimi. Istarum autem sphae-
rarum, quælibet superior inferiorem sphaerice cir-
cundat.

Quarum quidem duo sunt motus. Vnus est
coeli ultimi, super duas axis extremitates, scilicet,
polym arcticum & antarcticum, ab oriente per oc-
cidentem iterum rediens in orientem, quem æqui-
noctialis circulus per medium diuidit. Est etiam
alius inferiorum sphaerarum motus per obliquum
huic oppositus super polos suos, distantes a pri-
mis. xxij. gradibus & xxxij. minutis. Sed pri-
mus omnes alias sphaeras secum impetu suo rapit
intra diem & noctem circa terram semel, illis ta-
men contra nitentib. ut octaua sphaera in centum
annis gradu uno. Hunc siquidem motum secundum
diuidit per medium Zodiacus, sub quo quilibet se-
ptem Planetarum sphaerâ habet propriam, in qua
B 4 defertur

defertur motu proprio contra cœli ultimi motum, & in diuersis spacijs temporum ipsam metitur, ut Saturnus in xxx. annis. Iupiter in xij. Mars in duobus. Sol in cccxv diebus & vi. horis fere. Venus & Mercurius similiter fere cum Sole. Luna uero in xxvij. diebus & octo horis.




DE COELO. COELVM MOVERI circulariter, & esse figuræ sphæricæ.

QUOD AVTEM Cœlum ab oriente in occidentem uoluatur, signū est: Stelle quæ oriuntur, in oriente semper eleuantur paulatim & successive, quousq; in medium cœli ueniant, & sunt semper in eadem propinquitate & remotione ad inuicem, & ita semper se habentes, tendunt in occasum continue & uniformiter.

Est etiam

Est etiam aliud signum. *Stellæ quæ sunt iuxta
polum arcticum, quæ nunquam nobis occidunt, mo-
uentur continue & uniformiter circa polum de-
scribendo circulos suos, & semper sunt in æquali
distantia ad inuicem & propinquitate. Vnde per
istos duos motus continuos stellarum tam tenden-
tium ad occasum, quam non, patet, quod firmamen-
tum mouetur ab oriente in occidentem.*




QVOD AVTEM COE-

lum sit rotundum, triplex est ratio, similitudo, com-
moditas, & necessitas. Similitudo enim, quoniam
mundus sensibilis factus est ad similitudinem mundi
archetypi, in quo nec est principium nec finis. Vnde
ad huius similitudinem factus mundus sensibilis,
habet formam rotundam, in qua non est assignare
principium neq; finem.

Commoditas, quia omnium corporum isoperimetricorum sphaera maximum est, omnium etiam formarum rotunda capacissima est, quoniam igitur maximum & rotundum, ideo capacissimum, unde cum mundus omnia contineat, talis forma fuit illi utilis & commoda.

Necessitas, quoniam si Mundus esset alterius formae quam rotunda, scilicet trilatere, uel quadrilatera, uel multilatera, sequerentur duo impossibilia, scilicet, quod aliquis locus esset uacuuus, & corpus sine loco, quorum utrunq; est falsum, sicut patet in angulis eleuatis & circumuolutis.




Item

Item sicut dicit Alfraganus, Si cœlum esset
planum, aliqua pars cœli esset nobis propinquior
alia, illa scilicet, quæ esset supra caput nostrum, igitur
stella ibi existens, esset nobis propinquior, quam
stella in ortu uel occasu. Sed quæ nobis propin-
quiora sunt, maiora uidentur, ergo Sol uel alia stel-
la existens in medio cœli maior deberet uideri, quàm
in ortu existens uel in occasu. Cuius contrarium
uidemus contingere, maior enim apparet Sol, uel
alia stella existens in oriente, uel occidente, quam in
medio cœli. Sed cum rei ueritas ita non sit, huius
apparentiæ causa est, quod in tempore Hyemali uel
pluuiali, uapores quidam ascendant inter aspectum
nostrum & Solem, uel aliam stellam, & cum illi
uapores sint corpus diaphanum, disgregant radios
nostros uisuales, ita, ut non comprehendant rem
in sua naturali & uera quantitate, sicut patet in
denario proiecto in fundū aque limpide, qui
propter similem disgregationem
radiorum apparet maioris,
quam sue ueræ,
quantitatis.

Præcedenti

Præcedentis argumenti declaratio, ſe-
quentibus figuris patet.




DE TERRA.

I.

Terram cū aqua globum constituer
QUOD terra sit rotunda pat
sic: Signa & stella non equaliter ori
tur & occidunt omnibus hominibus ubiq; existi
ti

ibus, sed prius oriuntur & occidunt illis, qui sunt
 uersus orientem, Et quod citius & tardius oriuntur
 & occidunt quibusdam, causa est tumor terræ,
 quod bene patet per ea, quæ sunt in sublimi. Vna
 enim & eadem celsus Luna numero, quæ apparet
 nobis prima hora noctis, apparet orientalibus cir-
 ca horam noctis tertiam. Vnde constat, quod illis
 prius fuit nox, & Sol prius eis occidit, quam nobis.
 Cuius rei causa est tantum tumor terræ.




QVOD etiam terra habeat tumorem a septentrione in austrum, & e contra, sic patet. Homini-
minibus existentibus uersus septentrionem, quædam
stellæ sunt sempiternæ apparitionis, scilicet, quæ
propinque accedunt ad polum arcticum, aliæ autem
sunt sempiternæ occultationis, sicut illæ, quæ sunt
propinque polo antarctico. Si igitur aliquis pro-
cederet a septentrione uersus austrum, in tantum
posset procedere, quod stellæ, quæ prius erant ei
sempiternæ apparitionis, ei iam tenderent in occa-
sum, & quanto magis accederet ad austrum, tanto
plus mouerentur in occasum. Ille idem homo
posset uidere stellæ, quæ prius fuerant ei sempi-
ternæ occultationis. Et e conuerso contingeret ali-
cui procedenti ab austro uersus septentrionem.
Huius autem rei causa est tantum tumor terræ.

Item si terra esset plana ab oriente in occiden-
tem, tam cito orirentur stellæ occidentalibus quam
orientalibus, quod patet esse falsum.

Item si terra esset plana à septentrione in au-
strum & e contra, stellæ quæ essent alicui sempi-
ternæ apparitionis, semper apparerent eidem quo-
cunque procederet, quod falsum est. Sed quod pla-
na sit, præ nimia eius quantitate, hominum uisui
apparet.

Instrumenta

INSTRUMENTVM QVO
 & rotunditas terræ secundum la-
 titudinem probari, & facillime
 omnia ea, quæ Autor in ter-
 tio capite de diebus artis
 ficialibus tradit, osten-
 di possunt.



Quod

QUOD autem aqua habeat tumorem, & accedat ad rotunditatem, sic patet. Ponatur signum in litore maris, & exeat naus a portu, & in tantum elongetur, Ut oculus existentis iuxta pedem mali non possit uidere signum, stante uero naui, oculus existentis in summitate mali, bene uidebit signum illud. Sed oculus existentis iuxta pedem mali, melius deberet uidere signum, quam qui est in summitate mali, sicut patet per lineas ductas ab utroq; ad signum, & nulla alia huius rei causa est, quam tumor aque. Excludantur enim omnia alia impedimenta, sicut nebula & uapores ascendentes.

Item cum aqua sit corpus homogencum, totum cum partibus eiusdem erit rationis, sed partes aque (sicut in guttulis & roribus herbarum accidit) rotundam naturaliter appetunt formam, Ergo & totum, cuius sunt partes.



TERRA

II.

Terram esse centrum mundi, hoc est,
in medio uniuersi sitam, & uelut pun-
ctum respectu firmamenti esse,
immobilemque consistere.

QUOD autem terra sit in me-
dio firmamenti sita sic patet. Existenti-
bus in superficie terræ, stellæ apparent eiusdem quanti-
tatis, siue sint in medio coeli, siue iuxta ortum, siue
iuxta occasum, & hoc ideo, quia æqualiter terra di-
stat ab eis.

Si enim terra magis accederet ad firmamen-
tum in una parte quam in alia, sequeretur quod ali-
quis existens in illa parte superficiæ terræ, quæ ma-
gis accederet ad fir-




gis accederet ad fir-
mamentum, non ui-
deret coeli medietate-
tem. Sed hoc est con-
tra Ptolemæum, &
omnes Philosophos
dicentes, quod ubi-
cunq; existat homo,
sex signa ei oriun-

ur, & sex occidunt, & medietas coeli semper ap-
paret ei, medietas uero occultatur.

C illud

ILLVD IDEM EST SIGNVM, quod terra sit tanquam centrum, & punctū respectu firmamenti, quia si terra esset alicuius quantitatis respectu firmamenti, non contingeret medietatem cœli uideri.

Item, intelligatur superficies plana super centrum terræ, diuidens eam in duo æqualia, & ipsum firmamentum, Oculi igitur existens in terræ centro uideret medietatem cœli, & idem existens in superficie terræ uideret eandem medietatem. Ex his colligitur, quod insensibilis est quantitas terræ, quæ est a superficie ad centrum, & per consequens, quantitas totius terræ insensibilis est respectu firmamenti.



Item dicit Alfraganus, quod minima stellarum fixarum uisu notabilium, maior est tota terra, scilicet ipsa stella respectu totius firmamenti, est sicut punctum & centrū, multo igitur fortius terra est punctum respectu firmamenti.

Quo

QUOD autem terra in medio omnium teneatur immobiliter, cum sit summe grauis, sic persuadere uidetur eius grauitas. Omne graue naturaliter tendit ad centrum. Centrum quidem punctum est in medio firmamenti. Terra igitur cum sit summe grauis ad punctum illud naturaliter tendit.


ITEM, quicquid à medio mouetur uersus circumferentiam cœli ascendit, terra à medio mouetur, igitur ascendit, quod pro impossibili relinquitur.

III.


AMBITVM TERRAE, ET EX EO DIAMETRV M INVENIRE.

TOTIVS autem orbis terræ ambitum autoritate Ambrosij, Theodosij, Marcrobij, & Eratosthenis Philosophorum. 252000. stadia continere diffinitur, unicuique quidem 360. partium zodiaci 700. stadia deputando. Sumpto enim astrolabio uel quadrante in stellata noctis claritate, per utrumque mediclinij foramen polo perspecto, notetur graduum multitudo, in qua steterit mediclinium. Deinde procedat cosmimetra directe

uērsus septentrionē a meridie, donēc in alterius no-
 etis claritate, uiso ut
 prius polo, steterit
 altius uno gradu me-
 diclinium. Post hoc
 mensuretur huius iti-
 neris spaciū, & in-
 uenientur 700 sta-
 dia. Deinde datis
 unicuiq; 360. gra-
 duum tot stadijs, terreni orbis ambitus inuentus erit.



Ex his autem, iuxta circuli & diametri Regu-
 lam, Diameter terræ sic inueniri poterit, aufer uige-
 simam secundam partem de circuitu terræ, & re-
 manentis tertia pars, hoc est, 80383. stadia & se-
 mis, & tertia pars unius stadij, erit terreni orbis
 Diameter siue spissitudo.




CAPIT V=

CAPITVLVM SECVN

dum de circulis, ex quibus Sphæra
materialis componitur, & illa
supercoelestis (quam hæc
refert) componi in-
telligitur.

CIRCVLORVM DIVISIO.




CIRCULORVM ex
quibus sphæra com-
ponitur, quidam
sunt maiores, qui-
dam minores, ut sen-
sui patet, Maior au-
tem circulus in sphæ-
ra dicitur, qui de-
scriptus in superfi-
cie sphære super
eius centrū, diuidit
sphæram in duo æ-

qualia. Minor uero, qui descriptus in superficie sphæ-
re, eam non diuidit in duo æqualia, sed in portiones
inequales. Inter circulos uero maiores primo dicen-
dum est de æquinoctiali.

C; DE æqui-

DE AEQVINOCIALI CIRCULO.



EST igitur æquinoctialis, circulus quidam, diuidens spheram in duo equalia, secundū quamlibet sui partem æque distans ab utroq; polo. Et dicitur æquino-

ctialis, quoniam quando Sol transit per illum (quod est bis in anno, in principio Arietis scilicet, & in principio Libræ) est æquinoctium in uniuersa terra. Vnde etiam appellatur æquator diei & noctis, quia adæquat diem artificialem nocti. Et dicitur cingulum primi motus.

Vnde sciendum, quod primus motus, est motus primi mobilis, hoc est, nonæ spheræ, siue coeli ultimi, qui est ab oriente per occidentem, rediens iterū in orientem, qui etiam dicitur motus rationalis, ad similitudinem motus rationis, qui est in microcosmo, id est, in homine, scilicet, quando fit consideratio à creatore per creaturas in creatorem, ibi sistendo.

Secundus

Secundus motus est firmamenti & Planetarum, contrarius huic ab occidente per orientem iterum rediens in occidentem, qui motus dicitur irrationalis, siue sensualis, ad similitudinem motus microcosmi, qui est à corruptibilibus ad creatorem, iterum rediens ad corruptibilia.


Dicitur ergo cingulum primi motus, quia cingit siue diuidit primum mobile, scilicet sphaeram nominam in duo aequalia, aequè distans à polis mundi. Vnde notandum, quod polus mundi, qui nobis semper apparet, dicitur polus septentrionalis, arcticus uel borealis. Septentrionalis dicitur à septentrione, hoc est, à minori ursa, à septem & trion, quod est bos, quia septem stellæ, quæ sunt in ursa tarde mouentur ad modum bouis, cum sint propinquæ polo. Vel dicuntur illæ septem stellæ, septentriones, quasi septem teriones, eo quod terunt partes circa polum. Arcticus quidem dicitur ab ἄρκτος quod est ursa. Est enim iuxta maiorem ursam. Borealis uero dicitur, quia est in illa parte, à qua uenit Borcas.

Polus uero oppositus dicitur antarcticus, quasi contra arcticum positus, dicitur & meridionalis, quia ex parte meridiei est, dicitur etiam australis, quia est in illa parte à qua uenit auster. Ista igitur duo puncta in firmamento stabilia, dicuntur poli mundi, quia sphaeræ axem terminant, et ad illos uol-

uitur mundus, quorum unus semper nobis apparet,
reliquus uero semper occultatur. Vnde Virgilius in
primo Georgicorum :

Hic uertex nobis semper sublimis at, illum
Sub pedibus styx atra uidet, manesq; profundi.

DE ZODIACO CIRCULO.



EST alius
us circulus
in sphaera, qui in-
tersecat equino-
ctialem, et inter-
secatur ab eodem
in duas partes æ-
quales, et una ei-
us medietas decli-
nat uersus septen-

trionem, alia uersus austrum. Et dicitur iste circu-
lus zodiacus a $\zeta\omega\delta\iota\alpha\kappa\alpha$, quod est uita, quia secundum mo-
tum Planetarum sub illo est omnis uita in rebus infe-
rioribus. Vel dicitur à $\zeta\omega\delta\iota\omicron\pi$, quod est animal,
quia cum diuidatur in xij. partes æquales, quælibet
pars appellatur signum, & nomen habet speciale
a nomine alicuius animalis, propter proprietatem
aliquam

aliquam conuenientem tam ipsi, quam animali. Vel
propter dispositionem stellarum fixarum in illis par-
tibus ad modum huiusmodi animalium. Iste uero cir-
culus latine dicitur signifer, quia fert signa, uel quia
diuiditur in ea. Ab Aristotele uero in libro de gene-
ratione et corruptione dicitur circulus obliquus, ubi
dicit, quod secundum accessum & recessum Solis in
circulo obliquo, fiunt generationes & corruptiones
in rebus inferioribus. Nomina autem signorum, or-
dinatio, & numerus in his patent uersibus:


Sunt Aries, Taurus, Gemini, Cancer, Leo, Virgo,
Libraque, Scorpius, Arcitenens, Capre, Amphora,
(Pisces.

Quodlibet autem signum diuiditur in 30. gra-
dus. Vnde patet, quod in toto zodiaco sunt 360. gra-
dus. Secundum autem Astronomos iterum quilibet
gradus, diuiditur in 60. minuta, quodlibet minutum
in 60. secunda, quodlibet secundum in 60. tertia, et
sic deinceps usque ad decem. Et sicut diuiditur zodia-
cus ab astronomo, ita et quilibet circulus in sphaera,
siue maior siue minor in partes consimiles;

Cum omnis etiam circulus in sphaera praeter
zodiacum intelligatur, sicut linea uel circumfren-
tia, solus zodiacus intelligitur ut superficies, habens

in latitudine sua duodecim gradus, de cuiusmodi gradibus iam locuti sumus. Vnde patet, quod quidam mentiuntur in Astrologia dicentes, signa esse quadrata, nisi abutentes nomine, idem appellent quadratum & quadrangulum. Signum enim habet gradus xxx. in longitudine, xij. in latitudine.

Linea autem diuidens zodiacum in circuitu, ita quod ex una parte sui relinquat sex gradus, & ex alia parte alios sex, dicitur linea ecliptica, quoniam quando Sol & Luna sunt linealiter sub illa, contingit eclipsis Solis aut Lune. Solis, ut si fiat novilunium, & Luna interponatur recte inter aspectus nostros & corpus solare. Lune, ut in plenilunio, quando Sol



Lune opponitur diametraliter.

Vnde eclipsis Lune nihil aliud est, quam interpositio terre inter corpus Solis & Lune. Sol quidem semper decurrit sub Ecliptica, omnes vero alij Planetae declinant, uel uersus septentrionem,

trionem,

rionem, uel uersus austrum, quandoq; autem sunt
sub ecliptica. Pars uero zodiaci, quæ declinat ab
æquinoctiali uersus septentrionem, dicitur septen-
trionalis, uel borealis, uel arctica. Et illa sex signa,
quæ sunt à principio arietis usq; ad finem uirginis,
dicuntur signa septentrionalia uel borealia. Alia
pars zodiaci, quæ declinat ab æquinoctiali uersus
meridiem, dicitur meridionalis, uel australis, uel
antarctica. Et sex signa, quæ sunt à principio Li-
bræ usq; in finem Piscium, dicuntur meridionalia
uel australia.

CVM autem dicitur, quod in ariete est Sol,
uel in alio signo, sciendum, quod hæc præpositio in-
uenitur pro sub, secundum quod nunc accipimus si-
gnum. In alia autem significatione dicitur signum
pyramis quadrilatera, cuius basis est illa superficies,
quam appellamus signum, uertex uero eius est in
centro terræ. Et secundum hoc proprie loquendo
possumus dicere, Planetas esse in signis.

Tertio modo dicitur signum, ut intelligantur
sex circuli transcurrentes per polos zodiaci, & per
principia. xij. signorum, illi sex circuli diuidunt
totam superficiem spheræ in xij. partes, latas in
medio, arctiores uero iuxta polos zodiaci, quali-
et pars dicitur signum, & nomen habet speciale
nomine illius signi, quod intercipitur inter suas
duas

suas duas lineas. Et secundum hanc acceptionem, stelle, quæ sunt iuxta polos extra zodiacum, dicuntur esse in signis.

Item intelligatur corpus quoddam, cuius basis sit signum, secundum quod nunc ultimo accipimus




signum, acumen uero eius sit super axem zodiaci. Tale igitur corpus in quarta significatione dicitur signum, secundum quam acceptionem, totus mundus diuiditur in duodecim partes æquales, quæ dicuntur signa, & sic quicquid est in mudo, est in aliquo signo.

DE DVO=

BVS COLVRIS.

Sunt

SVNT autem alij duo circuli maiores in sphaera, qui dicuntur coluri, quorum officium est distinguere solstitia & equinoctia. Dicitur autem colurus a κῶλον Græce, quod est membrum, οὐς, quod est bos sylvester, quia quemadmodum cauda Bovis sylvestris erecta, quæ est eius membrum, facit semicirculum et non perfectum, ita colurus semper apparet nobis imperfectus, quoniam solum una eius medietas apparet, alia uero nobis occultatur.



Colurus igitur, distinguens solstitia, transit per polos mundi, per polos zodiaci, & maximas Solis declinationes, hoc est, per primos gradus Cancrī & Capricorni. Vnde primus punctus cancrī

ubi colurus iste intersecat zodiacū, dicitur punctus solstitij æstivalis, quia quando Sol est in eo, est solstitium æstivale, & non potest Sol magis accedere ad zenith capitis nostri. Est autem zenith punctus in firmamento directe suprapositus caputibus nostris. Arcus uero coluri, qui intercipitur inter punctum solstitij

solstitij æstiuæ et æquinoctialem, appellatur maxima Solis declinatio. Et est secundum Ptolemaeum 23 graduum & 51. minutorum. Secundum Almeonem uero 23. graduum, & 33. minutorum. Similiter primum punctum capricorni, ubi idem colurus ex alia parte interfecat zodiacum, dicitur punctum solstitij Hyemalis, & arcus coluri interceptus inter punctum illud & æquinoctialem, dicitur alia maxima Solis declinatio, & est æqualis priori.

Alter quidem colurus transit per polos mundi, & per prima puncta arietis & libræ, ubi sunt duo æquinoctia, unde appellatur colurus distinguens æquinoctia. Isti autem duo coluri interfecant sese super polos mundi ad angulos rectos sphaerales. Signa quidem solstitorum & æquinoctiorum patent his uersibus.

Hæc duo solstitia faciunt Cancer Capricornus.

Sed noctes æquant Aries & Libra diebus.


DE MERIDIANO & Horizonte.

SVNT iterum duo alij circuli maiores in Sphæra, scilicet meridianus et horizon.
Est au-

EST AVTEM meridianus, circulus quidam
transiens per polos mundi, & per zenith capitis no-
stri. Et dicitur meridianus, quia ubicunq; sit homo,
& in quocunq; tempore anni, quando Sol motu fir-
mamenti peruenit ad suum meridianum, est illi meri-
dies. Consimili ratione dicitur circulus medij diei.
Et notandum quod ciuitates, quarum una magis ac-
cedit ad orientem, quam alia, habent diuersos meri-
dianos. Arcus uero æquinoctialis interceptus inter
duos meridianos, dicitur longitudo ciuitatum. Si au-
tem due ciuitates eundem habeant meridianum, tunc
æqualiter distant ab oriente & occidente.

HORIZON uero est circulus diuidens in-
ferius hemisphærium a superiori, unde appellatur
horizon, id est, terminator uisus. Dicitur etiam
horizon circulus hemisphærij, eadem de causa. Est
autem duplex horizon, rectus & obliquus, siue de-
cliuus. Rectum horizontem & spheram rectam
habent illi, quorum zenith est in æquinoctiali, quia
illorum horizon est circulus transiens per polos
mundi, diuidens æquinoctialem ad angulos rectos
sphaerales, unde dicitur horizon rectus, & sphaera
recta. Obliquum horizontem siue decliuum habent
illi, quibus polus mundi eleuatur supra horizon-
tem, & quoniam illorum horizon intersecat æqui-
noctialem

noctialem ad angulos impares & obliquos, dicitur horizon obliquus, & sphaera obliqua siue decliuis, Zenith autem capitis nostri semper est polus horizontis. Vnde ex his patet, quod, quanta est eleuatio poli mundi super horizontem, tanta est distantia zenith ab equinoctiali, quod sic patet. Cum in quo-



libet die naturali uterq; colurus bis iungatur meridi ano, siue idem sit, quod meridianus, quicquid de uno probatur, & de reliquo. Sumatur igitur quarta pars coluri disti-

guentis solstitia, quæ est ab equinoctiali usq; ad polum mundi, sumatur iterum quarta pars eiusdem coluri, quæ est a zenith usq; ad horizontem, cum zenith sit polus horizontis. Istæ duæ quartæ, cum sint quartæ eiusdem circuli, inter se sunt æquales, sed si ab æqualibus æqualia demantur, uel idem commune, residua erunt æqualia, dempto igitur communi arcu, scilicet, qui est inter zenith & polum mundi, residua erunt æqualia, scilicet, eleuatio poli mundi supra horizontem, et distantia zenith ab equinoctiali.

DE QVA

DE QVATVOR CIR-
CVLIS MINORIBVS.

DICTO DE SEX CIRCV-
lis maioribus, dicendum est de quatuor mi-
noribus. Notandum igitur, quod Sol existens in
primo puncto cancri, siue in puncto solstitij aestiua-
lis, raptu firmamenti describit quendam circulum,
qui ultimo descriptus est à Sole ex parte poli arctici.
Vnde appellatur circulus solstitij aestiualis ratione
superius dicta, uel tropicus aestiualis à τροπῆ, quod
est conuersio, quia tunc Sol incipit se conuertere ad
inferius hemisphaerium, & recedere a nobis. Sol
iterum existens in primo puncto capricorni, siue
solstitij hyemalis, raptu firmamenti describit quen-
dam circulum, qui ultimo describitur a Sole ex par-
te poli antarctici, Vnde appellatur circulus solstitij
hyemalis, siue tropicus hyemalis, quia tunc Sol con-
uertitur ad nos.

CVM autem zodiacus declinet ab æquinocti-
ali, & polus zodiaci declinabit a polo mundi. Cum
igitur moueatur octaua Sphaera et zodiacus, qui est
pars octauæ sphaeræ, mouebitur circa axem mundi,
et polus zodiaci mouebitur circa polum mundi. Iste
igitur circulus, quem describit polus zodiaci circa
D polum

polum mundi arcticum, dicitur circulus arcticus. Ille uero circulus, quem describit alter polus zodiaci, circa polum mundi antarcticum, dicitur circulus antarcticus.

QVANTA EST etiam maxima Solis declinatio, scilicet ab æquinoctiali, tanta est distantia poli mundi ad polum zodiaci, quod sic patet. Sumatur colurus distinguens solstitia, qui transit per polos mundi, & per polos zodiaci, cum igitur omnes quarta unius & eiusdem circuli inter se sint æquales, quarta huius coluri, quæ est ab æquinoctiali, usq; ad polū mundi, erit equalis quarta eiusdem coluri, quæ est a primo puncto cancri usq; ad polum zodiaci, igitur ab illis equalibus dempto communi arcu, qui est a primo puncto cancri usq; ad polum mundi, residua erunt æqualia, scilicet, maxima Solis declinatio, & distantia poli mundi ad polum zodiaci.

Cum autem circulus arcticus secundum quamlibet sui partē æque distet a polo mundi, patet quod illa pars coluri, quæ est inter primum punctum cancri & circulum arcticum, fere est dupla ad maximam Solis declinationem, siue ad arcum eiusdem coluri, qui intercipitur inter circulum arcticum et polum mundi arcticum, qui etiam arcus æqualis est maxime Solis declinationi.

Cum

Cum enim Colurus iste, sicut alij circuli in spæ-
ra sit 360. graduum, quarta eius crit 90. graduum.
Cum igitur maxima Solis declinatio secundum Pto-
lemeum sit 23. graduum & 51. minutorum, & to-
tidem graduum sit arcus, qui est inter circulum ar-
cticum & polum mundi arcticum, si ista duo simul
iuncta, quæ fere faciunt 48. gradus, subtrahuntur
à 90. residui crunt 42. gradus, quantus est arcus
coluri, qui est inter primum punctum cancri et cir-
culum arcticum, & sic patet, quod ille arcus fere
duplus est ad maximam Solis declinationem.

DE QVINOVE ZONIS.

ÆQVINOCTIALIS CVM
quatuor circulis minoribus dicuntur
quinque paralleli quasi æque distantes, non quia quan-
tum primus distat a secundo, tantum secundus distet à
tertio, quia hoc falsum est, sicut iam patuit, sed quia
quilibet duo circuli, simul iuncti, secundum quamli-
bet sui partem æque distant ab inuicem, & dicun-
tur parallelus æquinoctialis, Parallelus solstitij æsti-
ualis, Parallelus solstitij hyemalis, Parallelus arcti-
cus, Parallelus antarcticus.

Notandum etiam,

D 2 quod

quod quatuor paralleli minores, scilicet duo tropici, & parallelus arcticus, & parallelus antarcticus distinguunt in coelo quinque zonas, siue regiones.

Vnde Virgilius in Georgicis :

Quinque tenent coelum zona, quarum una corusco
Semper Sole rubens, & torrida semper ab igni etc.

Distinguuntur etiam totidem plage in terra,
directe praedictis zonis suppositae. Vnde Ovidius
primo Metamorphoseon :

Totidemque plage tellure premuntur.


Quarum quae media est, non est habitabilis
aestu.

Nix tegit alta duas, totidem inter utranque locavit.

Temperiemque dedit, mixta cum frigore flamma.


ILLA igitur zona, quae est inter duos tropicos, dicitur inhabitabilis propter calorem Solis discurrentis semper inter tropicos. Similiter plaga terrae illi directe supposita, dicitur inhabitabilis propter calorem Solis discurrentis super illam. illae uero duae zonae, quae circumscribuntur à circulo arctico, & circulo antarctico circa polos mundi, inhabitabiles sunt propter nimiam frigiditatem, quia sol
ab eis

ab eis maxime remouetur. Similiter intelligendum
 est de plagis terræ illis directe suppositis. Ille au-
 tem due zone, quarum una est inter tropicum æsti-
 ualem & circulum arcticum, & reliqua, quæ est
 inter tropicum hyemalem & circulum antarcticū,
 habitabiles sunt, & temperatæ caliditate torri-
 de zone existentis inter tropicos, &
 frigiditate zonarum extremarum,
 quæ sunt circa polos mundi.
 Idem intellige de plagis
 terræ illis directe
 suppositis.



D 3 Alia

ALIA FIGVRA DE DI-
 stinctione Zonarum, qua si-
 mul causæ distributionis
 earum & in cœlo & in
 terra cernuntur.



CAPITV.

CAPITVLVM TERTIVM

de ortu & occasu signorum, de di-
uersitate dierum & noctium, &
de diuisione climatum.

DE ORTV ET OCCA- su signorum.

I.

DE ORTV POETICO.

QVID SIT SIGNA VEL
stellas oriri & occidere, Cosmi-
ce, Achronice, & Heliace.

SIGNORVM autem ortus &
Occasus dupliciter accipitur, quoniam quan-
tum ad Poetas, & quantum ad Astronomos. Est igitur
ortus & occasus signorum, quo ad Poetas tri-
plex, scilicet, Cosmicus, Chronicus, & Heliacus.

COSMICVS enim ortus siue mundanus
est, quando signum uel stella super horizontem ex
parte orientis de die ascendit. Et licet in qualibet die
artificiali sex signa sic oriantur, tamen per antono-
masian signum illud dicitur cosmice oriri, cum quo,
& in quo Sol mane oritur. Et hic ortus proprius et
principalis & quotidianus dicitur, de quo ortu ex-

emplum in Georgicis habetur, ubi docetur satio fa-
barum & milij in uere, Sole existente in tauro sic.

Candidus auratis aperit cum cornibus annum
Taurus, & aduerso cedens canis occidit astro.

Occasus uero cosmicus est respectu oppositio-
nis, scilicet, quando Sol oritur cum aliquo signo,
cuius signum oppositum occidit cosmice. De hoc
occasu dicitur in Georgicis, ubi docetur satio fru-
menti in fine autumnii, Sole existente in scorpio,
qui cum oriatur cum Sole, Taurus signi eius oppo-
situm, ubi sunt pleiades, occidit, sic.

Ante tibi Eoæ Atlantides abscondantur,
Debita quam sulcis committas semina.

Pro Chreni
co legendū,
ἀκρόνυχος
ut uocat
Proclus in
Hesiodo.
ἔθος τοῖς
ἀστρονόμοις
ἀκρόνυχος
τούτους
καλεῖν.

CHRONICVS ortus siue temporalis est,
quando signum uel stella post Solis occasum supra
horizontem ex parte orientis emergit chronice,
scilicet, de nocte, & dicitur temporalis, quia tem-
pus Mathematicorum nascitur cum Solis occasu.
De hoc ortu habemus in Ouidio de Ponto, ubi con-
quiritur moram exilij sui dicens:

Quatuor autumnos pleias orta facit, significans
per quatuor autumnos, quatuor annos transisse
postquam missus erat in exilium. Sed Virgilius uo-
luit in autumnno pleiades occidere, ergo contrarij
uidentur. Sed

Sed ratio huius est, quod secundum Virgilium
occidunt cosmice, secundum Ovidium oriuntur
chronice, quod bene potest contingere eodem die,
sed differenter tamen, quia cosmicus occasus est, re-
spectu temporis matutini, Chronicus uero respectu
vespertini est.

CHRONICUS occasus est respectu oppositionis.
Vnde Lucanus sic inquit,

Tunc nox thessalicas urgebat parua sagittas.

HELIACVS ortus siue solaris est, quando
signum uel stella uideri potest per elongationem
Solis ab illo, quod prius uideri non poterat Solis
propinquitate. Exemplum huius ponit Ovidius in
libro de Fastis sic.

Iam leuis obliqua subsedit aquarius urna.

Et Virgilius in Georgicis,

Cnosiaq; ardentis decedat stella coronæ.

Que iuxta Scorpionem existens non uideba-
tur, dum Sol erat in Scorpio.

OCCASVS Heliacus est, quando Sol ad si-
gnum accedit, & illud sua presentia et luminosita-
te uideri non permittit. Huius exemplum est in uer-
su premissio.

Et aduerso cedens canis occidit astro.


VIRGILII

D

S

Instru-

INSTR VMENTVM, QVO
facilime omnes diuersitates
ortus Poetici, oculis
subijciuntur.




DE ORTV

II.

DE ORTV ET OCCASV

signorum secundum Astrologos, seu de ascensionibus & descensionibus signorum.



QVID INTELLIGANT

Astronomi per ortum & occasum alicuius signi Zodiaci, quidq; sit oriri & occidere, recte ac oblique.

SEQVITVR de ortu & occasu signorum pro ut sumunt Astronomi, & prius in sphaera recta. Sciendum est, quod tam in sphaera recta, quam obliqua, ascendit aequinoctialis circulus semper uniformiter, scilicet in temporibus equalibus, aequales arcus ascendunt. Motus enim coeli uniformis

formis est, & angulus, quem facit æquinoctialis, cum horizonte obliquo, non diuersificatur in alijs quibus horis. Partes uero zodiaci non de necessitate habent æquales ascensiones in utraq; Sphæra, quia quanto aliqua zodiaci pars rectius oritur, tanto plus temporis ponitur in suo ortu. Huius signū est, quia sex signa oriuntur in longa uel in breui die artificiali, similiter & in nocte.

Notandum igitur, quod ortus uel occasus aliquius signi, nihil aliud est, quam illam partem æquinoctialis oriri, quæ oritur cum illo signo oriente, id est, ascendente supra horizontem, uel illam partem æquinoctialis occidere, quæ occidit cum illo signo occidente, id est, tendente ad occasum sub horizonte. Signum autem recte oriri dicitur, cum quo maior pars æquinoctialis oritur, oblique uero cum quo minor. Similiter etiam intelligendum est de occasu.

De ascensionib. signorum in Sphæra recta, hoc est, quomodo signa, seu partes eclipticæ in Sphæra recta cum partibus æquinoctialis conterminalibus coascendant.

ET est sciendum, quod in Sphæra recta quarta zodiaci inchoate à quatuor punctis,

punctis, duobus scilicet solstitialibus & duobus æquinoctialibus, adæquantur suis ascensionibus, id est, quantum temporis consumit quarta zodiaci in suo ortu, in tanto tempore quarta æquinoctialis illi conterminalis peroritur.

Sed partes illarum quartarum uariantur, neque habent æquales ascensus, sicut iam patebit.


Est autem Regula, Quilibet duo arcus zodiaci æquales, & æqualiter distantes ab aliquo quatuor punctorum iam dictorum, æquales habent ascensiones, & ex hoc sequitur, quod signa opposita æquales habent ascensiones, & hoc est, quod dicit Lucanus, loquens de processu Catonis in Lybiam uersus æquinoctialem.

Non obliqua meant, nec Tauro rectior exit
Scorpius, aut Aries donat sua tempora Libra,
Aut Astrea iubet lentos descendere Pisces.
Par geminis Chiron, & idem quod Carcinus
ardens
Humidus Aegoceros, nec plus Leo tollitur urna.

Hic dicit Lucanus, quod existentibus sub æquinoctiali, signa opposita æquales habent ascensiones & occasus. Oppositio autem signorum habetur per hunc uersum.

Est lib, ari, scor, tau, sa, ge, cap, can, a, le, pis, uir.
Et est

Et est notandum, quod non ualet talis argu-
 mentatio. Isti duo arcus sunt equales, & simul inci-
 piunt oriri, & semper maior pars oritur de uno,
 quam de reliquo, ergo ille arcus citius peroritur, cu-
 ius maior pars semper oriebatur. Instantia huius ar-
 gumentationis manifesta est, in partibus prædicta-
 rum quartarum. Si enim sumatur quarta pars zo-
 diaci, quæ est a principio arietis usq; ad finem gemi-
 norum, semper maior pars oritur de quarta zodiaci,
 quam de quarta æquinoctialis sibi conterminali, &
 tamen illæ duæ quartæ simul peroriuntur. Idem in-
 tellige de quarta zodiaci, quæ est a principio libræ
 usq; ad finem sagittarij. Item si sumatur quarta zo-
 diaci, quæ est a principio canceri usq; ad finem uirgi-
 nis, semper maior pars oritur de quarta æquinoctia-
 lis, quam de quarta zodiaci illi conterminali, & ta-
 men illæ duæ quartæ simul peroriuntur. Idem intel-
 lige de quarta zodiaci, quæ est a primo puncto ca-
 pricorni usq; ad finem piscium.



**DE ASCENSIONIBVS SIG-
norum in Sphæra obliqua,, polo sep-
tentrionali eleuato, quæq; sit ra-
tio ascensionum in Spæra ob-
liqua collatarum ad ascen-
siones in Sphæra
recta.**

IN Sphæra autem obliqua siue de-
cliu, duæ medietates zodiaci adequantur suis
ascensionibus. Medietates dico, quæ sumuntur a
duobus punctis æquinoctialibus, quia medietas zo-
diaci, quæ est a principio arietis usq; in finem uirgi-
nis, oritur cum medietate æquinoctialis sibi conter-
minali. Similiter alia medietas zodiaci oritur cum
reliqua medietate æquinoctialis.




PARTES AVTEM
illarum medietatum uariar-
tur secundum suas ascensi-
ones, quoniam in illa medi-
etate zodiaci, quæ est a
principio arietis usq; ad fi-
nem uirginis, semper ma-
ior pars oritur de zodiaco,

quam de æquinoctiali, & tamen ille medietates, si-
mul peroriuntur.

Econuerso

Econuerso contingit in reliqua medietate zodiaci, quæ est à principio libræ, usq; ad finem piscium, semper enim maior pars oritur de æquinoctiali, quam de zodiaco, & tamen illæ medietates simul peroruntur. Vnde hic patet instantia facta manifestior contra argumentationem superius dictam.



ARCUS autem qui succedunt arieti usq; ad finem uirginis in sphaera obliqua, minuunt ascensiones suas supra ascensiones eorundem arcuum in sphaera recta, quia minus oritur de æquinoctiali. Et arcus, qui succedunt libræ usq; ad finem piscium in sphaera obliqua, augent ascensiones suas supra ascensiones eorundem arcuum in sphaera recta, quia plus oritur de æquinoctiali. Augent dico, secundum tantam quantitatem, in quanta arcus succedentes arieti minuunt. Ex hoc patet, quod duo arcus æquales & oppositi in sphaera decliui, habent ascensiones suas iunctas æquales ascensionibus eorundem arcuum in sphaera recta simul sumptis, quia quanta est diminutio ex una parte, tanta est additio ex altera. Licet enim

enim arcus inter se sint inæquales, tamen quanto unus minor est, tantum recuperat alius, & sic patet adequatio.

Regula quidem est in Sphæra obliqua, quod quilibet duo arcus zodiaci æquales, & æqualiter distantes ab alterutro punctorum æquinoctialium, æquales habent ascensiones.


DE DIEBUS NATURALIBUS ET ARTIFICIALIBUS.

DIES naturales esse inæquales in Sphæra recta propter duas causas, in obliqua propter tres. Dies uero artificiales cum noctibus suis in sphæra recta esse æquales, in sphæra obliqua inæquales, exceptis diebus æquinoctialibus, id quod duplici ratione patet. Primum ex intersectione circulorum dierum naturalium, quæ fit in sphæra recta, ab horizonte recto, in sphæra obliqua, ab horizonte obliquo.

Secundo ex consideratione ascensionum signorum in utroque sphæra situ.

E Ex præ


EX PRAEDICTIS etiam patet, quod dies naturales sunt inaequales. Est enim dies naturalis reuolutio aequinoctialis circa terram semel, cum tanta zodiaci parte, quantam interim Sol pertransit motu proprio contra firmamentum. Sed cum ascensiones illorum arcuum sint inaequales, ut patet per praedicta, tam in sphaera recta quam in obliqua, & penes additamenta illarum ascensionum considerentur dies naturales, illi de necessitate erunt inaequales. In sphaera recta, propter unicam causam, scilicet propter obliquitatem zodiaci. In sphaera uero obliqua, propter duas causas, scilicet propter obliquitatem zodiaci, & obliquitatem horizontis obliqui. Tertia solet assignari causa eccentricitas circuli Solis.



ANNOTATIO.

DVAE sunt potissimae causae inaequalitatis dierum naturalium. **PRIMA** ac precipua est eccentricitas Solis, ut uocat Autor, hoc est, quod

quod Sol mouetur regulariter in eccentrico circulo,



de zodiaco uero
aequalibus tempo
rum spacijs inae
quales arcus con
ficit, Quare ne
cessarium est, ad
ditamenta, ratio
ne motus Solis
propriij ad reuo
lutiones equato
ris addenda, ine

qualia esse.


SECUNDA causa est obliquitas zodiaci,
quod scilicet partes zodiaci inaequaliter oriuntur,
seu inaequales habent ascensiones, ut supra dictum
est, Quare etiamsi Sol regulariter moueretur in
zodiaco, tamen hac de causa additamenta uariarent.

TERTIA causa est obliquitas Horizontis
Hæc ad singulas poli eleuationes peculiaris est, Sed
ab artificibus excluditur, eo quod a meridiano, non
ab ortu uel occasu dici, sumunt initium dierum na
turalium.

DE DIEBUS ARTI ficialibus.

E 2 Notan

Notandum etiam, quod Sol tendens a primo puncto capricorni per arietem, usq; ad primum punctum cancri, raptu firmamenti describit, 152 parallelas, qui paralleli, & si non omnino sunt circuli, sed spiræ, tamen, cum non sit in hoc error sensibilis, in hoc uis non constituatur, si circuli appellantur, de numero quorum circularum sunt duo tropici, & unus æquinoctialis. Item iam dictos circulos




describit Sol raptu firmamenti, descendens a primo puncto cancri per libram, usq; ad primum punctum capricorni. Et isti circuli, dicuntur naturalium circuli appellantur.

Arcus autem, qui sunt supra horizontem, sunt arcus dierum artificialium. Arcus uero qui sunt sub horizonte, sunt arcus noctium artificialium.

In Sphæra igitur recta, cum horizon sphære recte transeat per polos mundi, diuidit omnes circulos istos in partes æquales. Vnde tanti sunt arcus dierum, quanti sunt arcus noctium apud existentes sub

*sub æquinoctiali.
Vnde patet, quod
existentibus sub
æquinoctiali, in
quacunq; parte
firmamenti sit
Sol, est semper
æquinoctium.*




*In Sphæra autem declinæ, horizon obliquus di-
uidit solum æquinoctialem in duas partes æquales.
Vnde quando Sol est in alterutro punctorum æqui-
noctialium, tunc arcus diei æquatur arcui noctis. Et
est æquinoctium in uniuersa terra.*

*Omnes uero alios circulos, diuidit horizon ob-
liquus in partes inæquales, ita ut in omnibus circu-
lis qui sunt ab æquinoctiali, usq; ad tropicum can-
cri, et in ipso tropico cancri, maior sit arcus diei,
quam noctis, id est, arcus super horizontem, quam
sub horizonte. Vnde in toto tempore, quo Sol mo-
uetur a principio arietis per cancrum, usq; in finem
uirginis, maiorantur dies supra noctes, et tanto
plus, quanto magis accedit Sol ad cancrum, et tan-
to minus, quanto magis recedit.*

E 5 Econ=

Econuerso autem sc habet de diebus & noctibus,



dum Sol est in signis australibus. In omnibus alijs circulis, quos Sol describit inter æquinoctialem et tropicum capricorni, maior est arcus sub horizonte, & minor supra. Vnde arcus diei est minor,

quam arcus noctis, & secundum proportionem arcuum minorantur dies supra noctes, & quanto circuli sunt propinquiores tropico Hyemali, tanto magis minorantur dies.

Vnde uidetur, quod si sumantur duo circuli æquedistantes ab æquinoctiali ex diuersis partibus, quantus est arcus diei in uno, tantus est arcus noctis in reliquo. Ex hoc sequi uidetur, quod si duo dies naturales sumantur in anno, æqualiter remoti ab alterutro æquinoctiorum in oppositis partibus, quantus est dies artificialis unius, tanta est nox alterius, et econuerso. sed hoc est, quantum ad uulgi sensibilitatem in horizontis fixatione. Ratio enim per ademptionem Solis contra firmamentum in obliquitate zodiaci, uerius dijudicat.

Quanto

Quanto quidem polus mundi magis eleuatur
 supra horizontem, tanto maiores sunt dies aestatis,
 quando Sol est in signis septentrionalibus, sed econ-
 uerso, quando est in signis australibus, tanto magis
 minorantur dies supra noctes.


NOTANDum etiam, quod sex signa, quae sunt
 a prin ipio cancri per libram usq; in finem sagittarij
 habent ascensiones suas in sphaera obliqua simul iun-
 ctas maiores ascensionibus sex signorum, quae sunt a
 principio capricorni per arietem, usq; ad finem ge-
 minorum. Vnde illa sex signa prius dicta, dicuntur
 recte oriri, ista uero sex oblique. Vnde uersus.

Recta meant, obliqua cadunt a sydere cancri,
 Donec finitur Chiron, sed cetera signa,
 Nascentur prono, descendunt tramite recto.

Et quando est nobis maxima dies in aestate, sei-
 licet Solc existente in principio cancri, tunc oriun-

tur de die sex si-
 gna directe ori-
 entia, de nocte
 autem sex obli-
 que.

Econuerso,
 quando nobis est
 minimus dies in
 anno, scilicet sole
 existente in prin-



cipio

cipio capricorni, tunc oriuntur de die sex signa oblique orientia, de nocte uero sex directe.

Quando autem Sol est in alterutro punctorum æquinoctialium, tunc de die oriuntur tria signa directe orientia, & tria oblique, & de nocte similiter.

Est enim Regula, Quantumcunque breuis uel prolixa sit dies uel nox, sex signa oriuntur de die, & sex de nocte, Nec propter prolixitatem, uel breuitatem diei uel noctis plura, uel pauciora signa oriuntur. Ex his colligitur, quod cum hora naturalis, sit spacium temporis, in quo medietas signi peroritur, in qualibet die artificiali, similiter & nocte, sunt duodecim horæ naturales.

In omnibus autem alijs circulis, qui sunt à latere æquinoctialis, uel ex parte australi, uel septentrionali, maiorantur uel minorantur dies uel noctes, secundum quod plura uel pauciora de signis directe orientibus, uel oblique, de die uel nocte oriuntur.

Prædicta de diuersitate dierum & noctium artificialium, per omnia terræ loca cum alijs nonnullis accidentibus cōsiderare, ut sunt diuersi ortus et occasus stellarum, item diuersa uis Solis ad omnes terræ tractus habitudo, unde & temporū & umbrarum ratio in diuersis sphæræ sitib. uariatur. De

DE IIS QVAE ACCI-
DVNT HABENTIBVS SPHAE-
RAM RECTAM.

NOTANDVM autem, quod illis, quorum
zenith est in æquinoctiali circulo, Sol bis in
anno transit per zenith capitis eorū, scilicet, quan-
do est in principio arietis, & in principio libræ, &
tunc sunt illis duo alta solstitia, quoniam Sol directe
transit supra capita eorum. Sunt iterum illis duo
ima solstitia, quando Sol est in primis punctis cancri
& capricorni, & dicuntur ima, quia tunc Sol ma-
xime remouetur à zenith capitis eorum. Vnde ex
prædictis patet, cum semper habeant æquinoctium,
in anno quatuor habebunt solstitia, duo alta, &
duo ima.

Patet etiam, quod duas habent æstates, Sole
scilicet existente in alterutro punctorū æquinoctia-
lium, uel prope. Duas etiam habent Hyemes, scilicet
Sole existente in primis punctis cancri et capricor-
ni, uel prope. Et hoc est, quod dicit Alfraganus, quod
Æstas et Hyems, scilicet nostræ, sunt illis unius &
eiusdem complexionis, quoniam duo tempora, quæ
sunt nobis Æstas & hyems, sunt illis duæ Hyemes.
Vnde ex illis uersibus Lucani patet oppositio.

Depreſsum eſt hunc eſſe locum, quo circulus alti
Solſtitij, medium ſignorum percutit orbem.

E S Ibi

Ibi enim appellat Lucanus circulum alti solstij æquinoctialem, in quo contingunt duo alta solstia sub æquinoctiali existentibus. Orbem signorum appellat zodiacum, quem medium, id est, mediatum, hoc est, diuisum in duo media, æquinoctialis percutit, id est, diuidit,

Illis etiam in anno contingit habere quatuor umbras. Cum enim Sol est in alterutro punctorum æquinoctialium, tunc mane iacitur umbra eorum uersus occidentem, uespere uero econuerso. In meridie uero est illis umbra perpendicularis, cum Sol sit supra caput eorum. Cum autem Sol est in signis septentrionalibus, tunc iacitur umbra eorum uersus austrum, Quando est in australibus, tunc iacitur uersus septentrionem.

Illis autem oriuntur et occidunt stellæ, quæ sunt iuxta polos, sicut & quibusdam alijs habitantibus circa æquinoctialem. Vnde Lucanus sic inquit:

Tunc furor extremos mouit Romanos Horestas,
Carmenosq; duces, quorum iam flexus in austrum,
Aether, non totam, mergi tamen aspicit Arcton.
Lucet & exigua uelox ibi nocte Bootes.
Ergo mergitur & parum lucet.

Item Ouidius de eadem stella.
Tingitur oceano custos Erimanthidos ursæ,
Acquorea q; suo sydere turbat aquas.

In situ

In situ autem nostro nunquam occidunt illae
stellæ. Vnde Virgilius.

Hic uertex nobis semper sublimis, at illum
Sub pedibus styx atra uidet manesq; profundi.

Et Lucanus.

Axis inocciduus gemina clarissimus arcto.

Item Virgilius in Georgicis sic inquit.

Arctos oceani metuentes æquore tingi.

DE IIS QVÆ ACCIDVNT HA=
bentibus Spharam obliquam.

I.


De ijs, quorum Zenith est inter æ=
quinoctialem & tropicum cancri.

ILLIS autem, quorum Zenith

est inter æquinoctialem
& tropicum cancri, con=
tingit bis in anno, quod
Sol transit per zenith ca=
pitis eorum, quod sic pa=
tet. Intelligatur circulus
parallelus æquinoctialis
transiens per zenith ca=
pitis eorum, ille circulus

intersecabit zodiacum in duobus locis æquedistanti=
bus a principio cancri.

Sol



Sol igitur existens in illis duobus punctis, transit per zenith capitis eorum. Vnde duas habent aestates, & duas Hyemes, quatuor solstitia, & quatuor umbras, sicut existentes sub æquinoctiali. Et in tali situ dicunt quidam Arabiam esse. Vnde Lucanus loquens de Arabibus uenientibus Romam in auxilium Pompeio dicit.

Ignotum uobis Arabes uenistis in orbem,
Umbras mirati nemorum non ire sinistras.


Quoniam in partibus suis quandoq; erant illis umbrae dextrae, quandoq; sinistrae, quandoq; perpendiculares, quandoq; orientales, quandoq; occidentales. Sed quando uenerant Romam citra tropicum cancri, tunc semper habebant umbras septentrionales.

II.

QVORVM ZENITH EST
in tropico cancri.

ILLIS siquidem, quorum Zenith est in tropico cancri, contingit, quod semel in anno transit Sol per zenith capitis eorum, scilicet, quando est in primo puncto cancri, & tunc in una hora
dici

diei unius totius anni, est illis umbra perpendicularis.
 In tali situ dicitur esse
 Syene ciuitas. Vnde
 Lucanus. Vmbra
 nusquam flectente
 Syene. Hoc intellige
 in meridie scilicet
 unius diei, cuius um-
 bra mane porrecta
 occidentalis, sero or-
 rientalis, & per re-
 siduū totius anni iacitur illis umbra septentrionalis.



III.

QVORVM ZENITH
 est inter tropicum canceri, &
 circulum arcticum.

ILLIS uero quorum Zenith est
 inter tropicum canceri & circulum arcticum, contin-
 git, quod Sol in sempiternum non transit per Ze-
 nith capitis eorum, & illis semper iacitur umbra
 uersus septentrionem. Talis est situs noster. No-
 tandum etiam, quod Aethiopia uel aliqua pars eius
 est citra tropicum canceri. Vnde Lucanus.

Aethio

Aethiopumq; solū quod non premeretur ab ulla
Signiferi regione poli, ni poplite lapso,
Ultima curuati procederet ungula Tauri.

Dicunt enim quidam, quod ibi sumitur signum
equiuoce, pro duodecima parte zodiaci, & pro for
ma animalis, quod secundum maiore partem sui est
in signo quod denominat. Vnde Taurus cum sit in
zodiaco secundum maiorem sui partem, tamen ex
tendit pedem suum ultra tropicum cancri, & ita
premit Aethiopiam, licet nulla pars zodiaci premat
eam. Si enim pes tauri, de quo loquitur Autor, exten
deretur uersus æquinoctialem, ut esset in directo ari
etis, uel alterius signi, tunc premeretur ab arietem uel
uirgine, & alijs signis, quod patet per circulum æ
quinoctiali parallelum, circumductum per zenith ca
pitis ipsorum Aethiopum, et arietem & uirginem,
uel alia signa. Sed cum ratio Physica huic contrarie
tur, non enim ita essent denigrati, si in temperata na
scerentur regione habitabili, Dicendū quod illa pars
Aethiopiae, de qua loquitur Lucanus, est sub æquino
ctiali circulo, & quod pes Tauri, de quo loquitur,
extenditur uersus æquinoctialem. Sed distinguitur
tunc inter signa cardinalia & regiones. Nam signa
cardinalia dicuntur duo signa, in quibus contingunt
solstitia, & duo in quibus contingunt æquinoctia.
Regiões autem appellantur signa intermedia. Et se
cundum


cūndum hoc patet, quod cūm Aethiopia sit sub æqui
noctiali, nō premitur ab aliqua regione, sed a duobus
signis tantum cardinalibus, scilicet ariete & libra.

IIII.

QVORVM ZENITH EST IN CIRCVLO ARCTICO.

ILLIS autem, quorum Zenith
est in circulo arctico, contingit in quolibet die et tem
pore anni, quod zenith capitis eorum est idem cum
polo zodiaci, & tunc habent zodiacum siue eclipti
cam pro horizonte. Et hoc est, quod dicit Alfraga
nus, quod ibi circulus zodiaci flectitur supra circulū
hemispherij. Sed cum firmamentū continuē moue

atur, circulus horizontis
intersecabit zodiacum in
instanti, & cum sint
maximi circuli in Sphæ
ra, intersecabunt se in
partes æquales. Vnde sta
tim medietas una zodia
ci emergit supra hori
zontem, & reliqua de
primitur sub horizonte
subito. Et hoc est, quod dicit Alfraganus, quod ibi
occidunt repente sex signa, & reliqua sex oriuntur
cum toto æquinoctiali.



Cum


Cum etiam ecliptica sit horizon illorum, erit tropicus cancri totus supra horizontem, & totus tropicus capricorni sub horizonte, & sic Sole existente in primo puncto cancri, erit illis una dies 24. horarum, & quasi instans pro nocte, quia in instanti Sol transit horizontem, & statim emergit, & ille contactus est illis pro nocte. Econtrario contingit illis, Sole existente in primo puncto capricorni. Est enim tunc illis una nox 24. horarum, & quasi instans pro die.

V.

QUORVM ZENITH EST
inter circulum arcticum,
& polum mundi.

ILLIS AVTEM, quorum Zenith est inter circulum arcticum, & polum mundi arcticum, contingit, quod horizon illorum intersectat zodiacum in duobus punctis equidistantibus, à principio cancri, et in reuolutione firmamenti contingit, quod illa portio zodiaci intercepta, semper relinquatur supra horizontem. Vnde patet, quod quam diu Sol est in illa portione intercepta, erit

unus dies continuus sine nocte, ergo si illa portio fuerit ad quantitatem signi unius, erit ibi dies conti-



nuus unius mensis sine nocte, Si ad quantitatem duorum signorum, erit dies continuus duorum mensium, sine nocte, & ita deinceps. Similiter contingit eisdem, quod portio zodiaci intercepta ab illis duobus punctis æ-

quidistantibus a principio capricorni, semper relinquitur sub horizonte, unde cum Sol est in illa portione intercepta, erit una nox continua sine die, brevis uel magna, secundum quantitatem interceptæ portionis.

Signa autem reliqua, quæ eis oriuntur & occidunt, præpostere oriuntur & occidunt. Oriuntur præpostere, sicut Taurus ante arietem, aries ante pisces, pisces ante aquarium, & tamen signa his opposita oriuntur recto ordine, & occidunt præpostere, ut Scorpius ante libram, Libra ante uirginem, & tamen signa his opposita occidunt directe, illa scilicet, quæ oriebantur præpostere, ut Taurus.

F TABVLA

TABVLA MAXIMO
RVM DIERVVM ARTIFICIALIVM
ad singulas eleuationes poli,
habitantium a circulo ar
ctico, usq; ad polum
arcticum.

| Eleua- tio po li. | Arcus zodia- ci semper ap- parens. | | Maximæ diei quantitas. | | |
|-------------------------|--|--------|---------------------------|-----|-----|
| | G. | Gr. M. | Di. | Ho. | Mi. |
| 67 | 22 | 52 | 24 | 1 | 40 |
| 68 | 40 | 0 | 42 | 1 | 16 |
| 69 | 52 | 0 | 54 | 16 | 25 |
| 70 | 61 | 26 | 64 | 13 | 46 |
| 71 | 70 | 26 | 74 | 0 | 0 |
| 72 | 78 | 22 | 82 | 6 | 39 |
| 73 | 84 | 56 | 89 | 4 | 58 |
| 74 | 92 | 12 | 96 | 17 | 0 |
| 75 | 96 | 20 | 104 | 1 | 4 |
| 76 | 105 | 16 | 110 | 7 | 27 |
| 77 | 111 | 20 | 116 | 14 | 22 |
| 78 | 117 | 6 | 122 | 17 | 6 |

| G. | Gr. | M. | Di. | Ho. | Mi. |
|----|-----|----|-----|-----|-----|
| 79 | 122 | 46 | 127 | 9 | 55 |
| 80 | 128 | 22 | 134 | 4 | 58 |
| 81 | 133 | 50 | 139 | 13 | 36 |
| 82 | 139 | 6 | 145 | 6 | 43 |
| 83 | 144 | 22 | 151 | 2 | 6 |
| 84 | 149 | 36 | 156 | 3 | 3 |
| 85 | 154 | 42 | 161 | 5 | 23 |
| 86 | 159 | 50 | 166 | 11 | 23 |
| 87 | 164 | 52 | 171 | 21 | 47 |
| 88 | 169 | 58 | 176 | 5 | 29 |
| 89 | 174 | 58 | 181 | 21 | 58 |
| 90 | 180 | 0 | 187 | 6 | 39 |


VI

QVORVM ZENITH EST IN POLO AR- CTICO.

ILLIS AVtem, quorum Zenith
est in polo arctico, cōtingit quod illorū horizon
est idem quod æquinoctialis. Vnde cum æquinocti-
alis intersecet zodiacum in duas partes æquales, sic
& illorum horizon relinquit medietatem zodiaci

F 2 supra

upra, & reliquam infra. Vnde cum Sol decurrit



per illam medietatem,
quæ est a principio a-
rietis, usq; ad finem
uirginis, unus erit dies
continuus sine nocte,
et cum Sol decurrit in
reliqua medietate, quæ
est a principio libræ,
usq; in finem piscium,
erit nox una continua

sine die. Quare & una medietas totius anni, est una
dies artificialis, & alia medietas est una nox. Vnde
totus annus est ibi unus dies naturalis. Sed cum ibi
nunquam magis 23. gradibus Sol sub horizonte de-
primatur, uidetur quod illis sit dies continuus sine
nocte. Nam et nobis dies dicitur ante solis ortu supra
horizontem. Hoc autem est quantum ad uulgarem
sensibilitatem, Non enim est dies artificialis, quantu
ad Physicam rationem, nisi ab ortu Solis usq; ad oc-
casum eius sub horizonte. Ad hoc igitur, quod lux
uidetur ibi esse perpetua (quoniam dies est antequam
Sol leuetur super terram per 16. gradus, ut dicit Pto-
lemaeus, alij uero Magistri dicunt 30. scilicet per
quantitatem unius signi) dicendum quod aer est ibi
nubilosus & spissus. Radius enim solaris ibi existens
debilis

debilis uirtutis, magis de uaporibus elcuat, quam
possit consumere, unde aerem non serenat, & non
est dies.

DE DIVISIONE CLIMA- TVM.

IMAGINETVR AVTEM
quidam circulus in superficie terræ, directe sup-
positus æquinoctiali. intelligatur etiam alius circu-
lus in superficie terræ, transiens per orientem et oc-
cidentem, & per polos mundi. Isti duo circuli inter-
secant sese in duobus locis, ad angulos rectos sphæra-
les, & diuidunt totam terram in quatuor quartas,
quarum una est nostra habitabilis, illa scilicet, quæ
intercipitur inter semicirculum ductum ab oriente in
occidentem, in superficie æquinoctialis, & semicir-
culum ductum ab oriente in occidentem per polum
arcticum, Nec tamen illa quarta tota est habitabi-
lis, quoniam partes illius propinquæ æquinoctiali,
inhabitabiles sunt propter nimium calorem. Simili-
ter partes eius propinquæ polo arctico, inhabitabiles
sunt, propter nimiam frigiditatem. intelligatur
igitur una linea, æquidistans ab æquinoctiali, diui-
dens partes quartæ inhabitabiles propter calorem, &
partibus habitabilibus, quæ sunt uersus septentrio-

nem. Intelligatur etiam alia linea, æquidistans a polo arctico, diuidens partes quartæ inhabitabiles propter frigus, a partibus habitabilibus, quæ sunt uersus æquinoctialem. Inter istas etiam duas lineas extremas, intelligantur sex lineæ parallele æquinoctiali, quæ cum duabus prioribus diuidunt partem totalem quartæ habitabilem in septem portiones, quæ dicuntur septem climata.

DICITVR autem Clima certum spaciū terræ habitabilis & temperatæ, inter cuius principium uersus æquinoctialem, & finem uersus polum, prolixioris diei uel noctis quantitas per mediam horam uariatur. Vel Clima est spaciū terræ, inter duos parallelos comprehensum, in quo per dimidiam horam accidit uariatio diei longissimi. Idem namq; dies æstiuus aliquantus, qui est in una regione, sensibiliter est minor in regione propinquiore Austro. Spaciū igitur tantum, quantum incipit dies maxima sensibiliter uariari, dicitur Clima, Nec obseruatum est idem horologium, neq; totidem horæ talis diei, in principio & fine huius spaciij.

MEDIUM igitur primi climatis est, ubi maximi diei prolixitas est, 13. horarum, & eleuatur polus mun-

lus mundi supra circulum hemisphaerij, 16. gradibus
 & duabus tertijs unius, & dicitur Clima dia Me=
 roes. Initium uero eius est, ubi dici maioris prolixi=
 tas est, 12. horarum, & dimidia, & quarta unius
 horae, & eleuatur polus supra horizontem gradi=
 bus, 12. & dimidio, & quarta unius gradus. Et Vni gra=
 extenditur eius latitudo usq; ad locum, ubi longitu= diu latitu=
 do prolixioris dici est, 13. horarū, & quarta unius, dinis, tri=
 & eleuatur polus, 20. gradibus & dimidio, quod buuntur
 spacium terrae est, 440. milliariorum. hoc loco

MEDIUM autem secundi climatis est, ubi aria, &
 maximus dies est, 13. horarum & dimidia, & ele= due ter=
 uatio poli supra horizontem, 24. graduum, & tie unius.
 quartae partis unius gradus. Et dicitur clima dia Sy= Est enim
 enes. Latitudo uero eius est ex termino primi clima= hic locus
 tis, usq; ad locum, ubi sit dies prolixior, 13. horarum omnino
 & dimidia, & quartae partis unius horae, & eleua= fere ex
 tur polus, 27. gradibus & dimidio, & spacium ter= Alfraga=
 re est 400. milliariorum. no desum=
 ptus.

MEDIUM tertij climatis est, ubi sit longi=
 tudo prolixioris dici, 14. horarum, & eleuatio poli
 supra horizontem, 30. graduum, & dimidij &
 quartae unius partis. Et dicitur clima dia Alexan=
 drias. Latitudo eius est ex termino secundi climatis,

F 4 usq;

usq; ubi prolixior dies est 14. horarum, & quartæ unius, & altitudo poli 33. graduum et duarum tertiarum, quod spaciū terræ est 350. milliariorum.

MEDIVM quidem quarti climatis est, ubi maioris diei prolixitas est, 14. horarum & dimidiæ, et poli altitudo 36. graduum & duarum quintarum, & dicitur dia Rhodu. Latitudo uero eius est ex termino tertij climatis, usq; ubi prolixitas maioris diei est 14. horarum & dimidiæ, & quartæ partis unius, eleuatio autem poli 39. graduum, quod spaciū terræ est 300. milliariorum.

MEDIVM quinti climatis est, ubi maior dies est 15. horarum, & eleuatio poli 41. gradus, & tertie unius, & dicitur clima dia Rome. Latitudo uero eius est ex termino quarti climatis, usq; ubi prolixitas diei sit 15. horarum, & quartæ unius, & eleuatio axis 43. graduum & dimidij, quod spaciū terræ est 255. milliariorum.

f.
Verius per
mediū pon=
tum Euxi=
num, Nam
Boristhenis
ostia eleua=
tionem ma=
iorem ha=
bent.

MEDIVM sexti climatis est, ubi prolixior dies est, 15. horarum & dimidiæ, & eleuatur polus supra horizontem 45. gradibus, & duabus quintis unius. Et dicitur clima dia Boristhenus. f. Cuius latitudo est, ex termino quinti climatis, usq; ubi longi tudinem diei prolixioris est, 15. horarum & dimidiæ, et quartæ unius, & axis eleuatio, 47. graduum, & quartæ

quartæ unius, quæ distantia terræ est, 212. miliariorum,

MEDIUM autem septimi climatis est, ubi maior prolixitas dici est, 16. horarum, & eleuatio poli supra horizontem, 48. graduum, & duarum tertiarum, 8. Et dicitur clima dia Ripheon. Latitudo uero eius est ex termino sexti climatis, usq; ubi maxima dies est, 16. horarum, & quartæ unius, & eleuatur Boristhenis polus mundi supra horizontem, 50. gradibus & dimidio, quod spatium terræ est, 185. miliariorum. Riphci mō-

Vltra autem huius septimi climatis terminum, licet plures sint insulæ, & hominum habitationes, quicquid tamen sit, quoniam parua est habitationis, sub climate non computatur. Omnis itaq; inter terminum initialem climatum, & finalem eorundem diuersitas, est trium horarum & dimidiæ, & ex eleuatione poli supra horizontem 38. graduum. Sic poli, igitur patet uniuscuiusq; climatis latitudo, a principio ipsius uersus æquinoctialem, usq; ad finem eiusdem uersus polum arcticum, & quod primi climatis latitudo est maior latitudine secundi, & sic deinceps. Longitudo autem climatis, potest appellari linea ducta ab oriente in occidentem, æquidistans æquinoctiali. Vnde longitudo primi climatis est maior longitudine secundi, & sic deinceps, quod contingit propter angustiam spheræ.




MERIDI:

CAPITVLVM QVARTVM
de circulis & motibus Planetarum, Et
de causis eclipsium Solis & Lunæ.


NOTANDVM QVOD SOL
*habet unicum circulum, per quem mouetur in
super-*

superficie ecliptica, & est Eccentricus, Eccentricus quidem circulus dicitur, non omnis circulus, sed solum talis, qui diuidens terram in duas partes æquales, non habet centrum suum cum centro terræ, sed extra, Punctū autem in eccentrico, quod maxime accedit ad firmamentum, appellatur Aux, quod interpretatur eleuatio. Punctū uero oppositū, quod maximæ remotiōis est a firmamento, dicitur oppositum augis. Solis autem ab occidentem in orientem duo sunt motus, quorū unus est ei proprius, in circulo suo eccentrico, quo mouetur in omni die ac nocte, 60. minutis fere. Alius uero tardior est motus sphaeræ ipsius, supra polos axis circuli signorum, & est æqualis motui sphaeræ

De Sole.



stellarum




stellarum fixarum, scilicet in 100. annis gradu uno,
Ex his itaq; duobus motibus, colligitur cursus eius in
circulo signorum ab occidente in orientem, per quē
abscindit circulum signorum in 365. diebus, &
quarta unius diei, præter rem modicam, quæ nullius
est sensibilitatis.

QUILIBET autem Planeta, præter Solem,
tres habet circulos, scilicet æquantem, deferentem,
& epicyclum.

De Lu-
na.


ÆQVANS quidem Luna, est circulus con-
centricus cum terra, & est in superficie eclipticæ,
Eius uero deferens est circulus eccentricus, nec est in
superficie eclipticæ, imo una eius medietas declinat
uersus septentrionem, altera uersus austrum. Et De-
ferens interfecat æquantem in duobus locis. Et si



gura intersectionis appellatur draco, quoniam lata
est in

est in medio, & angustior uersus finem. Intersectio igitur illa, per quam Luna mouetur ab austro uersus Aquilonem, appellatur caput draconis. Reliqua uero intersectio, per quam mouetur a septentrione in austrum, dicitur cauda draconis.

DEFERENS quidem & æquans cuiuslibet Planetæ sunt æquales. Et est sciendum, quod tam Deferens, quam æquans, Saturni, Iouis, Martis, Veneris, & Mercurij, sunt eccentrici et extra superficiem eclipticæ, & tamen illi duo sunt in eadem superficie, Quilibet etiam Planeta præter Solem habet epicyclum. Et est Epicyclus circulus paruus, per cuius circumferentiam defertur corpus Planetæ, & centrum epicycli semper defertur in circumferentia deferentis.



De reliquis Planetis.


SI igitur duæ lineæ ducantur a centro terræ, ita, quod includant epicyclum alicuius Planetæ, una ex parte orientis, reliqua ex parte occidentis, punctum cōtactus ex parte orientis, dicitur statio prima, punctus

punctum uero contactus ex parte occidentis, dicitur
statio secunda. Et

Dē statio= quando Planeta est
ne, directi= in alterutra illarū sta
one & re= tionum, dicitur stati=
trogradati= onarius. Arcus uero
one Planeta epicycli superior in=
uen.

ter duas stationes in=
terceptus, dicitur di=
rectio, et quando Pla
neta est in illo, tunc

dicitur directus. Arcus uero epicycli inferior, inter
duas stationes interceptus, dicitur retrogradatio, &
Planeta ibi existens dicitur retrogradus. Luna au=
tem nō assignatur statio, directio, uel retrogradatio.
Vnde non dicitur Luna stationaria, directa, uel re=
trograda, propter uelocitatem motus eius in epicy=
clo.




I.


DE ECLIPSI LVNAE.

CUM AVTEM SOL SIT maior terra, necesse est quod medietas sphae
terre a Sole semper illuminetur, & umbra terre ex=
tensa

tenſa in aere tornatilis, minuat in rotunditate, donec deficiat in ſuperficie circuli ſignorum, inſeparabilis a nadir Solis. Eſt autem Nadir Solis, punctum directe oppoſitū Soli in firmamento. Vnde cum in plenilunio Luna fuerit in capite uel in cauda draconis ſub Nadir Solis, tunc terra interponetur Soli et Lunæ, & conus umbræ terræ cadet ſuper corpus Lunæ. Vnde cum Luna lumen non habeat niſi a Sole, in reuerſitate deficit a lumine.




ET est eclipsis generalis, si ipsa fuerit in ca-
 pite uel cauda draconis directe. Particularis uero,
 si fuerit prope uel intra metas determinatas ecli-
 psi, Et semper in plenilunio uel circa contingit ecli-
 psis. Vnde cum non in qualibet oppositione, hoc est,
 plenilunio sit Luna in capite uel cauda draconis,
 nec supposita Nadir Solis, non est necesse in
 quolibet plenilunio Lunam pati eclipsim,
 ut patet in presenti figura,
 qua subsequitur.



II. DE ECLIPSI SOLIS.

CVM

QUM autem Luna fuerit in ca-
 pite uel in cauda draconis, uel prope uel infra
 aetatas supra dictas, & in coniunctione cum Sole,
 tunc corpus lunare interponitur inter aspectum no-




rum & corpus solare. Vnde obumbrabit nobis
 claritatem Solis, & ita Sol patietur eclipsim, non
 quia deficiat lumine, sed deficit nobis propter inter-
 positionem Lune inter aspectum nostrum & solare
 corpus.

G Ex his

Ex his patet, quod non semper est eclipsis Solis
in coniunctione siue in nouilunio .

Notandum etiam, quod quando est eclipsis Lu-
nae, est eclipsis in omni terra, sed quando est eclipsis
Solis, nequaquam, imo in uno climate est eclipsis, &
in alio non, quod contingit propter diuersitatem
aspectus in diuersis climatibus. Vnde Virgilius ele-



gantissime naturam utriusq; eclipsis, sub compendio
tetigit, dicens .

Defectus

Defectus Lune uarios, Solisq; labores.

Ex prædictis patet, quod cum eclipsis Solis esset in passione Domini, & eadem passio esset in plenilunio, illa eclipsis non fuit naturalis, imo miraculosa, & contraria naturæ, quia eclipsis Solis in nouilunio, uel circa debet contingere.

Propter quod legitur Dionysium Areopagitam in eadem passione dixisse: Aut Deus naturæ patitur, aut mundi machina dissoluetur.

DE TRIPLICI ORTV ET OCCASV SY- DERVM.

*Mane uehit supra terram tibi Cosmicus ortus
Sydera, Sed Phœbi lumine tecta latent.
Mane dat Heliacus quædam subuecta uidere
Astra, sed Achronycus nocte uidenda trahit.*

FINIS.

G 2 PROPO=

PROPOSITIO XXII.
EX LIBRO TERTIO,
Epitomæ Ioannis de Re-
gio monte in Almage-
stum Ptolemæi.

DIES NATVRALES DVPLICI
causa inæquales esse.

DIES NATVRALES DI-
citur tempus reuolutionis Solis per motum
primi mobilis, ab horizonte aut meridiano, donec
ad ipsum redeat. Sic quantum temporis est a pun-
cto meridiei in punctum meridiei, tanta est dies na-
turalis. Et hoc est tempus, in quo reuoluitur totus
æquinoctialis, & ultra hoc tanta portio æquinocti-
alis, quanta respondet ei arcui eclipticæ, quem in illo
tempore Sol perambulat.

HOC autem additamentum duabus de causis
diuersificatur. Vna quidem, quod Sol in temporibus
æqualibus inæquales arcus de orbe signorum abscin-
dit. Alia, quod arcus æquales eclipticæ inæquales
habent ascensiones, tam rectas quam obliquas. Opor-
tet igitur propter additamenta hæc duplici causa di-
uersificata, dies naturales inæquales esse, quod est
propositum.

Ex hoc

EX hoc patet, hos dies naturales, qui differentes dicuntur, non esse mensuram motuum aliorum, cum inæquales sint, Oportet igitur in mensuram huiusmodi alios dies, qui æquales essent assumi, Hac ratione: unus annus Solis est tempus, in quo totiens reuoluitur æquinoctialis, quotiens est unitas in numero dierum anni reperta, iuxta doctrinam secundæ huius, addita reuolutione una, quæ reuoluitur, cū motu Solis uero peracto in uno anno a Sole.

Diuiso itaq; hoc numero reuolutionum per numerum dierum anni, egreditur quantitas diei mediocris, scilicet reuolutio una æquinoctialis cū addito, 59. minutorum, octo secundorum æquinoctialis, iuxta quantitatem mediæ motus Solis in die. Hæc uero additamenta sunt inter se æqualia, hinc constat dies mediocres inter se esse æquales. Palam est igitur dies naturales differentes unū ab alio atq; a mediocribus differre. Et licet unus dies differens parum a die una mediocri differat & insensibiliter, in pluribus tamen diebus hæc diuersitas collecta, quantitatem, de qua curandum est, efficit, ut patebit infra.

G 3 DE OR

DE ORTV POETICO,
HOC EST EXEMPLA ORTVS ET
occasus stellarum fixarum, ex uarijs Auto=
ribus collecta, & ad studiosorum uti=
litatem diligenter explicata.

COGNITIONIS ortuum, &
occasuum stellarum fixarum præcipua utili=
tas, & fuit quondam, & nunc esset, si calendaria
non haberemus, inde sumere discrimina temporum
anni. Nunc quoq; certissima tempestatum iudicia
inde accipiuntur. Ac mihi sæpe cogitanti seriem
anni, uidetur Deus mirabili consilio ita distribuisse
omnes ortus & occasus, ut rerum nascentium utili=
tati seruiant. Id declarari multis exemplis posset.
Solis in Ariete cursus sua natura aliquantulum desic=
cat terram & auras, ea tempestas apta est sationi.
Sed seminibus aliquanto post opus est humore, Ideo
cum uentum est ad Pleiades & Hyades, ordo naturæ
adfert pluuias. Hæc quondam studiose animaduersa
& descripta sunt, estq; utilis consideratio, ut opifi=
cium mundi sciamus non extitisse casu.

Deinde prodest hæc de ortu & occasu doctri=
na, ad enarrationem multorum scriptorum. Quo=
rum, quia alij magis, alij minus erudite ortus & oc=
casus

casus recensent, explicatio difficilis interdum est & admodum intricata, Cum præsertim stellæ propter motum octauæ Sphæræ iam aliquantulum progressæ sint in signa consequentia, & intercalatio quoq; non emendata, aliquid faciat discriminis. Olim Sol ingrediebatur Arietem, 17. die Martij, Nunc 11. die Martij ingreditur, & sic de reliquis. Quia enim annus noster usualis est Maior iusto, necesse est tempora æquinoctiorum, Solstitiorum, & ingressus Solis in certa signa, anticipare, seu recedere a sedibus suis in antecedentia. Quare etiamsi in tanta obscuritate, & tot difficultatibus, summam semper præcisionem pariter in omnibus locis, deprehendere non posse uidebimur, danda tamen est opera, ut quam fieri queat simplicissime nos ex singulis euoluamus. Quod quidem facere facilius poterunt, qui definitiones, quarum in textu est facta mentio, diligenter didicerint.

ORTVS ET OCCASVS

Cosmicus seu Mundanus mane fiunt sub ortum Solis, ita ut omnes stellæ, quæ cum Sole uel paulo post Solem, supra horizontem ascendunt, dicantur oriri Cosmice. Quæ uero cum signo Soli opposito, eodem tempore sub horizontem delabuntur, occidunt Cosmice.

ORTVS ET OCCASVS

Achronichus uesperī fiunt sub occasum Solis. Omnes enim stellæ quæ cum Sole, uel paulo post Solem descendunt, occidunt ἀργονυχῶς. Quæ cum signo Soli opposito eodem tempore supra horizontem ex parte orientis emergunt, oriuntur Achronyce. Ita stellæ cosmice surgentes descendunt Achronyce, & ascendentes Achronice occidunt cosmice, dum modo non magnam latitudinem habeant, seu non multum distent ab ecliptica. Hinc sunt uersiculi usitati.

Cosmice descendit signum, quod achronice surgit,
Chronice descendit signum, quod cosmice surgit.

ORTVS ET OCCASVS

Heliacus differunt a prioribus. Cum enim Sol motu suo, quem in annuo cōficit spacio, subinde ad alias atq; alias accedat stellās, & postea paulatim ab ijs iterum recedat, fit ut illæ, ad quas accedit propius, propter uicinitatem luminis solaris obscurentur seu tegantur, ac aliquantisper lateant. Tales dicuntur occidere Heliace, tunc cum solis propinquitate impediuntur, quo minus uesperī post occasum Solis in occidente appareant. Oriuntur autem iterum Heliace, quando Sol motu suo progressus, tantisper ab eis remouetur, donec iam mane, a radijs solaribus liberatæ, ante ortum Solis in oriente rursus conspiciuntur.

Præcipua

Præcipua uero ratio cur tot ortuum & occa=
suum genera constitantur, a motu Solis proprio pen=
det, qui aliquando ad stellarum loca accedens pro=
pius, interdum uero longius ab ijs recedens, efficit ut
alio atq; alio tempore oriantur & occidant. Nec
difficile est uidere ordinem in ijs stellis, quæ carent
latitudine, uel saltem ab ecliptica nō multum distant.
Primo enim occidunt Heliace tum, cum Sol accedit
ad earum loca tam prope, ut uesperī post occasum
Solis, non possint amplius conspici. Paulo post mane
cum Sole oriuntur cosmice, & uesperī occidunt a=
chronice eodem tempore, ut supra dictum est. Ela=
psis aliquot diebus, postquam Sole ab illis discedente
mane ante ortum Solis in oriente iterum adparere
incipiunt, oriuntur Heliace. Inde perpetuo ante So=
lem mane conspiciuntur, donec post sex ferme Men=
ses, Sole accedente ad signum seu locum illis opposi=
tum, uesperī oriantur achronice & mane occidant
cosmice. Hæc ratio expedita est & a studiosis facile
potest intelligi, propterea quod stellæ non multum
ab ecliptica discedentes in alterutram partem, cum
eo propemodum loco zodiaci oriuntur & occidunt
in quo sunt.

COR Leonis nostro tempore est in 23. gradus
Leonis, & ab ecliptica tantum distat 10. minutis.
Sub medium igitur Iulij, Sole accedente ad principi=

G 5 um Leo=

pium Leonis, Heliace occiderè incipit ac uesperì post occasum Solis uix potest cerni. Deinde in principio Augusti, cum Sol peruenit ad 25. gradum Leonis oritur Cosmice mane, & uesperì occidit achronice cum Sole. Sub finem Augusti, quando Sol discedit inde ad medium fere Virginis, a radijs Solis, sub quibus tectum latuerat, liberatur iterum, ac mane ante ortum Solis uidetur, donec tandem in principio Februarij, cum Sol est circa 23. gradum Aquarij, uesperì oritur achronice, occidente Sole, & mane occidit sub Solis ortum Cosmice.

In stellis uero habentibus magnam latitudinem ratio ortuum est aliquanto magis intricata, nec enim cum eo loco eclipticæ oriuntur, in quo sunt, nec cum eodem oriuntur & occidunt. Septentrionalem enim latitudinem habentes, in nostro Sphæræ obliquæ situ, hoc est, eleuato polo septentrionali, oriuntur cum gradu quodam Zodiaci, locum suum in quo sunt præcedente, occidunt cum loco sequente. Contra uersus meridiem distantes ascendunt cum gradu sequente, descendunt cum præcedente. Atq; adeo ordinem ortuum prædictum omnino mutant. Idq; eo magis, quo ab ecliptica longius distant.

Nos hanc uarietatem breuitatis causa duobus tantum Exemplis monstrare conabimur.

Arcturus

Arcturus stella insignis est ac primæ magnitudinis sub pedibus Bootæ, nostro seculo in 18. grad. Libræ, recessit autem ab ecliptica uersus polum Bo-
realem 32. fere gradibus. Is igitur primo oritur Cosmice mane cum Sole, in hoc nostro Horizonte, qui habet eleuationem poli Septentrionalis 52. gradibus sub principium Autumni, Sole existente in initio Libræ. Sub initium Octobris, quando Sol mouetur in medio fere Libræ, oritur Heliace, hoc est, mane paulo antequam Sol ascendit, in oriente cernitur. Aliquanto post in fine Nouembris, Sole existente in medio Sagittarii, occidit Heliace, uesper enim post occasum Solis non amplius adparet. Post paucos dies in medio fere Decembris, dum Sol est in principio Capricorni, descendit Achronice cum Sole. Deinde sub initium Veris, Sole accedente ad initium Arietis, oritur Achronice uesper, Sole sub Horizontem descendente. Postremo in solstitio æstiuo Sole existente in tropico Cancræ, occidit Cosmice mane Sole oriente.

Canis maior seu Sirius stella eiusdem magnitudinis non minus lucida in parte cœli meridionali, est hodie in 8. gradu Cancræ, latitudinem uero habet meridianam 40. fere graduum. Ea stella primo occidit Heliace in Aprili, Sole ad principium Tauri accedente, quando uidelicet uesper propter uicinitatem ra-

tē radiorum solarium in occasu non amplius adpa-
ret, Deinde in principio Maij existente Sole in 22.
gradu Tauri 'uesperi occidit achronice cum Sole.
Prima Augusti Sole in 17. Leo. gradu constituto,
mane cum eo ascendit cosmice. Elapsis inde aliquot
diebus, Sole principium Virginis ingrediente, oritur
Heliace, hoc est, in matutino diluculo conspicua est,
prius quam Sol supra horizontem ascendat. Postea
in initio Nouembris, mane, occidit cosmice, Sole cū
22. Gradu Scorpij ascendente. Tandem sub fi-
nem Ianuarij, uesperi oritur achronice, Sole in 17.
Aquarij sub horizontem descendente.

Hæc de ordine ortuum præmittenda duxi, quod
ea definitionibus supra traditis aliquid lucis allatura
sperarem, Nunc ad institutum redeo, ac primum,
quomodo ueterum Autorum loca, quibus ortus uel
occasus alicuius mentionem faciunt, intelligenda
sint, breuiter exponam. Deinde totum id, quantum
fieri poterit maxime illustribus, & ex uarijs Autori-
bus collectis, exemplis declarabo.

AD CERTAM ORTVS VEL
occasus alicuius speciem determi-
nandam, tria requirun-
tur præcipue.

I. Tcm=

- I Tempus certum.
- II Locus Solis ad id tempus.
- III Locus eclipticæ, cum quo data stella oritur
uel occidit, ad certam poli eleuationem.

I. TEMPVS aut ab ipso Autore annotatum offer= tur, aut ex certa ortus uel occasus specie eliciendum est, ut postea dicemus.

II. LOCVS Solis ad diem datam, his nostris tem= poribus, ex Ephemeridibus, aut alijs tabulis uel instru= mentis, facile colligitur. quia uero ut supra mon= stratum est, propter uiciosam intercalationem, sedes æquinoctiorum & solstitiorum mutatae sunt, atq; adeo singulis diebus Sol non in eodem gradu est ho= die, in quo fuit olim, collegimus ex Ouidio, Colu= mella & alijs dies, quibus Sol ipsorum tempore in= gressus est signa Zodiaci, & ex ijs tabulam conges= simus, ex qua utcunq; ad diem propositam locus So= lis ad tempora ueterum possit elici, nec in ea suppu= tanda Astronomicam quæsiuimus præcisionem, sed singulis diebus singulos pene gradus tribuimus, quod negotium ipsum accuratiorem calculum requirere non existimaremus. Si igitur ex ea locum Solis pro aliquo die ad ueterum tempora habere uoles, sume diem in margine tabulae, & statim sub titulo Mensis in angulo communi (ut uocant) reperiies gradum signi,

signi, quem Sol eo die olim tenuit. Quod si dato loco Solis, diem scire cupis, quere signi gradum in area tabule, & supra eum in capite tabule, Mensē, in margine uero iuxta eum, diem Mensis reperies. Dies uero, qui nomina signorum sine numero graduum adscripta habent, sunt dies Mensium, quibus Sol ea signa olim ingrediebatur.

Huc pertinet Tabula continens ingressum
Solis in xij. signa Zodiaci &c.

III. LOCVS uero cum quo stella oritur uel occidit nostro sæculo, ex globo aliquo cœlesti facile potest elici. Sed cum stellarum quoq; loca a Poetarum temporibus, ad hæc nostra usq; propter motū octauæ sphaeræ mutata sint, ut supra etiam monuimus, & ob eam causam stellæ cum alijs gradibus eclipticæ ascendant ac descendant hodie, quam olim, Secundam hanc addidi tabulam, quæ continet gradus eclipticæ, cū quibus stellæ insigniores oriebantur quondam & occidebant, Romæ & Alexandriæ. Videntur enim latini, præcipue Poetæ ex peregrinis calendarijs suos ortos descripsisse, nec satis constat, ad suam ne, an uero ad Aegypti seu Alexandriæ eleuationem, ex qua calendaria habebant. Vtranq; igitur consulas, & quod in rebus dubijs tutissimum est, cautaris, quæ proposito tuo quam maxime conuenire uidebitur.

uidebitur. Sumptæ autem sunt longitudines stellarum in hac Tabula ex Ptolemæo, qui uixit post natum Christum, siue post tempora Poetarum, 150. fere annis, sub Imperatore Antonino, propterea, quod illud temporis interuallum exiguum sit, & minus quam ut sensibilem aliquem errorem ingerere possit.

Hæc referatur Tabula, quæ habet gradus eclipticæ, cum quibus stellæ insigniores olim oriebantur & occidebant.

PROINDE AVTORES

in eiusmodi descriptionibus duplici ratione usos esse uidemus. Aut enim tempus anni certo exprimunt, & ad illud ortum uel occasum alicuius stellæ in genere applicant. Aut non annotato tempore, ortus uel occasus speciem nota quadam circumscribunt, & ex eo tempus nobis inuestigandum relinquunt. Prior ratio, Ouidio in Fastis, Historicis, ac rei rusticæ scriptoribus, ut plurimum familiaris est. Posterior rarius occurrit, quæ a Virgilio magis usurpatur.

SI quem igitur habes locum, præ omnibus primo illud uideas, utrum ab Autore certo exprimitur, tempus ne anni, an uero ortus, & si ortus, quæ speciem describat, diligenter consideres. Deinde statim inquire locum eclipticæ, cum quo stella, cuius mentio

mentio fit, ueterum temporibus ascenderit supra horizon-
tem aut descenderit, ex tabula præmissa, &
quidem utranq; eleuationem sumas, ut ea utaris, quæ
quam maxime ad rem quadrare uidebitur, sicut di-
ctum est.

Tertio, Si oblato tempore de ortus, specie di-
uinandum est, Quere locum Solis ad tempus propo-
situm, ut supra monstrauiamus, cumq; confer ad gra-
dum, cum quo stella oritur uel occidit, Si enim is
gradus idem est cum loco Solis, necesse est uel ortum
intelligi cosmicum, uel occasum achronicum, Si uero
locus stellæ in opposito Solis, occasus erit cosmicus,
aut ortus achronicus. Quod si locus Solis gradum
cum quo stella oritur, aliquantulum sequitur in si-
gnorum ordine, dic ortum Heliacum. Proterea quod
Sol locum cū quo oritur stella, superarit, ita ut mane
paulo ante ortum Solis ascendat & conspiciatur. Si
uere locum cū quo stella occidit, aliquantulum præ-
cedit, occasum intelligas Heliacum, tunc enim quia
Sol ad locum, cum quo occidit stella propius accedit,
incipit uicinitate radiorum Solis obscurari, ut post
occasum non possit facile cerni.

SI UERO ORTVS SPE

cie expressa, de tempore diuinandum erit, sic proce-
das. Primo ut ante dictum est, summo studio per-
pendas, quam ortus speciem intelligat Autor, id ex
ipso

ipso uerborum contextu coniiciendum erit, ut infra
cernes in exemplis.

Deinde, Locum cum quo stella oritur uel occi-
dit, ut prius, inquiras. Tandem. Si ortus est matu-
tinus uel occasus uespertinus, quia cum Sole stella
oritur uel occidit necessario, quere ex tabula, quo
tempore anni Sol eum tenuerit locum, cum quo stel-
la ascendit uel descendit, ratione superius monstra-
ta. Si uero ortus est Acronychus uel occasus Co-
smicus, tum quia in ijs Sol semper occupat signum
loco stellæ oppositum, inuestiges ex eadem tabula,
quando Sol olim fuerit in signo Zodiaci, stellæ loco
opposito.

Occasus Heliacus aliquot diebus præcedit occa-
sum Acronychum in omnibus stellis, quare pro eo
aliquot dies auferas a tempore occasus uespertini.

Ortus Heliacus aliquo interuallo temporis or-
tum Cosmicum sequitur, Ideo pro hoc aliquot dies
adiicias ad tempus ortus Cosmici, & reperiēs tem-
pus quæsitum prope uerum. Nam in summa præ-
cisione inuestiganda, omnia ad accuratiorem calcu-
lum reuocanda essent, quod plus requireret laboris
quam ferret utilitatis, Cum præsertim præter supra
dictas difficultates, etiam ad ortum & occasum He-
liacum non possit tradi definita a Sole distantia, quod
arcus uisionis stellarum fixarum, deprehenſi satis

H non

non sint, cum propter diuersas corporum magnitudines, tum uero ob uarias earum ab ecliptica distantias, & signorum etiam inæquales ascensiones. Itaq; erudito coniectatore hæc res omnino opus habet. Nec fortassis parum iuualet, si quis ortus & occasus, quorum Columella & alij mentionem faciunt, diligenter exciperet, eosq; quasi in diarium quoddam digreret, ex quo deinde de Poetarum locis facilius diuinare posset. Ad quam rem multum profutura uiderentur ea, quæ Plinius libro 18. Capite 25. & sequentibus tradit, qui quidem & loca obseruationum diuersa ostendit, et suos singulis ortus adscribere conatur. Sed ad exempla uenio, quæ rem magis declarabunt.

VIRGILIVS PRIMO GEORGICORVM.

Ante tibi Eoæ Atlantides abscondantur
Gnosiaq; ardentis deccadat stella coronæ
Debita quam sulcis committas semina &c.

IN PRIMO VERSV.

Ortus exprimitur, Eoæ, inquit, id est, Matutine. Ergo est occasus Cosmicus, qui fit mane sub ortum Solis.

2. Pleiades stellæ sunt in ceruice Tauri, quæ in utraq; poli eleuatione occidunt cum 4. gradu Tauri.

3 Quia

3 Quia uero occasum describit Cosmicum, necesse
est Solem esse in signo opposito, uidelicet in 4. gra-
du Scorpij. Eum Sol tenebat olim circiter 22. diem
Octobris, ut apparet in Tabula, Id tempus intelligit
Virgilius, quo Pleiades olim occidebant mane orien-
te Sole in 4. gradu Scorpij.

IN ALTERO VERSU.

De ortus specie quaeritur, tempus notum est
ex superiori uersu uidelicet, 22. Octobris.

2 Notus est & locus Solis 4. Scorpij.

3 Oritur autem Corona Romæ cum 27. Virginis, Hypallæ
Alexandriæ cum 7. Libræ, Vterq; gradus sequitur ge, Dece-
locum Solis in signorum ordine, ergo exponendus dat, id est,
est uersus de ortu Heliaco. Nam Sole ex Libra in liberetur
Scorpium transeunte, Corona mane ante Solem ori- a radijs
ebatur & conspici poterat. solaribus.

Porro occasus Pleiadum cosmici, crebra fit men-
tio apud Poetas & Historicos, ut apud Polybium
de transitu Hannibalis in Italiam, libro quinto.

τῆς δὲ χιόνης ἡδὴ πρὶ τοῦς ἄκρους ἀθροίζο-
μένης, διὰ τὸ σωάπτειν τὴν τῆς πλειάδος
δύσιν.

H 2

Quem

Quem locum & Liuius imitatus est libro primo decadis tertiae, ubi ipse quoq; id iter Hannibalis describit, uerba cuius haec sunt.

Fessis tedio tot malorum, niuis etiam casus occidente iam Vergiliarū sydere ingentem terrorem iniecit.

Sed in utroq; tempus exprimitur, sit enim mentio Autumni, quare de occasus specie non est difficilis diuinitio.

Citantur ab Atheneo uersus ex Astrologia Hesiodi de eodem.

Χειμῶνας δαῶνσι πλεῖστές
αἱ δὲ τῷ θεοῦ νόῳ χιματὶ ἄγγελοι ἔισιν.

Hic etiam tempus expressum est, Hyberna occidunt, scilicet cosmice Sole existente in Scorpio.

Vocat autem nuncios Aestatis & Hyemis, propterea quod in initio aestatis oriantur Heliace Sole in Geminis existente. Ante exordium hyemis in Autumno Sole existente in Scorpio, oriantur achronyce uesperī, & mane occidunt Cosmice. Quod ipsum etiam Plinius indicat Libro 18. Cap. 29.

Namq; Vergiliæ priuatim ad fructus attinent, ut quarum exortu aestas incipiat, occasu Hyems, semestri spacio intra

cio intra se menses uindemiasq; & omnium maturitatem complexa.

Eundem occasum intelligit etiam Plinius Libro 21. Cap. 6. de Croco:

Floret Vergiliarum occasu paucis diebus.

Et Columella de cura Apum Lib. 9. Cap. 14.

Ab æquinoctio deinde, quod conficitur octauo Calendas Octobris ad Vergiliarum occasum diebus quadraginta &c.

Ab. 8. Calen. Octobris, id est, à 24. die Septembris ad. 3. Nouembris, qua Sol est in 16. fere Scorpionis. Ergo occasum intelligit Cosmicum &c.

Vbi illud quoq; obseruandum est, quod æquinoctiorum & solstitorum sedes (Sicut & Plinius Lib. 18. Cap. 26.) non in principijs, sed in octauis ferme partibus signorum Cardinalium constituit contra ueram & Astronomicam rationem.

IDEM Libro II. Capite 2.

Tertiodecimo & duodecimo Calendas Nouembris Solis exortu Vergiliæ incipiunt occidere.

H 3 Occasus

Occasu scilicet Cosmico, & eodem Capite.

SEXTO Idus Octobris uergiliae oriuntur uesperis.

Ortu scilicet Acronicho uesperis Sole in Scorpio descendente, quod eodem ferme tempore cum occasu Cosmico fieri diximus in stellis parum ab eclipctica distantibus.

HESIODVS LIBRO SECVNDO IN INITIO.

πληιάδων ἀτλαγενέων ὠπτελλομένων
ἄρχεσθ' ἀμνητῶ, ἀρότοις δὲ διανομυάων.
αἱ δ' αὖτοί νύκτας καὶ ἡμέρας ποσειδάοντα
κεκρύφαται, αὐτῆς δὲ ποσειπλογγύου ἐνι αὐτῶ
φαίνοντι.

I MESSEM adoriri iubet orientibus Pleiadibus & exprimit ortus speciem, uidelicet ortum Heliacum, cum enim hoc uerbo ὠπτελλομαι plerumque intelligunt. Sunt autem Pleiades in Tauro, & quidem cum principio eius fere oriebantur & occidebant, ut apparet in Tabula, ergo necesse erat eas liberari à radijs Solis, & mane ante ortum eius conspici, Sole accedente ad Geminos, quod fiebat olim in fine Maij uel principio Iunij, id tempus Messis uocat in regione calidiore.

II Tempus

II TEMPVS Arationis dicit esse, cum occidunt
Pleiades scilicet Cosmice, quod fit in Octobri, Sole
existente in Scorpio, ut supra dictum est.

III Dicit eas latere per dies 40. id intelligen-
dum de tempore, quod est ab occasu Heliaco usq; ad
ortum Heliacum, post quem mane ante ortum Solis
iterum cernuntur, ideo dicit eas postea cerni per to-
tum annum post ortum Heliacum, conspiciuntur. n.
mane perpetuo ante ortum Solis usq; ad ortum aëro-
nychum, qui est in Octobri, post quem uesperis con-
spiciuntur post occasum Solis, iterum usq; ad occa-
sum Heliacum. Fingas itaq; eas non conspici 20.
diebus ante ortum Cosmicum, seu ante coniunctio-
nem earum cum Sole, & totidem diebus post, quod
est admodum uerisimile, Nam & stellæ paræ sunt,
& ab ecliptica non multum recedunt. Nec male
conuenit id, ad tempora ortus & occasus Heliaci,
quæ à Columella libro 11. Cap. 2. annotantur. Nam
de occasu Heliaco sic inquit.

OCTAVO Idus Martij uer-
gilix celantur.

DE ORTV HELIACO, Ibidem.

NONIS Maij uergilix oriuntur,
SEXTO Idus totæ apparent.

Item Libro 9. Capitulo 14.

Ab æquinoctio primo quod octauo Calen. Aprilis in 8. parte Arietis conficitur ad exortum Vergiliarum dies verni temporis habentur duo de quinquaginta, & iterum paulo post.

Duo de quinquagesimo die ab æquinoctio verno, cum sit Vergiliarum exortus circa v. Idus Maias.

Ab s. enim Martij, quo incipit occidere occasu Heliaco, usq; ad Nonas Maij, quibus iterum totæ adparent, 60. sunt dies. Non igitur male dixit Hesiodus eas diebus 40. continuis integras latere, seu omnino non conspici.

Polybius Libro 5. in initio.

Ait Achæos auspicari annum a uere circa ortum Pleiadum, iuxta traditionem Arati Sicionij, cuius scilicet, cuius in officijs mentio fit apud Cicero- nem, Verba hæc sunt.

τὸ μὲν οὖν, κατὰ τὴν Ἀράτου τῆς νεωτέρας, ἐτὶ
ἐτυγχάνει διελκλυθεὶς περὶ τὴν τῆς πλειάδος
ἐπιτολήν, οὕτω γὰρ ἦγε τοὺς χρόνους τὸ τῶν
Ἀχαιῶν ἔθνος.

Id de Cosmico ortu commodissime exponitur, qui
æquinoctio

æquinoctio uerno proximus est, de quo & Columella.

DECIMO Calendas Maij Vergiliæ cum Sole oriuntur.

Si quis tamen locum Polybij de ortu Heliaco interpretari malit, nõ repugno, nisi quod is ad æstatem proprius accedit, ut ex superioribus patet.

HESIODVS LIBRO. II.

αὐτὰρ ἐτὴρ διὰ
πληιάδες Ἀΐαδες, τότε δένος Ὠρίωνος
δ' ὠωσιρ, τὸτ' ἐπεὶ ἄροτρον μεμνημένος εἶναι.

Autumnũ intelligit in quo Sole cxistente in Scorpio, Pleiades & hyades in Tauro, & Orion cum ijs occidit Cosmice mane oriente Sole, Nam & Orion in utraq; eleuatione cum Tauro occidit, ut patet in Tabula. Sub id tempus iubet arationem fieri, & prohibet nauigationem, Ideo & in Theocrito quidam optat amico foelicem ac bonam nauigationem sub id tempus, quod alioqui solet esse flatuosum ac turbidum, Verba eius hæc sunt in Idillio 6.

ἔσεται ἀγέαναισι καλὸς πλοὺς ἐς μιτυλάναν
χ' ὥταρ ἐφ' ἐσπερίοις ἐρίφοις νότῳ ὕγρ' ἀδ' ἰώκῃ
κνύματα, χ' ὠρίωρ ὅτ' ἔω ὠκεανῷ πόδας ἶχα.

H O C est, Vtinam Agcanacti sit bona nauiga-

H 5 tio in

tio in Mytilenen, quando notus infestat Mare sub
hesperios hœdos, quando occidit Orion.

I TEMPVS notum est, Autumni scilicet, quo
Sole existente in Scorpio, Orion mane occidit Cos-
mice, ut dictum est.

II Hœdi oriuntur cum fine Arietis seu principio
Tauri Alexandriae, ergo eodem tempore Solc in
Scorpio uesteri descendente, è regione, oriuntur
Achronyce, ideo ἑσπερίους vocat, id est, uesteri ap-
parentes, & quidem sub id tempus eos uesteri oriri
etiam Columella testatur, cum inquit.

NONIS Octobris Hœdi oriun-
tur uesteri.

POLYBIUS Libro I.

DE nauigatione Romanorum in Africam ex
Sicilia, quam inter ortum Orionis & Canis susce-
perant.

μεταξύ ὧν ἑποισῆντο τὸν πλοῦν τῆς Ὠρίωνος
καὶ κυνὸς ἐπιτολῆς, ἀνδρὶ προσέχοντες τῶν
λεγομένων.

Μεταξύ inquit, id est, intra ortum Orionis
& Canis, queritur igitur, quem ortum intelligat.

TEMPVS ex contextu colligitur fuisse sub ini-
tium æstatis, Oritur autem Orion cum Geminis,
Canis

Canis Maior cum medio ferme Cancrī, ut cernitur
in Tabula. Ergo ortum intelligit Heliacum, quo
Sole sub finem ueris ex Geminis accedente ad Can-
crum, totus Orion, & paulo post, cum ad finem
Cancrī peruenit, Canis quoq; mane rursus conspici-
tur, Improbatur autem eam nauigationem, quod sub
ea tempora occasus Heliacus & paulo post ortus
Cosmicus & Heliacus Orionis & Canis utriusq;
tempestates cient, propter quam causam Hesiodus
etiam nauigationem uernam prohibere uidetur. Sic
Plinius libro 18. Cap. 29. de occasu Heliaco canis.

POST dies undeuiginti ab æquinoctio uerno per id quatrīdium, uaria gentium obseruatione, quarto Calendas Maij canis occidit, sydus per se se uehemens, & cui præoccidere caniculam necesse sit.

ET de Orione, Capite, 25.

CUM sydus uehemens Orionis
ijsdem temporibus longo deccat spacio. scilicet post
æquinoctium uernum paulatim occidere incipit, est
enim magnum sydus, & multas habet insignes stel-
las, ideo non subito a Solis radijs tegitur, quod ipse
etiam Plinius eodem libro, Capite 26. testatur.

NONIS

NONIS Aprilis Orion & gladi-
us eius incipiunt abscondi quinto Ca-
lendas Maij totus Orion abscondi-
tur, octauo Idus Maij canis uesperis
occultatur. Et Columella. Pridie Calen-
das Maij canis se uesperis celat occasu
scilicet Heliaco. Oritur autem iterum Heliace paulo
ante Solstitium aestiuum, ut idem scribit libro eodem,
Capit. 28.

SEXTO Calendas Iunij cæsari
Orion oritur tertio Nonas Iunij. At-
tica totus exoritur.

Hunc ortum intelligit Hesiodus de tritura
ac tempore Mesis.

Εὐτ' ἂν πρῶτα φανῇ δένος Ὠρίωνος.

Cum primum iterum appareat Orion ortu He-
liaco in Iunio scilicet, Sole existente in fine Geminor-
um, ut dictum est. Canicula uero post solstitium
oritur, ut est apud Columellam.

PERACTO solstitio usq; ad or-
tum caniculæ, qui ferme triginta dies
sunt.

De ortu Heliaco, cum scilicet Sole existente in
principio Leonis, canicula cum cancro mane ante
Solem

Solem ascendit & conspici potest, quod tempus navigationibus aptissimum est, ut & Hesiodus testatur.

OVIDIUS .I. FASTORVM.

Osipedis frustra quærentur brachia cancri

Præceps occiduas ille subibit aquas

Institerint imbres missi de nubibus atris

Nonæ signa dabunt, exoriente Lyra.

Hic tempus offertur 3. Ianuarij, eo die Sol in

17. Capricorni in signo opposito, ergo occasum intelligit Cosmicum, quo mane oriente Sole in Capricorno, Cancer e regione descendit.

11. Lyra oritur cum fine Libræ Romæ, Alexandria uero cum initio Scorpij, uterq; locus sequitur locum Solis antea repertum, scilicet, 17. Capricorni. Ergo ortus est Heliacus, quo Lyra mane ante ortum Solis conspicitur, a radijs liberata.

Hunc ortum præcessit ortus Cosmicus, cuius meminit Columella.

DECIMO sexto Calendas Decembris, fidicula mane exoritur, scilicet, cum Sole existente in fine Scorpij, cum quo occidit Lyra, ut supra patet ex Tabula.

OVIDIUS IN EODEM

Septimus

SEPTIMVS hinc oriens cum se demiserit undis
Fulgebit toto iam Lyra nullo polo.
Sydere ab hoc ignis, uenienti nocte, Leonis
Qui micat in medio pectore, mersus erit.

Dies est 23. Ianuarij Sol in 8. gradu Aquarij
fere, Lyra occidit Alexandria cum 22. Aquarij,
Ergo occasum intelligit Heliacum, quo scilicet ue-
speri occidente Sole in 8. Aquarij, Lyra supra hori-
zontem uix adhuc cernitur.

Possit & enarrari hic locus de occasu Cosmico,
quod Romæ occidat Lyra cum 2. fere Aquarij, Sed
illa expositio minus uidetur idonea, propterea quod
in stellis, septentrionalem latitudinem habentibus,
occasus Cosmicus præcedat, eum deinde ortus Heli-
cus, & hunc ortus Cosmicus sequatur, post quem
occasus Acronychus proximus est, quem ipsum
quoq; describit Ouidius in 2. libro, ut postea uide-
bimus.

II Qui micat in medio &c.

COR Leonis intelligit quod fuit in 5. uel 6.
gradu Leonis, Is locus est oppositus gradui Solis
prius inuento, Ergo occasus est Cosmicus, Sic Colu-
mella.

SEXto Calendas Februarij, Leo-
nis, quæ est in pectore clara stella oc-
cidit.

Et Plinius

Et Plinius libro 18. Capite 26.

OCTAVO Calendas Februarij,
stella regia appellata Tuberoni in pe-
ctore Leonis occidit matutino.

OVIDIVS LIBRO II.

ILLA nocte aliquis tollens ad sydera uultum
Dicet ubi est hodie quæ Lyra fulsit heri.
Dumq; Lyræ quæret, medijs quoq; terga Leonis
In liquidas subito mersa uidebit aquas.
Quem modo celatum stellis Delphina uidebas
Is fugiet uisus nocte sequente tuos.

Dies est expressa 2. Februarij, Occidit Lyra
cum 22. Aquarij Alexandria, est autem locus Solis
19. Aquarij & commodè interpretari potest de oc-
casu Acronycho, posset tamen applicari ad Heliam
cum, qui paruo tempore occasum Acronichum præ-
cedit, sed hæc expositio commodior est, sicut ante
diximus.

II Terga Leonis.

Leo est signum oppositum Aquario, ergo Sole
in Aquario mane oriente, occidit Cosmice.

III Is fugiet uisus,

TEMPVS datur 3. Februarij, Locus solis est
in 19. Aquarij. Occidit Delphin cum medio ferme
Aquarij, ergo occasus est Acronichus, sic & Columella.
Tertio

TERTIO Calendas' Februarij
Delphinus incipit occidere, Item Fidicula occidit,
ſcilicet, ueſperi occaſu Achronyco, Sole in 19. Aquarum
rij exiſtente.

HESIODVS.

Εὐρὺ δ' αὖ Δ' ὤρεϊον καὶ σειριος ἐς μέσσην ἔλθῃ
οὐρανόν, ἀρκτὺρ δ' ἐσίδῃ ῥοδόδ' αὐτοῦλος ἡώς.

Hic ortus ſpecies deſcribitur, cum enim Orion
cum ſirio, qui in Geminis ſunt, in medio cœli exi-
ſtunt, neceſſe eſt Arcturum cum uirgine oriri, idē
coſmice Sole exiſtente in uirgine, ſub initium Sep-
tembris, Sic et Columella.

A Canicula fere poſt diem quin-
quageſimum Arcturus oritur.

ET ALIBI.

NONIS Septembris Arcturus
oritur ſcilicet mane cum Sole ortu Coſmico. Hunc
ortum intelligit etiam Thucydides libro 2. Vbi ſcri-
bit exercitum Lacedemoniorum diſceſſiſſe ab obſidi-
one Plateæ, περὶ ἀρκούρης ἐπιτολᾶς, relictæ ibi
parte exercitus. Quanquam idem locus de ortu
Heliaco, qui ortum Coſmicum paruo temporis in-
teruallo ſequitur, non incommode accipi poteſt.

Plinius

PLINIVS LIBRO II.

ARCTVRI sydus, quod exoritur undecim diebus ante æquinoctium Autumni,

Ortu scilicet Heliaco, quo apparet Arcturus, Sole ex Virgine accedente ad Libram.

Aristoteles de natura Animalium libro Sexto, de Ceruis.

ὅτι ὀχρεία γίνεται μετ' ἀρκτῶρου περὶ τὸν βοῦν
δρομιῶνα ἐν μεμακτηρίῳ.

Dicit coitum Ceruarum fieri Mense Augusto
et Septembri, sub Arcturi ortum Cosmicum et Heliacum.

Theodorus Gaza in Libello de Mensibus loci
Galenii de hoc ipso ortu citat, cuius hæc sunt uerba,
Libro 4. de tuenda Sanitate.

ὅτι μὲν ὠραιότατον τῆς ἐλάτης τὸ σπέρμα
περὶ τὴν ἐπιτολήν τ' ἀρκτῶρος, ὅσις καιρὸς
ἐν ῥώμῃ ὁ καλούμενος μὴρ σептμήβριος ὅστις
ἐν περγάμῃ δὲ παρὰ ἡμῶν ὑπερβρεταίνῃ
ἀθίνῃσι δὲ μυσηρίῃ.

Id est,

Maxime uero maturum est abietis semen sub ortu
arcturi Heliacum Mense Septembri &c.

I HESIO.

HESIODVS LIBRO II.

Εὐ τ' ἄρ' ἐξήκοντα μετὰ τροπὰς ἡλίου
 χημερὶ ἐκτελέσει Ζεὺς ἡμάτα, δῖηρα τότ' ἄσπερ
 Ἀρκτῦρος πρὸ λιπῶν ἱερῶν ῥόον ὠκεανῶιο
 πρῶτον παμφαίνων ἐπιτέλλεται ἀκρονύχῳ
 φαιῶ.

Hic & tempus exprimitur & ortus species,
 sexaginta diebus post Solstitium Hybernū, id est,
 circiter 15. Februarij, quo tempore Sol ingreditur
 Pisces. Oritur autem Arcturus cum Virgine, recte
 igitur dicit uesperī, hoc est, Achronyce Sole in Pis-
 cibus descendente.

OVIDIUS II. FASTORVM.

Tertia nox uenit, custodem protinus urse
 Aspicies Geminos exernisse pedes.

TEMPVS est 11. Februarij, Sol in fine Aquarij
 prope initium Piscium, oritur Bootes cum Virgine,
 qui locus est oppositus Soli, ergo ortum intelligit
 Acronychum, quare inquit, noctu aspicies.

De hoc ortu Plinius Libro 18. Cap. 26.

OCTAVO Calendas Martij Hir-
 undinis uisu, & postero die Arcturi
 exortu uespertino.

Et Colu.

Et Columella Libro 9. Capite 14.

ORTVS Arcturi, qui est Idibus
Februarij, sub aduentum Hirundi-
num.

Idem Libro xi. Capite 2.

NONO Calendas Martij arcturus
prima die oritur.

LIBRO FASTORVM. III.

*Sive est Arctophylax, sive est piger ille Bootes
Mergetur, uisus effugietq; tuos.*

TEMPVS est 5. Martij, Locus solis in fine
Piscium, Occidit autem Alexandriae arcturus cum
initio Scorpij. Quare, quia Sol est fere in signo op-
posito, occasum, intelligit matutinum, seu Cosmicū.
Hæc expositio qualiscunq; est. Nam ut supra etiam
monuimus, latini Poetæ negligentes fuerunt in de-
scriptionibus ortus & occasus syderum. Verum
occasum Cosmicum describit Colomella, Libro 11.
Capite 2.

**VNDECIMO, Decimo, & Se-
ptimo** Calendas Iunias Arcturus ma-
ne occidit.

12

Scilicet

Scilicet Cosmice, Romæ cum 5. Sagittarij. Occi-
dit ergo dictis diebus, quibus Sol mouetur in primis
partibus Geminorum, mane oriente Sole e regione
descendit.

EST ET LOCUS IN
Rheso Euripidis.

ὄνεται συμεία, καὶ ἐπὶ πλάτος
ὠληιάδες αἰθέραι,
μέγα δ' αἰτός ἐνζανὸς ποταῖται.

Occidunt signa & septem Pleiades æthereæ,
Aquila in medio cœli uolat.

Describitur id fieri in nocte Hyemali sub finem
quartæ uigiliæ tribus ferè horis ante ortum Solis.

Oritur autem Aquila cum priori parte Sagit-
tarij, ergo eo uersus medium cœli ascendente, ne-
cesse est Pleiades ex opposita parte iam in Tauro
descendisse, & solem quoq; sub horizonte esse in
fine Capricorni, uel initio Aquarij. Fingun-
tur igitur hæc Mense Ianuario acta, uel
in initio Februarij.

FINIS SPHÆRÆ.
Laus Deo.

LIBELLVS

IOANNIS DE SACRO
BVSTO, DE ANNI
RATIONE, SV

ut vocatur uulgo

COMPVTVS

Ecclesiasticus.



CVM PRÆFATI

one Philippi Me
lanctronis

1545.



DOCTISSIMO VIRO
D. ACHILLI GASSARO
Lindoensi, Medicinæ Do-
ctori, amico suo,
Philippus Melancthon.
S. D.



NGENSET
manifesta utilitas

est, tenere certam anni ratio-
nem. Quæ enim esset confu-
sio præsentium negociorum,
contractuum, pactorum, iu-
diciorum, quæ tenebræ, si
nulla esset annorum ac Mensium distinctio? In histo-
rijs quanta caligo esset, sublata annorum enumera-
tione? Non mundi initium cogitari, non exordia
religionum discerni, non mutationes imperiorum
distingui possent. Perspicuum est autem, harum re-
rum cognitionem ad Religionem, & ad multas uitæ
partes necessariam esse. Quare non satis mirari
possum; multorum ingratitudinem, seu peruersita-
tem potius, qui hanc doctrinam de cœlestibus moti-
tibus, & anni descriptione, uituperant.

Porro

Porro & utilitatis magnitudo, & iudicia sapientissimorum Principum, ac doctissimorum uirorum, qui magna diligentia annum ordinarunt, mouere imperitos debent, ut auribus atq; animis abhorreant ab illis insulsissimis ac scurrilibus conuicijs, quæ in bonas artes, & diuinitus demonstratas dicuntur. Videmus enim laudatissimis Principibus magnæ curæ fuisse, ut annum quam rectissime describerent, ut discerni tempora, & rerum memoria propagari & conseruari posset. Ideo & Solon Athenis ordinauit annum, constitutis æquinoctiorum notis, de iudicio Thaletis. Hæc ratio post annos ducentos ab Eudoxo correctæ est, qui fuit Platonis coetaneus. Sed iure gloriatur Cæsar apud Lucanum, Eudoxi fastos superari suo anno. Etenim cum essent diuersæ rationes, Aegyptiaca, Græca, & Arabica, Cæsar adhibito in consilium Sosigene, excogitauit nouam, multo cæteris commodiorem. Nam Aegyptiaci anni Menses singuli habuerunt triginta dies, & accesserunt quottannis epactæ 5. Nec fuit certa intercalationis ratio, nec certum anni initium.

Græci anni Menses ad Lunam quadrant, sine certo dierum numero, Accesserunt autem Epactæ undecim, ex quibus Mensem ἐμβόλιμον collegērunt. Arabica ratio crudior fuit his duabus,

Nam Menses Arabici alternis uariant, ita, ut prior
habeat dies undetriginta, Sequens uero triginta.
Deinde accesserunt undecim Epactæ, ex quibus col-
ligebant ἐμβόλιμον.

Vidit autem Cæsar in omnibus his descriptio-
nibus non solum incommodam esse negocijs incerti-
tudinem, nam iisdem Mensibus alia apud alios initia
erant, Sed etiam æquinoctia nimis esse lubrica et fu-
gacia. Quare ut certa essent anni ac Mensium initia,
& dies æquinoctij ita continuaretur, ut parum ad-
modum aliquot sæculis uariaret, eam formam anni
instituit, qua propemodum hodie utimur, Et si ex
tanto interuallo, nunc emendatione opus habet.
An aspernamur hanc diligentiam in summis uiris,
aut inani curiositate susceptam, sine graui causa pu-
tamus? Nec uero poterant hæ rationes uel Aegy-
ptiæ, uel Græcæ, uel Arabicæ, uel Romanæ, sine
magna scientia motuum cœlestium supputari. Equi-
dem non dubito, quin singulari Dei consilio factum
sit, ut initio Mundi tam diligenter annotarint an-
nos primi parentes, uidelicet ut mundi exordium re-
tro cogitare, & exigua illa spacia numerare poste-
ritas posset, item ut Religionum discrimina conside-
rari, ut series promissionum cœlestium, & Histori-
arum teneri posset. Has causas si quis parum graues
esse putat, nã ille Cyclopiceam mentem habet. Fatea-
mur

mur ergo primos Parentes, qui sapientia & pietate
excelluerunt, diuinitus impulsos esse ad annorum di-
stinctionem obseruandam & propagandam. Neq;
tamen sine cognitione motuum coelestium annus in-
cludi æquinotiorum metis, & recte describi potuit.
Quare necesse est eos uniuersæ doctrinæ de motibus
coelestibus studiosos fuisse. Quæ est autem arrogan-
tia, nō modo aliorum magnorum uirorum, sed etiam
primorum Parentum, qui generi humano duces &
monstratores ueræ Religionis ac ueræ sapientiæ fu-
erunt, inuenta aspernari?

Itaq; studiosi adolescentes ament hanc doctri-
nam de motibus coelestibus, & uitæ utilem esse iudi-
cent, cum propter anni descriptionem, tum etiam
propter alias causas. Nam quod nonnulli impro-
bant τῷ μαθητῇ, uidemus indoctos eodem cal-
culo etiam motuum doctrinam condemnare, certe
contemptus huius totius Philosophiæ in rudibus con-
firmatur. Etsi autem de diuinatrice hoc loco non
disputabo, tamen si recte uolumus æstimare, hæc
ipsa motuum doctrina uere est præcipua μαθητῆ,
Testatur enim esse æternam mentem opificem &
gubernatricem mundi, nosq; ad agnitionem Dei &
ad immortalitatem conditos esse. An hæc μαθητῆ
aspernanda est? Quid uerius conuenit uatibus, quam
confirmare in animis hominum ueras & pias opi-

niones de Deo? Quirè fatēamur hanc ipsam motuum doctrinam μαυτικὴν esse utilem uitæ et moribus. Sit sane fatidicum quiddam, ut est, κρᾶσις corporum & ingenia iudicare ex aliqua syderum insigni coniunctione, aut tempestates prædicere, propter quas ἄλλοτε μὲν τοῦ πᾶσι ἡμεῖς ἄλλοτε μὲν. Magis tamen fatidicum est, monstratis certissimis motuum legibus, confirmare mentes, ut uere statuunt esse Deum, qui ordinarit, qui gubernet hos motus, qui agnosci uelit ab hominibus, quorum utilitatis causa has uarietates motuum condiderit, quicquid cum nos ad sui agnitionem inuitet, bonis præmia, impijs poenas proposuerit. Sed hæc alibi copiosius disputauī. Redeo ad superiorem orationem de anni descriptione.

Valde probo consilium Georgij Ioachimi Rhetici, quod ad libellum de sphaera adiunxit rationem anni, conscriptam ab eodem autore Ioanne de Sacro Busto, Nam, ut antea dixi, tenere certam anni rationem, multis de causis utile est. Tanta fuit olim etiam in Ecclesia eius rei cura, ut Cyrillus affirmet in Synodo constitutum esse, ut quotannis Alexandrinus Episcopus significaret Romano certum æquinotij diem, Propterea quod in Scholis Alexandrina eo tempore adhuc florebant huius Philosophiæ studia, Rome uero non perinde nota erant.

Porro

Porro hic Libellus, cum anni rationem ostendat, etiam adiuuat studiosos in doctrina de motibus Solis & Lune. Tibi autem præcipue dedicare hunc libellum Georgius uoluit, ut ostenderet se memorem esse ueteris tuæ amicitiae, & ut hoc loco mea uoce tibi gratias ageret, quod ipsi ad hæc studia hortator fueris, cœlestibus significationibus motus, cum quidem ipse longe aliud uitæ iter, & abhorrens ab hac Philosophia ingressus esset. Quare statuit se tibi debere plurimum, quod autoritate tua ad has artes reuocatus sit. Accipies igitur hoc munus ab amico, et honestissimorum studiorum socio, eo libentius, quia aliquid earum artium continet, quæ tibi magnum decus apud eruditos parant. Scito autem emendatum esse Libellum à uiro prædito egregia doctrina, & uirtute Casparo Bornero, cuius est mirifica diligentia, ut in omnibus uitæ officijs, ita etiam in studijs bonarum artium. Quare debebunt ei gratiam lectores, quibus hic libellus profuturus est. Bene uale.

Mense Augusto.

ANNO.

M. D. XXXVIII

PROOE.

PROOEMIUM VM AVTORIS.



COMPVTVS

est scientia considerans tempora ex Solis & Lune motibus, & eorum ad inuicem conaequatione distincta. Fecit .n. DEVS duo luminaria magna, ex quorum beneficio dies &

nox illuminantur, & temporum uices, humana fragilitati famulantium, efficiuntur. Ecclesia itaq; non de motibus uniuersorum corporum curans supercoelestium, tempora mensurata ac distincta secundum motum istorum duorum Planetarum solum intendit. Vnde hanc scientiam Ecclesia subalternatam ab Astronomia distare constat, quae de motibus astrorum omnium uniuersaliter exequitur. Hae uero temporum discretionem secundum cursum Solis & Lune tantum metitur. Quicquid etiam Astronomus de temporis fractionibus determinat, fit gratia motus astrorum, ipsius enim est, motum ipsum considerare, Computistae uero temporum discretionem.

Vnde

Vnde miro artificio illius æqualitas in astro-
rum & Planetarum motibus minutissime conside-
ratur, huius uero grossa inæqualitate per temporum
spacia nunc maiora, ut in omnibus sufficiat, com-
prehenditur. Tempus autem est effectus corpo-
rum supercœlestium motus, ex quo quantitatis di-
mensionem & numerum, & qualitatis alteratio-
nem sortitur.

Computista autem partes temporis quandoq;
die maiores, quandoq; minores determinat. Partes
temporis die maiores sunt, Septimana, Mensis, An-
nus, Lustrum, Indictio, Sæculum & Aeuum,
de quorum singulis per ordinem in con-
sequentibus dicitur. Partes tem-
pori die minores sunt, Qua-
drans, Hora, Punctus, Mo-
mentum, Vncia
& Atomus.

DE PAR.

DE PARTIBVS TEM- PORIS MINORI- BVS DIE.

QVADRANS, est quarta pars
diei Naturalis, id est, sex horarum integra
comprehensio. Hora est uigesimaquarta pars diei
Naturalis. Horarū uero alia Naturalis est, alia Aequi-
noctialis. Naturalis est spaciū temporis, quo me-
dictas signi peroritur. Aequinoctialis uero est 15.
graduum circuli aequinoctialis supra horizontem
ascensio, ueruntamen utraq; illarum Naturalis, nisi
discretionis causa, poterit appellari. Punctus qui-
dem in Solari computatione, est quarta pars horæ
unius, in Lunari uero, quinta. Momentum est deci-
ma pars puncti, prout prius sumebatur punctus.
Vncia uero est duodecima pars momenti. Atomus
est 4 s. pars uncia. Astronomica tamen per 60.
usq; ad minimum cuiuslibet integri, uniformis est
fractio. Cum igitur in istarum temporis partium
et differentiarum computatione huius scientiæ con-
sistat completio, à computando nomen Computus
accepit. Non quod computatre doceat, sed
quoniam numeris certis et subtiliter
coniunctis doceatur.

DE die

DE DIEBUS NATURALIBUS ET ARTIFICIALIBUS.

DIERVVM AVTEM, alius est Naturalis, alius Artificialis. Naturalis est 24. horarum, quocumq; quatuor punctorum meridiani, uel horizontis, Sole inceptarum continua comprehensio, id est, diei & noctis completæ spacium, unde illud Genesis, Factum est uespere & mane dies unus. Item,

Qui mane iunctum uespere,
Dicm uocari præcipis.

DIES uero Artificialis, est spacium temporis ab ortu Solis usq; ad eius occasum, unde Artificialis dies, est Sol lucens super terram. Nox autem est umbra terræ, in Solis oppositum diametraliter extensa, Et dicitur Nox a noceo nocēs, est enim tempus nocentibus aptum.

NOTANDVM igitur, quod dies Naturalis secundum diuersos, diuersa habet principia. Romani enim diem Naturalem à media nocte incipiunt, & ibidem terminant, Quoniam legitur, quod Dominus natus fuerit in medio noctis diei Dominate. Et quoniam Sol, qui causa est diei, à puncto remotissimo

remotissimo in media nocte incipit ascendere. Arabes uero a meridie incipiunt, qui dicunt Solem fuisse factum in meridie, secundum cuius motum diem considerant. Iudei autem a uespere, innitentes illi auctoritati Genesis, Factum est Vespere & mane dies unus. Quidam etiam secundum sensum agnoscunt, ut uulgo, Diem naturalem ab ortu Solis incipiunt, quia cum Sol sit causa dici, tunc merito debet dies incipere, cum Sol effertur supra nostrum horizontem. Est autem Horizon circulus, quem sibi circumscribit cuiusque aspectus. Meridianus uero est circulus, quem Sol a polo ad polum per hominum uerticem transeuntem die media designat.

Huius itaque diei secundum Medicos quatuor distinguuntur quadre, Quarum prima est ab hora noctis nona usque ad tertiam diei calida, & humida, in qua sanguis mouetur. Secunda uero a tertia diei Artificialis, usque ad nonam eiusdem, calida est & sicca, in qua Cholera euentatur. Tertia a nona diei Artificialis usque ad tertiam noctis, frigida & sicca, in qua Melancholia multiplicatur. Quarta est a tertia hora noctis, usque ad nonam eiusdem, frigida & humida, in qua Phlegma fluctuat. Vnde uersus.

Tres lucis primas, noctis tres sanguinis imas,

Vis Cho-

*Vis Cholerae medias lucis sex uendicat horas,
Datq; Melan primas noctis, tres lucis & imas,
Centrales ponas sex noctis phlegmatis horas.*

DIES Artificialis similiter in quatuor quadras ab Autore diuiditur, Quarum prima rubens, secunda splendens, tertia urens, quarta tepens dicitur. Vnde Sol quatuor equos habere fingitur, Quorum nomina sunt haec, Eous, Lampas, Pyrois, Phlegon.

Vnde uersus.

*Solis equi lucis dicuntur quatuor horae,
Hæc rubet, hæc splendet, hæc calet, illa tepet.*

NOTANDVM etiam, quod dies Septimanae secundum diuersos, diuersas habent appellationes, Philosophi enim gentiles quemlibet diem septimanae, ab illo Planeta, qui dominatur in prima hora illius diei denominant. Dicunt enim Planetas successiue dominari per horas diei, quorum nomina & sphaerarum ordinatio in subscripta figura clarescunt.

K Figura

FIGVRA OSTENDENS
distributionem & ordinem Sphae-
rarum cœlestium.



Vnde

Vnde uersus.

Post SIM SVM sequitur, ultima Luna subit.

Vel ordine retrogrado sic.

Cynthia, Mercurius, Venus & Sol, Mars, Ioue,
Satur.

Ordine retrogrado sibi quibus uendicat horam.

Supponatur igitur, quod Saturnus dominetur
in prima hora diei Sabbati, Iupiter in secunda, Mars
in tertia, Sol in quarta, Venus in quinta, Mercurius
in sexta, Luna in septima. Item in 14. similiter in
23, Saturnus in 22. Iupiter in 23. Mars in 24. Vnde
cum non sint plures horæ in illo die naturali, relin-
quitur ergo, quod Sol dominetur in prima hora diei
subsequentis, à quo dicebatur dies Solis, & inde re-
cipit appellationem. Et consimili computatione ha-
bebimus, quod Luna dominatur in prima hora diei
subsequentis diei Solis, et inde recipit denomi-
nationem, & sic de alijs. Secundum hoc igitur sagaces
Medici, cum dant potiones, uel faciunt minutiones,
considerant, utrum Plancta benivolus, uel maleuo-
lus dominetur in hora illa. Beneuoli sunt, Iupiter
& Venus. Maleuoli, Saturnus & Mars. Indiffe-
rentes uero Sol, Luna, & Mercurius.

Vnde uersus.

Iupiter atq; Venus bene sunt, Sat. Marsq; ma-

ligni.

K 2

Sol &

Sol & Mercurius cum Luna sunt mediocres.
Qualitates quidem eorum complexionales in his pa-
tent uersibus.

Frigidus & siccus Satur, Iuppiter aestuat uerus.
Mars & Sol sicci feruent, sed Luna Venusq;
Vdæ frigescunt, medius Cyllenius esto.

Humana quidem persuasio stellis numeros &
nomina fecit, non ex sui natura, sed significatione
distinctioni accommodata.

Vnde Bernardus Syluestris dicit.
Communi ne uoce rei generalis oberret,
Quæ modo sunt stellis nomina fecit homo.

Item Vergilius in l. Georg.
Nauitatum stellis numeros & nomina fecit,
Pleiades, Hyadas, claramq; Lycaonis Arcton.

Ex prædictis autem soluitur, quod competens
ordo est inter Planetas, quo ad circulos suos, & dies
septimanæ ab illis denominantur. Ergo secundum
eundem ordinem se sequi deberent, ut statim diem
Sabbati sequeretur dies Iouis, & hunc dies Martis,
& sic deinceps. Ratio autem huius est, quod 24.
horæ distributæ sunt Planetis, sed septem sunt Pla-
netæ, Vnde si quilibet illorum successiue sibi assumat
tres horas, supererunt de 24. horæ tres, attribuen-
dæ tribus Planetis.

Sic igitur

Sic igitur patet, quod si aliquis dies denomine-
tur ab uno Planeta, dies sequens denominabitur à
Planeta tertio post.

CHRISTIANI autem sicut Beda, Hieronymus,
& alij uiri Religiosi, istas appellationes, quoniam à
Gentibus erant impositæ, uolentes transmutare, di-
em primum Septimane, diem Dominicum, siue pri-
mam Feriam appellauerunt. Dominicum, quia tali
die natus est Dominus, tali die resurrexit, tali die
Mundum fecit. Feriam, quia feriari idem est quod
celebrare, & ab opere cessare, Et dic illo, quem
Dominicum appellamus, debemus cessare ab omni
opere manuali, & etiam peccati, Vel Feria à seren-
dis uictimis dicitur, quoniam olim diebus festiuis ad
Templa ferebantur uictimæ & holocausta. Secun-
dum diem Septimane, secundam feriam appella-
bant, & sic deinceps per ordinem. Nomen uero
Sabbati non mutauerunt, ut appellarent eam Feriam
Septimam. Sabbatum enim idem sonat quod requies,
tali die requieuit Dominus ab omni opere, quod pa-
trauerat, Tali etiam die requieuit in sepulchro, Un-
de adhuc tale nomen obtinuit.

Iudæi autem alias habent dierum septimane ap-
pellationes. Primum enim diem septimane sue

K 3 uocant

uocant Sabbatum, sicut & nos, diem Dominicum
primam Sabbati appellant, unde illud, Mane prima
Sabbati surgens DEI filius, id est, prima die post
Sabbatum. Diem uero, quem nos dicimus diem Lu-
næ, secundum Sabbati appellant, & ita deinceps.

Dicitur autem dies à Duo, quod est clarum,
uel à Duo, quod est duo, quoniam dies naturalis in
duo diuiditur, in diem scilicet Artificialem & no-
ctem, uel dicitur à Dijs, Planetæ enim Dij diceban-
tur, à quibus dies denominantur.

DE PARTIBVS TEMPO- RIS DIE MAIORI, bus, Et primo de Septimana.

EST AVTEM SEPTI-
mana septem dierum naturalis
um, die Dominico inchoata, successiua progressio.
Et notandum, quod septimanæ non habent proprias
appellationes, quemadmodum dies, duplici ratione,
cum propter earum multitudinem, sunt enim in
Anno 52. septimanæ, & unus dies, tum propter
hoc, quod spaciū dierum in uno anno existens
una septi-

una Septimana, distrahitur in partes duarū septimanarū in anno sequenti. Et ita si esset aliquod nomen appropriatum ei, esset permutandum in alio Anno, quod est inconueniens, quod sic patet. Si in hoc Anno sit aliquod Festum in die Sabbati, idem erit in Anno sequenti in die Dominico, unde illud Festum, quod terminat Septimanam in hoc Anno, erit initium alterius Septimanæ in Anno sequenti.

Habent autem Septimanæ communes appellationes has, scilicet, Hebdomada, Septimana & Sabbatum. Hebdomoda ab ἑβδομα dicitur, quod est septem, & doas, quod est, dies, quasi septem habens dies. Septimana dicitur à septem & mane, quasi septem habens mane, id est, septem matutina tempora, & sic sumitur pars pro toto. Sabbatum etiam dicitur Septimana, per quod significatur, quod per totam septimanam quiescere debemus ab opere peccati, Vnde illud, Ieiuno bis in Sabbato, &c.

EX his patet, quod Sabbatum est æquiuocum ad totam Septimanam, & ad unum diem ipsius. Si autem quærat, quare Sabbatum in solennitate, & hebdomadæ inchoatione, sicut Iudæi non autorizemus? Sciendum est, quod sollemnitas Sabbati auctoritate Domini in diem Dominicum

K 4 transiit,

transiuit, Nam tali die natus est Dominus, tali die re-
surrexit, tali die dona sancti Spiritus Apostolis misit.
Item Iudeis omnia sub typo contigerunt & figura.
Figura autem & figuratum non idem sunt, Sicut de
Agnō uero, & de Agnō Paschali, Arca fœderis &
Ecclesia patet, Sabbatum ergo & dies Dominicus
idem esse non debent.

DE MENSIBVS.

MENSIVM AVTEM,
alius Solaris, alius Lunarī, alius Vſualis,

Solaris est spaciū temporis, quamdiu moratur
Sol in signo pcragendo, Vnde Philosophus, Sol unū
duodecim signorum integro Mense metitur.

Lunarī est proprie post Lunæ a Sole recessum
eius ad Solem reuersio, de quo in sequentibus conse-
quetur.

Vſualis est spaciū dierum Calendarijs nostris
inſcriptum, & ab antiquis autorizatum.

Sciendum igitur, quod inter Latinos, Romu-
lus primus Menses distinxit & annos. In anno suo
decem Menses constituens, quoniam uidit, quod tan-
tum tempus sufficit Mulieri pregnantī, ut pareret,
Vel quia

Vel quia per tantum tempus debuit Mulier abstinere
à nuptijs post mortem mariti sui.

PRIMUM igitur Mensem Martium à Marte
patre suo denominauit, uel à Marte, hoc est, a bello,
Tunc enim Reges Romani procedere solabant in ex=
peditiones,

MENSEM secundum Aprilem ab aperiendo
appellauit, tunc enim pori terræ & arborum aperi=
untur, & procedunt herbæ & folia in arboribus,
uel Aprilis, quasi Aphrilis ab ἄφρος, quod est spu=
ma maris, de qua Venus nata fingitur, quæ fuit prin=
cipium generationis Romuli, ex parte matris suæ.

TERTIUM Mensem Maium à maioribus
appellauit.

QUARTUM Iunium à iunioribus.

Menses uero sequentes appositis dictionibus nu=
merabilibus appellauit, ut Quintilem, Sextilem, Se=
ptembrem, Octobrem, Nouembrem, Decembrem.

VNDE OVIDIUS.

MARTIS erat primus Mensis, Venerisq; secundus.
Hæc generis princeps, ipsius ille pater.

Tertius à senibus, iuuenum de nomine quartus.

K 5 Q^{ue}

Quæ sequitur numero turba notata suo est.

Sed postea sequens Numa Pompilius duos adiecit
Menses, scilicet, Ianuarium & Februarium.

Vnde Ovidius.

At Numa nec Ianum, nec auitas præterit umbras,
Mensibus antiquis præposuitq; duos.

Ianuarius dicitur à Ianua, quia quemadmodum
per ianuam fit introitus in atrium, ita per Ianuarium
in annum, Vel dicitur à Iano bicipite, qui Deus
Mercatorum dicebatur. Ita enim Ianuarius dupli-
cem habet respectum, quia ad ipsum annus termina-
tur, & ab ipso incipitur.

Februarius uero dicitur à Februo, id est, à Plu-
tone, quia tunc solebant Romani sacrificia facere
Plutoni & Dijs infernalibus, pro Animabus ante-
cessorum suorum, Vel dicitur à Febre, tunc enim in
calidis Regionibus homines febricitare consue-
runt.

September dicitur, quasi septimus ab imbre,
hoc est, a tempore pluuioso, sicut a Februario, si-
militer est de alijs.

Licet igitur Numa annum ex duodecim Men-
sibus fecerit, diminute tamen egit, quoniam Menses
assumpsit

assumpsit lunares. Vnum scilicet 30. dierum, &
aliud 29. dierum, Vnde Annus eius constabat ex
354. diebus, qui numerus dierum non sufficit cursui
Solis. Sequens igitur Iulius Cæsar ultimam Calenda-
rio apponens correctionem, undecim dies adiecit, &
quadrantem, Vnde Annus Iulij constabat ex 365.
diebus & sex horis. Superflue tamen partem duo-
decimam unius horæ assumpsit, ut inferius patebit.
Calendarium etiam a Martio iussit inchoari.

Vnde Ovidius.

Qui Ianum sequitur ueteris fuit ultimus Anni.
Tu quoq; sacrorum Termine finis eras.

Et dies anni inter Menses uumero competenti
distribuit, ita quod Mensibus imparibus dies 31.
Mensibus uero paribus, 30. attribuerentur, Sed
cum ad ultimum Mensem imparitatis Ianuarium
scilicet peruenisset, defuit unus dies, Vnde a Fe-
bruario subtraxit unum diem ad completionem
numeri dierum Ianuarij, quem recuperaret Fe-
bruarius in anno Bisextili. Tempore autem Iulij
Cæsaris, Romani adulantes Iulio, Mensem prius
dictum Quintilem, Iulium appellauerunt, quia in
tali tempore dicitur fuisse natus. Similiter tempo-
re Augusti Mensem prius dictum Sextilem, Augu-
stum appellauerunt. Sed tunc inuidens Augustus
mensẽ

menſe ſuum menſe Iulij breuiorem eſſe, diem unum
a Februario ſurripuit, & Auguſto addidit, Vnde re
manſit Februarius 28. dierum. Aliud inſuper acci
dit inconueniens, tres Menſes ſimul eſſe 31. dierum,
Iulium ſcilicet Auguſtum & Septembrem, Vnum
igitur diem remouens a Septembri, eum Octobri at
tribuit, ſimiliter unum à Nouembri, quem Decem
bri addidit. Hac itaque Menſium ordinatione, &
numeri dierum poſitione, licet reprehenſibilis fuerit,
uſq; hodie utitur Eccleſia.

Per quam autem literam quilibet Menſis inci
piat, et in qua per conſequens terminetur, in his pa
tet uerſibus.

Altitonans, Dominus, diuina, gerens, bonus,
extat.

Gratuito cœli fert aurea dona fideli.

Primæ enim literæ harum duodecim dictio
num, oſtendunt literas inchoatiuas Menſium, habito
initio a Ianuario, Qui autem Menſes uſuales plures
habeant dies, & qui pauciores, ſcitur in his uerſib.

Sep. No. Iun. Ap. triginta dato, reliquis ma
gis uno.

Ni ſit Biſſextus, Februus minor eſto duobus.

In quom

IN quolibet quidem Mense dicitur Sol intra-
re nouum signum, & ut notabilius dicatur, circa
medium Mensis, prout præsens sensui
subiicit Figura.



Est autem

Est autem signum certa zodiaci portio duode-
cima, ab Astronomis distincta. Gradus autem est tri-
cesima signi portio. Nomina autem signorum ordi-
natio & numerus in his patet uersibus.

Sunt Aries, Taurus, Gemini, Cancer, Leo,
Virgo.

Libraꝫ, Scorpius, Arcitenens, Capr, Am-
phora, Pisces.

Vnde si in quo gradu cuiuslibet signi sit Sol
scire uolueris, numero dierum Mensis præteritorum
adde 15. & si resultent 30. uel minor numerus, in
tali gradu signi ad Mensem pertinentis est Sol. Si
uero maior, abijciantur 30. pro signo Mensis, &
quot fuerint in residuo, in eo gradu signi sequentis
est Sol, Nam signum detur Mensi quem sine mere-
tur. Quod autem signum cui Mensi competat, in
his patet uersibus.

Ap, Aries. Ma, Tau. Iu, Ge. Iul, Can. Au,
Leo. Sep, Vir.

Octo, Libra. No, Scor. De, Sa. Ian, Capricor.
Feb, A. Mar, Pis.

Hæc tamen Regula non penitus penes ordinati-
onem Mensium, quæ nunc est, sed quæ esse deberet,
attendatur.

Primum

Primum igitur signum est Aries, quoniam secundum quod credit Ecclesia, in eo factus est Sol. Licet dicant Arabes, quod factus sit in Leone. Et dicitur Aries, quoniam quemadmodum Aries est animal, quod in parte anteriori uiget, in posteriori uero debile est, ita Sol existens in illa parte zodiaci, quae Aries dicitur, in tempore Hyemali parum habet uirtutis, scilicet caloris & siccitatis, in parte anteriori magis scilicet uersus astatem. Vel ut dicitur, Aries tota Hyeme sinistro lateri accumbit, Aestate uero dextro. Siquidem Sol tota Hyeme accedit ad inferius hemisphaerium, Aestate uero ad superius, quod est, quasi latus Mundi dextrum.

Aries

Secundum signum Taurus dicitur, quia tunc labores Taurorum siue Bouum apparent, uel quia sicut Taurus est animal fortius Ariete, ita Sol in eo signo existens, fortior est in uirtutibus suis, uel qualitatibus, quam fuit in Ariete.

Taurus

Tertium signum est Gemini, quoniam tunc geminatur uirtus Solis in caliditate & siccitate, uel quia sicut Gemini depinguntur iuvenes amplectentes se, ita quando Sol est in illa parte coeli, quaedam terrae nascentia amplectuntur se, & pubescunt per radicem superius in herbam.

Gemini

Quartum

Cancer.

Quartum signum Cancer dicitur, Sicut enim Cancer est animal retrogradum, Ita Sol existens in illa parte Zodiaci, a nostro recedit Hemisphærio, unde signum illud dicitur Tropicum, quasi conuersum, in eo enim fit Solstitium æstiuale.

Leo.

Quintum signum Leo dicitur, quia sicut Leo est animal ardentissimæ naturæ, et implacabilis iræ, Ita Sol existens in illa parte cœli, ardentissimus est et siccissimus, Vnde tunc non est bonum minui, nec purgationibus uti, propter defectum humoris in tempore caloris & siccitatis, Sicut innuit Hippocrates, sub Cane & ante Canem, sunt molestæ purgationes, Sunt enim tunc dies Caniculares, quorum initium & terminus sic habentur.

Iulius à Nonis inducit Caniculares,
Septembris gaudent deca sexto sine Calendas.

Virgo.

Sextum signum est Virgo, Sicut enim Virgo sterilis est, & nihil in esse producit, Ita tempus illud, dum Sol est in Virgine, sterile est, & nihil producit, sed producta maturat.

Libra.

Septimum signum est Libra, quoniam tunc librantur dies Artificialis, & nox, & est æquinoctium Autumnale.

Octauum

Octauum signum Scorpius dicitur, Sicut enim Scorpius.
Scorpius cum cauda pungit, ita Matutina parum
cautos tunc frigora ledunt.

Nonum signum dicitur Sagittarius, Tunc enim Sagitta
in nos mittuntur sagitte temporis, tempestates scilicet
cet, imbres, grandines & huiusmodi.

Decimum uero signum Capricornus dicitur, Capricor=
quia quemadmodum Caper in pascendo erigit se, ita nus.
Sol tunc ab inferiori Hemisphærio uersus nostrum
Hemisphærium ascendit, Vnde hoc signum Tropi=
cum, quasi conuersiuum dicitur. Est enim tunc Sol=
stitium Hyemale, & de cætero Sol conuertitur ad
nos.

Residua uero duo signa, scilicet Aquarius & Aquarius
Pisces, abundantiam aquarum notant. Dicitur enim Pisces.
Aquarius ab aquosa qualitate aeris. Pisces uero
quia in pluuijs omnia natære uidentur. Quidam ta=
men dicunt, quod hæc signa à situ stellarum in illis
partibus ad modum huiusmodi animalium sic deno=
minantur. Vnde Macrobius, Sydera in signum plu=
rium stellarum compositione formantur. Et Luca=
nus de Ariete dicit.

Sed postquam uernus calidum Titana recepit
Sydera respiciens de lapsæ portitor Helles.

Qualitates autem omnium signorum, per qua=
tuor triplicitates distinctorum, in his uersib. patent.

L Ignea

Ignea sunt A, Leoq; , Sa. Terrea Tau, Capcr,
& Vir.

Vda Ge, Li, & A. feruent, Cancer, Scor, &
Pis.

QVID CA= LENDÆ, NONÆ ET IDVS.

NOTANDVM ETIAM
quod in quolibet Mense sunt tres dies, deno=
minationes sortiti principales, a quibus, assumptis
dictionibus numeralibus, omnes ceteri dies deno=
minantur, scilicet Calendæ, Nonæ & Idus. Di=
cuntur autem Calendæ, quasi colendæ, Primus enim
dies cuiuslibet Mensis colebatur ab antiquis in hono=
rem Iunonis, Vnde Ouidius.

Vendicat Ausonias Iunonis cura Calendas.

Vel dicuntur Calendæ à καλῶ, quod est uoco,
Præco enim primo die cuiuslibet Mensis, ascendebat
locum eminentem in ciuitate, & clamabat quater
καλῶ uel pluries, secundum quod nundinæ per plu=
res in Mense sequenti durarent dies, & ideo in plu=
rali numero dicuntur Calendæ. Vel di=

Vel dicuntur *Calendæ* à καλός, quod est bonum, eo quod in primo cuiuslibet Mensis die solebant ab amicis mutuo dari quædam dona, ut per totum Mensem sequentem bonum omen eis eveniret.

Nonæ dicuntur à non, nullus enim DEVS habuit festum in Nonis. Vnde Ovidius.

Nonarum tutela Deo caret &c.

Vel dicuntur *Nonæ* quasi novæ, propter statuta renouata in singulis Mensibus apud Romanos, Vel dicuntur *Nonæ* a nundinis, per tot enim dies durare solebant, quot erant *nonæ*.

IDVS uero dicuntur, quasi diuisiones, diuidunt enim Mensem ferè in duas partes æquales, uel quia tunc diuidebantur nundinæ.

Ab istis autem diebus, coassumptis dictionibus numeralibus. denominantur alij dies Mensis, ita quod maiori numero, secundum quod magis antecedunt, minori, secundum quod minus. Si igitur quaeratur, quare non dicatur secundo *Calendas*, *Nonas*, & *IDVS*, Dicendum, quod hæc dictio secundus, prouenit a uerbo sequor, unde sequi deberet dies ille, si recte diceretur secundus, sed ibi bene dicitur pridie *Calendas*, id est, priori die ante *Calendas*.

Quilibet autem Mensis octo habet *IDVS*,

Vnde Versus.

L 2 Octo

Octo tenent Idus Menses generaliter omnes.

Sed quidam Menses plures habent Nonas, quidam pauciores habent nonas.

Vnde uersus.

Mar. Ma. Iul. Oc. senas, reliquis dato bis duo
Nonas.

Habito igitur, quot dies habeat quilibet Mensis, sicut ex prædictis patet, & quot Nonas & Idus. subtractis Nonis & Idibus, reliqui omnes erunt Calendæ.

Notandum etiam, quod in quolibet Mense sunt duo dies, qui dicuntur ægri, mali, & Aegyptiaci, Aegri ab effectu. Secundum enim opinionem quorundam, si quis his ægrotaret diebus, uix uel nunquam euaderet. Mali, quia malum erat incipere aliud quod opus in his diebus, propter malas eorum constellationes. Aegyptiaci, quia ab Aegyptijs erant inuenti. Præter enim decem plagas notas, quæ in his breuiter habentur Versiculis:

Sanguis, rana, culex, muscæ, moriens pecus,
ulcus.

Grando, locustæ, nox, mors prius orta necans.

Contigerunt eis plurima mala, ita quod bis in Mense quolibet, sicut in Calendario notatur.

Quidam

Quidam etiam in his diebus humanum sanguinem Plutoni sacrificabant, Vnde prohibitum est, ne quis in his diebus sibi minuat, ne uideatur sacrificare Dæmoni. Observationes tamen istorum dierum inhibet Augustinus, dicens, Calendas Mensium, & dies Aegyptiacos non obseruetis, sed quia à uulgo sunt suspecti, Ad illos habendos, sciantur isti quatuor uersus.

Armis Gunfe, Dei Kalatos, adamare dabatur,
Lixa memor, conflans gelidos, infancia quosdam,
Omne limen, Aaron bagis, concordia laudat,
Chijæ linkat, ei coequarta, gearcha lifardus.

Istorum uersuum singulae binæ dictiones, singulis seruiunt Mensibus, initio sumpto à Ianuario. Si igitur primum diem Aegyptiacum alicuius Mensis habere uolueris, computentur tot dies, à principio Mensis illius descendendo, quota est litera prima præcedentis dictionis in Alphabeto, & ubi terminatur talis computatio, ibi est dies Aegyptiacus, & quota fuerit prima litera secundæ syllabæ eiusdem dictionis in Alphabeto, talis hora illius dici est suspecta. Ad habendum autem secundum diem Aegyptiacum eiusdem Mensis, computentur tot dies a fine Mensis ascendendo, quota est prima litera sequentis dictionis in Alphabeto, & quota fuerit prima litera se-

L 3 cundæ

cundæ syllabæ eiusdem dictionis in Alphabeto, talis
hora eiusdem diei est suspecta, hoc etiam in prænomen
tato, quod h non computatur pro litera.

DE ANNIS

ANNORVM AVTEM,
alius Planetarum singulorum
discretus, alius omnium communis, qui annus mun-
di, siue perfectus specialiter nuncupatur.

Discretus est spacium temporis, quò quilibet
Planetarum zodiacum complete peragrat. Est
autem Zodiacus firmamenti cingulus, Planetarum
uia, stellis fixis signorum distinctio. Vnde Saturnus
omnium Planetarum supremus signiferum 30. an-
norum spacio peragit. Deinde Iouis sydus tempera-
tum annus 12. ipsum complet. Mars uero tertius,
annis duobus circuit. Medius autem omnium Plane-
tarum Sol. 365. diebus & quadrante Zodiacum
percurrit. Infra Solem Venus est, quæ & Lucifer
& Vesper dicitur, temporibus tamen diuersis. Illi
quidem Mercurius proximus est, qui modo ante So-
lis ortum, modo post eius splendescit occasum, qui
duo pari temporis spacio minimou minus Sole, si-
gniferum

gniferum circumeunt, horum enim trium ordinem
motus uicinitas confundit. Luna uero omnium no-
uissima, 27. diebus, & tertia parte diei per signifi-
rum confugit, deinde biduo in Solis commorata con-
iunctione, nusquam in firmamento apparet, ultra
cuius regionem nihil temporis subiaccens immutatio-
ni transcendit. Est enim sex superiorum, puritas
uero inferiorum, diuinorum caducorumque medium
interstitium.

Vnde Claudianus.

Lunari subiecta globo, qui septimus auras
Ambit, & aeternis mortalia separat astris.

MAGNVS autem Annus est spacium tempo-
ris, in quo Planete omnes simul cum stellis fixis fir-
mamenti uniuersis, ad loca quae in prima origine
mundi tenuerunt, reuertuntur, de quo Iosephus sic
meminit. Nullus ad uitam modernam & annorum
nostrorum breuitatem uitam comparans antiquo-
rum, falsa putet eorum scripta, quae nunc haud edis-
cere posset, si sexcentos uiueret annos, in tot enim
annorum circulis magnus completur Annus, Sed
Philosophorum uerior existit sententia, qui magnum
annum 15000. Annorum summa definiunt, qui est
Annus totius mundi.

Vnde uersus.

A 4

Millia

Millia ter quinq; Mundus complectitur annos,
Vt Plato testatur, quos magnum nuncupat an-
num.

Ex his bis centum, minus uno millia quinq;
Præcessere tuæ noua legis tempora Christe.


Veruntamen annus mundi perfectus 56000.
Solis reuolutiones ex eiusdem ratione subsultantes
contingere uidetur.

DE ANNO SOLARI.

CVM ITAQVE MVLTIPLEX sit Annus, & cæteris omnibus omiſſis
duo ſpecialiter a Computiſta intendantur, ſcilicet,
Solaris & Lunar, de digniori prius eſt pertractan-
dum, ſcilicet de Solari. Eſt igitur Annus Solaris
ſpaciũ temporis, quo Sol a quocunq; quatuor pun-
ctorum Zodiaci, æqualitatis uel conuerſionis, mo-
uetur, circumiens totum Zodiacum motu proprio,
rediens iterum ad idem punctum. Vnde apud anti-
quos ſolet depingi Serpens deuorans propriam cau-
dam ſic.

Serpens

Serpens Annus ego sum, Sol sic circinat in quo,
Qui fluxit pridem, status est nunc temporis idem.



Cuius quidem reuolutionis terminus, in 365.
diebus & quarta dici Naturalis præter rem modi-
cam secundum sensum perficitur. Neq; defectus il-
lius quantitatem, secundum ueritatem, propter di-
uersitatis paruitatem possibile est inueniri, Sicut in
Almagesti dictione tertia a Ptolemæo reperitur. Hoc
etiam sciolis Computistarum, suæ licet professione
aduersantibus, sensibilibiter ex eius causa congruit de-
monstrari. Est itaq; Solis motus in die uno natu-

L 5

rali,

rali 59. minuta, 8. secunda, 17. tertia, 13. quarta,
12. quinta, & 31. in sextis, ut huiusmodi quippe
minutorum in fractionibus ad sexta perueniat, nunc
sufficit partitio, Qui quidem motus si Zodiacum in
sexta redactum, tum in toto, tum in parte, prout
competit, mensuret, prædictis 6. horis non ex toto
minus duodecima deficiet.

Vnde uersus.

Qui scidit Eudoxum superatur Caesaris annus.

Hæc itaq; anni Solaris quantitas si per 12. diui-
datur, crit mensis Solaris, 30. dierum, & 10. ho-
rarum, & 29. minutorum, & 36. secundorum.
Dicitur autem Annus ab innouatione cunctorum ue-
getabilium, quæ temporum uicissitudine naturaliter
præterierunt, uel ab an, quod est circum, & eo is,
propter prædictam temporis reuolutionem.

NOTANDVM igitur, quod secundum diuer-
sos, diuersa sunt anni principia. Numa enim Pom-
pilius annum suum incepit à Solstitio Hyemali, quo-
niam tunc ad nos Sol ascendere incipit.

Vnde Ouidius.

Bruma noui prima est, uetrisq; nouissima Solis.
Principium capiunt phœbus & annus idem.

Romulus

Romulus uero Annum incepit à Martio, iuxta æquinoctium Vernale, quia tunc omnia uirent & florent. Secundum Theologiam autem Annum à Martio digne inchoari uidetur, Cum mundus factus sit, 35. Calendas Aprilis. Item præcepto Domini in Exodi 12. de Martio dicentis, Mensis iste primus erit in Mensibus anni.

Vnde uersus.

Omnia cum uireant tunc est noua temporis ætas.
Sic annus per Ver incipiendus erit.

Arabes uero Annum incipiunt à Solstitio æstiuo, quorum opinio est, Solem factum fuisse in Leone. Quidam autem Annum incipiunt à Septembri, iuxta æquinoctium Autumnale, quemadmodum Iudei, propter illud Genesis, Protulit terra herbam uirentem, facientem fructum iuxta genus suum, sed Autumnus est tempus fructuosum, unde ibi uolunt Annum incipere, cum à fructibus suis annum ueterem spoliauerunt. Istorum autem omnium principia imitatur in aliquibus, & in aliquibus mutamus. Nam claus terminorum, Aureum numerum, & litteram Dominicalem incipimus à Ianuario. Concurrentes & Regulares Solares à Martio, à Septembri uero Epactas & regulares Lunares, & secundum quosdam Embolismos.

Vnde

Vnde uersus.

Aureus in Iano numerus, Clauēsq; nouantur,
Littera sic Domini nouat, & Bissextus eandem.
Mars concurrentem renouat, September Epā
ctas.

DE MVTA TIONE FERIARVM in singulis Annis, & sin gulis Mensibus an norum.

SVNT QUIDEM IN AN
no 52. Septimanæ, & unus dies,
et quarta ferè diei, prout in prædictis innuitur. Dies
igitur iste residuus uariat Septimanas, & est causa,
quare festa Sanctorum & littera Dominicalis singu
lis Annis uariantur, & quod Calendarium in A. in
cipit, est origo concurrentium, sed cum nullus dies
sit extra Septimanam, dies iste pars erit Septimanæ
sequentis, & sic Anni initium. Vnde per septima
nas computando integras, in tot diebus fit Anni an
ticipatio, quotus est concurrens.

Sic igitur

Sic igitur Annus Cycli ultimus, 53. continet
Septimanas. Quod autem Festa Sanctorum per
istum diem uariantur, sic patet. Si Festum aliquod
in hoc Anno fuerit in die Dominico, in Anno sequen-
ti idem crit in die Luna, & si Bissextus fuerit, in die
Martis. Hec eadem uariatio est per singulorum
Mensium Calendas. Vnde ad habendum generaliter
& artificiose quota feria quilibet Mensis incipiat,
inuenti sunt duo numeri, Concurrrens scilicet et Re-
gularis solaris.

EST AVTEM CONCVRRENS NV-
merus, septenarium non excedens, proueniens ex
superabundantia Anni diuisi per Septimanas. Nu-
meros dico large, ut unitas numerus appelletur,
quoniam quandoq; unitas est Concurrrens. Non ex-
cedens septenarium dico, quia Concurrrens septem
non transit, sed petit affem. Cum enim septem sint
ferie tantum in Septimana, & Concurrrens cum Re-
gulari habeat ostendere primam feriam Mensis,
neuter eorum excedit septenarium. Proueniens ex
superabundantia dico, quoniam ille dies, qui relin-
quitur ultra Septimanas in Anno, est causa Concur-
rentis.

Primus igitur Annus Cycli Solaris unitatem
habet, pro Concurrente, Secundus binarium.

Tertius

Tertius, ternarium. Quartus, quinarium, uno die
superaddito propter Bisextum. Quintus, senarium
Sextus, septenarium. Septimus, unitatem. Octauus,
ternarium propter Bisextum, Et eodem modo com=
putandum est donec perueniatur ad 28. annum, ubi
septenarius est Concurrrens, & est Annus Bisextilis.
Postea uero redibit penitus idem status, in formati=
one concurrentium, unde et spaciū 28. Annorum,
dicitur Cyclus concurrentium. Per hos autem uersus
scitur, quis numerus sit Concurrrens in quolibet an=
no Cycli.

Quam Feriam Martis F. litera significabit,
Illius in numero Concurrrens seruiet Anno.

Vide enim quota FERIA significetur per pri=
mum F. in Martio, & talis est concurrrens illius
Anni, Vel sic.

- | | |
|----------|---|
| 3. 2. 5. | Sex habet A, B quinq; tenet, C quatuor, & D, |
| 2. E. D | Tres habet, E que duas, F unum, G quoq; septem. |
| 4. 5. 6. | |
| C. B. A. | Quoties enim A, est litera Dominicalis, sena= rius est Concurrrens, quoties B. quinarium, & ita de= inceps. Dicitur autem Concurrrens à con, quod est simul & currere, quoniam simul currit cum regu= lari, ad ostendendum, quota feria quilibet Mensis in= cipit. |

Regularis

REGULARIS Solaris est numerus, septena-
rium non excedens, qui adiunctus concurrenti pri-
mas ferias Mensium indicat. Numerus dico, ut pri-
us. Non excedens septem dico, ut prius, Sed istud
membrum, qui adiunctus & c. ostendit tam officium
Concurrentis, quam Regularis. Habet autem nunc
& semper habebit quilibet Mensis tot pro regulari,
quota feria incepit à principio mundi. Mundus au-
tem factus est 35. Calendas Aprilis, unde ibi solet no-
tari primus dies seculi, & Sol in Ariete

Vnde uersus.

Principium mundi renouat G. tertia Martis.

Constat quidem, quod primus dies seculi, fue-
rit dies Dominicus, illa igitur G. fuit litera Domini-
calis. Supposito itaq; per totum Annum sequentem,
quod G. sit litera Dominicalis, patet qua feria Men-
ses incipiant, & sic per consequens patent Regula-
res. Habet autem Martius quinarium pro Regulari,
tanquam habuisset omnes dies suos integrales, Vel
regulares Martij, prouenit ex numero, 4. dierum
remanentium ultra diuisionem dierum Anni, intra
singulos Menses, per 30. factam.

Habito igitur uno regulari scilicet Martij, sic
per artem formari possunt omnes aliorum Mensium
regulares. Numero dierum Martij, iunge eius re-
gularem, & ab illis simul iunctis subtrahatur septe-
narius.

1
narius, quoties poterit, & remanebit unitas, quæ
est Regularis Aprilis, & similiter faciendum est de
omnibus alijs Mensibus, hoc etiam prænotato, quod
si nihil sit residuum, Septenarius erit Regularis Men-
sis subsequenti. Per hos autem uersus sine labore
possunt haberi omnium Mensium Regulares.

Quinq; No. Mar. Iu. Fe. Sex. A. Iul. assen.

Sep. Dec; septem.

Oc. duo. Ma. Ia; tres habet. Au. duo bis regu-
lares.

Habitis igitur Concurrente, & Regulari, in-
simul iunguntur, & si ex eorum coniunctione re-
sultet Septenarius, uel minor numerus, a tali Feria
incipit Mensis, cuius regularem sumpsisti, Si autem
maior, reijce septem, & quotus erit numerus resi-
duus, a tali Feria incipit Mensis, cuius regularis su-
mebatur.

Vnde uersus.

Dant feriam Mensis concurrens & regularis.

Cum plus sit septem, reliquum cape, reijce se-
ptem.

Dicitur autem Regularis, quia regulariter cum
concurrente primam feriam Mensis ostendit. Et
dicitur Solaris ad differentiam Regularis Lunar.

De Anno

DE ANNO BISEXTILI.

SEX AVTEM HORARVM
diem Bisextilem integrantium nunc restat assignatio, Est autem Bisextus, in Februarium, quarto Anno Cycli Solaris (ut cursui Solis tempus adequetur) diei unius interpositio, sunt enim in anno Solaris, 365. dies et sex horarum fere integritas, prout in prædictis manifestatur, gratia tamen confusionis uitandæ complete supponuntur.

Quoniam igitur difficile esset has sex horas cuiuslibet anno continuare, ita quod nunquam in diem redactæ, alicubi ponerentur, Nam secundum hoc, si Annus præcedens incipiat à mane, secundus à meridie, tertius à vespere, quartus à media nocte inciperet. Quare prouisum est, quod sex horæ excedentes in primo Anno, & sex in secundo, & sex in tertio, referuntur ad sex horas quarti Anni, Vnde sic in Anno quarto dies unus ex quater sex horis colligitur. Iste igitur dies ita particulariter collectus, interponitur in Februario, quoniam Mensium breuissimus est, & secundum rationes prædictas, ul-

M - timus

timus, Et quoniam quando est Annus Bisextilis, in Ecclesijs Cathedralibus legentes in Martylogio, bis pronunciant sexto Calendas Martij, duos dies ponentes super eandem literam, ideo Bisextus dicitur, Duo igitur dies cum super eandem F. computantur, in sequenti die debet celebrari festum Mathie Apostoli, Vnde uersus.

Bisextum sextæ Martis tenuere Calendæ,
Posteriore die celebrantur festa Mathiæ.

Ratio autem quare in eo loco intercalatur Bisextus est hæc, Senarius est primus numerus perfectus, & illo die est quasi perfectio Anni, Vnde interponitur die denominato, à numero perfecto, & non in ultimo, ne festum Terminum mobilitaretur. Numerus autem perfectus est, cuius partes aliquotæ simul aggregatæ, ipsum numerum præcise perficiunt. Et hac ratione dici potest, quod in Februarium interponitur, cum dies eius in secundo numero perfecto consistant.

Vtrum autem Annus sit Bisextilis nec ne, sic scitur, numerus Annorum Domini ab eius Natiuitate inceptorum per 4. diuidatur, & si nihil fuerit residuum, præsens Annus est Bisextilis, Si autem resi-

duum

duum fuerit, siue 1. siue 2. siue 3. ostendit Annum
post Bisextum,

Vnde uersus.

Tunc Bisfextus erit, partes per quatuor æquas
Annos partiri cum poteris Domini.

NOTANDVM est etiam, quod nisi Bisfextus
obseruaretur, in 364. annis contingeret Natalem
Domini in tam longis diebus celebrari, sicut nunc
celebratur Annunciatio Domini, quod sic patet. In
tot Annis, cum quartus sit semper Bisfextilis, contin-
gunt 91. dies, qui numerus est quarta pars 364.
dierum, sed ex 91. diebus possunt perfici tres Men-
ses, duo scilicet 30. dierum, & unus 31. dierum,
Et isti tres Menses sunt quarta pars Anni, quæ si
esset subtracta, contingeret prædictum inconueni-
ens, uel forte peius, scilicet, quod Natalis Do-
mini celebraretur, ubi nunc celebratur
festum Ioannis Baptistæ, quod pa-
tet consideranti, si du-
plentur Anni.

DE CYCLO SOLARI, ET INVENI- ENDA LITERA DOMINI CALI.

VISO QUID SIT CON-
currens, quid Bisextus, sequitur de Cyclo
Solari, qui est quasi istorum Annorum effectus. Est
igitur Cyclos Solaris reuolutio temporis, in qua con-
siderantur omnes uariationes, quæ fiunt in anno So-
lari, per Concurrentem & Bisextum, Et completur
ille Cyclos, quando ultra septimanas integras nihil
est residuum, de diebus excrementibus, ultra Annum
hebdomaticum, qui sunt causa Concurrentium, nec
de horis excrementibus singulis Annus, ultra dies
Anni, ex quibus prouenit Bisextus, & illud spacium
est, 28. Annorum, quoniam in tanto tempore com-
plentur omnes istæ uariationes, & quodlibet Fe-
stum per quamlibet feriam uariatur, & Bisextus in
qualibet feria contingit, et ita in toto Cyclo ex die-
bus Bisextilibus integratur una Septimana, sicut pa-
tet depingenti Cyclum Solarem, & tabulam Con-
currentium.

Cum



CVM autem Cyclus sit Circulus, & in circulo contingat, ubicunq; uolueris, principium assignare, non est mirandum, si Cyclus Solaris, secundum diuersos, diuersa habeat principia. Discretio igitur Cycli Solaris secundum uarietatem & utilitatum considerationem, in his habetur uersibus.

Fons est dans bis agro, Fundus cibat, aufer
edacem.
Augens fert escas, Bos aut gens, edacibus
glans.

Istorum uersuum singulae syllabae singulis Annis Cycli Solaris per ordinem deseruiunt, prima primo, secundi secundo, & ita deinceps.
Prima igitur utilitas horum uersuum est, ut sciatur litera Dominicalis, Quae enim litera est inchoatiua

M 3 choatiua

choatiua syllaba, Dominicalis erit per totum Annū,
cui deseruit illa syllaba, nisi Bisextus fuerit, Si autem
fuerit Bisextus, litera illa Dominicalis erit per de=
cem Menses, sumpto initio a Martio, & litera quæ
signatur extra, fuit litera Dominicalis per Ianuariu=
m & Februarium, usq; ad locum Bisexti.

Secunda utilitas est, ut sciatur, quod habita
litera Dominicali statim per hunc uersum habetur
Concurrentis.

F. E. D. C. B. A. G. Concurrentes posuere.

Quoties enim F. est litera Dominicalis, unitas
est Concurrentis, quoties E. binarius, & ita de alijs,
obseruato ordine literarum positarum in uersu.

Tertia utilitas est, ut sciatur, utrum Annus sit
Bisextilis, nec ne. Sumantur igitur in septem digitis
duarum manuum, ita, quod primus Annus Cycli, sit
in radice indicis sinistrae manus. secundus in iunctura
proxima, tertius in superiori, quartus in summitate
indicis, quintus in radice maioris digiti & ita ascen=
dendo, donec compleatur Cyclus. Dico igitur,
quod in septem summitatibus sunt septem Anni Bi=
sextiles, in radicibus uero primi Anni, post Bisex=
tum, & sic deinceps.

HOC

HOC etiam scitur per tale Abecedarium re-
trogradum. G. F. E. D. C. B. A. Quoties enim in
supradictis uersibus transilitur aliqua litera istius
Abecedarij, tunc est Annus Bisextilis, & litera per-
transita, erit litera Dominicalis, per duos Menses
sicut prædictum est. Litera uero prima, syllabæ se-
quentis, ubi factus est transitus, erit litera Domini-
calis per decem Menses. Literæ itaq; Bisextiles, in
septem Annis Bisextilibus, ex quibus in toto Cyclo
una colligitur Septimana, in hoc habentur uersu.

Constans est Genitor, bona donat, fertilis autor.

CYCLVS uero SOLARIS, secundum Diony-
sium, non incipit ab eo Anno, quem nos cum Ger-
lando constituimus principium, sed a duodecimo il-
lius, ubi F. est litera Dominicalis, & unitas concur-
rens, quemadmodum in primo Anno, sed & Annus
Bisextus, cuius quidem descriptio his uersibus con-
tinetur.

Fallitur Eua dolo, cibus Adæ gaudia finit,
Et cum Botrus adhuc germinet, Eua dolet.
Christus bella gerit, finitur eo duce bellum,
Ad grauidam sit dux, cuncta beauit Aue.

Eadem enim est ars in istis, quæ in superioribus,
Sed hic per dictiones, ibi per syllabas, & habent

M 4 initium

initium à summitate indicis, per Annum Bisextilem,
discurrendo per summitates & iuncturas digito-
rum, ut prius, Et prima litera dictionis, Dominica-
lis erit, ut prius.

HOC autem artificio scire possumus, in quoto
Anno Cycli simus, quo ad eius ordinationem natu-
ralem, & usum Ecclesiæ. Addantur annis Domini
20. nam Vigeno primo CHRISTVS natus fuit An-
no, & tota summa per 28. Annos diuidatur, facta
igitur diuisione, si nihil est residuum, sumus in ulti-
mo Anno Cycli, si autem est residuum, ostendit no-
bis in quoto Anno Cycli simus. Sed si in quoto An-
no Cycli, secundum Dionysium simus, scire uolueris,
annis Domini addantur nouem.

Nam decimus Solis, Christo nato fuit Annus
Errans, in Cyclo fert ut Dionysius Abbas.

Et totum per 28. diuide, ut prius, & patebit
quæsitum.

DE QVA
TVOR TEMPORIBVS
Anni, nempe, Vere, Aestate,
Autumno & Hyeme, &
de Ieiunijs.

CVM

CVM AVTEM GENERA

lis temporis permutatio præcipue à Sole fiat, cuius appropinquatio calefacit, mora uero uicinitas deficcit, remotio quidem infrigidat, sed mora remotionis humectat, secundum eius approximationem, elongationem, uel mediocrem quo ad nos consistentiam, quatuor distinguuntur Anni tempora, scilicet, VER, AESTAS, AUTVMNVS, & HYEMS.

EST enim tempus Anni, in quacunq; quatuor quadrarum Zodiaci, puncto uel Solstitiali uel Aequinoctij inchoata, Solis peragratio. Ver autem dicitur à uireo uires, quia tunc omnia uirent & florent. Aestas dicitur ab astu, id est, feruore. Autumnus dicitur à bonorum Anni augmentatione, uel ab Autumnus, quod est idem, quod morbidum, uel tempestuosum, Est enim tempus frigidum et siccum. Hyems dicitur ab ἡμίον, quod est dimidium, Vulgus enim diuidit Annum in Hycmem & Aestatem, large appellans Hyemem Anni medietatem. Istorum quidem quatuor Anni temporum qualitatibus, quatuor mundi Regioncs, quatuor uenti Cardinales, quatuor Elementa, quatuor corporis humores, & quatuor hominis ætates, complexione conuertuntur, prout in subiecta clarescit Figura.

| | | | | |
|--------------|--------------------|---------------------|-----------------------|---------------------|
| | Calida ☿ sicca. | Calida ☿ Humida. | Frigida et Humida. | Frigida ☿ sicca. |
| Mundi regio. | Oriens. | Meridies. | Occidens. | Septentrio. |
| Venti Card. | Eurus. | Auster. | Zephyrus | Boreas. |
| Elementa. | Ignis. | Aer. | Aqua. | Terra. |
| Partes Anni. | Aestas. | Ver. | Hycms. | Autumnus. |
| 4. Humores. | Cholera. | Sanguis. | Phlegma. | Mclanchol. |
| 4. Aetates. | Iuuentus. | Adolescē. | Senium. | Senectus. |

De naturis autem reliquorum uentorum, iudicabis ex cognatione, quam habent cum Ventis cardinalibus, Cognatio autem sequentibus patet uersibus.

Euro Vulturius, Subsolanusq; sodales,
Aphricus atq; Notus Austro sunt collaterales.
Et Zephyrum, Corus, Fauonius atq; sequuntur.
Circius ac Aquilo Boream stipare feruntur.

Principia uero ☿ terminationes quatuor anni temporum, quo ad Ecclesiam in his habentur uersibus.

Ver Petro detur, Aestas exinde sequetur.
Hanc dabit Urbanus, Autumnum Symphorianus
Festum Clementis Hycmis caput est orientis.

Secun

Secundum Astronomos uero per quatuor quadras Zodiaci, ista distinguuntur tempora.

Vnde uersus.

Zodiaci caput est Aries, & Veris & Anni,
Aestatis Cancer, Autumni pendula Libra.
Incipit ex imo pluuiialis Hyems Capricorno.

Sed in quibus Mensibus, & quoto die Mensis initium habeant, sic patet.

Martius à medio Ver ducit, Iunius Aestum.
Autumnus September habet, Brumamq; Decem-
ber.

Habet autem tam Aestas quam Autumnus 91. dies, Hyems uero 92. propter diem imparitatis, ultra Septimanas in fine Decembris assignatum, Ver quidem habebit 92. dies, si Bisextus fuerit, sin autem non, 91. dies, quemadmodum Aestas & Autumnus. In praedictis autem uersibus, si non assignantur cuilibet parti tot dies, quot assignandos iam diximus, hoc ideo contingit, quoniam principia & terminationes praedictarum Anni partium; per Festa notabilia, uolunt notificari, Et circa eorum principia non sunt Festa magis notabilia, Non igitur fiat uis in hoc, si unus uel duo dies unius partis, computentur cum diebus alterius partis.

In his

In his quatuor temporibus, siue anni partibus
sunt duo Solstitia, & duo æquinoctia. Dicitur Sol=
stitium, non quia Sol aliquando stet, sed quia tunc
est in maximo accessu ad Zenith capitis nostri, uel
iterum in maximo recessu à Zenith capitis nostri.
Zenith autem punctus quidam est firmamenti, capi=
tibus nostris directe suprapositus.

Æquinoctium uero dicitur, quando dies Arti=
ficialis nocti adæquatur, In quibus igitur signis con=
tingant Solstitia, & Æquinoctia, patet in his uer=
sibus.

Hæc duo Solstitia faciunt Cancer, Capricornus.
Sed noctes equant, Aries & Libra diebus.

Est itaq; Solstitium Hyemale, circa principi=
um & introitum Solis in Capricornum, scilicet in
medio Decembris, Tunc enim Sol maxime recedit a
Zenith capitis nostri, siue a nostro habitabili. Sol=
stitium uero Aestiuale est circa principium Cancrī,
in medio Iunij, Sol enim tunc maxime accedit ad no=
strum Zenith, in nostro habitabili. Cum autem Sol
recedens a primo puncto Capricorni, uenit ad lo=
cum medium inter utrumq; Solstitium, facit æqui=
noctium circa medium Martij, in principio Arietis,
Et quoniam contingit in Vere, dicitur æquinoctium
Vernale

Vernale. Sol uero discedens a Cancro uersus Capricornum, uenit ad locum medium inter utrumq; , & tunc facit Aequinoctium, Et quia contingit in Autumno, dicitur aequinoctium Autumnale, in medio Septembris, scilicet circa introitum Solis in Libram.

DE certis quidem diebus Solstitiorum & Aequinoctiorum, dubium est apud modernos, Dixerunt enim ueteres, quod Sol intrat nouum signum 15. Calendas alicuius Mensis, Vnde uersus.

Semper quindenis ponuntur signa Calendis.

Et octauo die post, dixerunt esse Solstitium, uel aequinoctium, Vnde patet, cum Sol intret Capricornum 15. Calendas Ianuarij, & octauo die post debet esse Solstitium, crit Solstitium Hyemale, in die Natiuitatis Domini, scilicet, 8. Calendas Ianuarij. Similiter cum Sol intrat Cancrum, 15. Calendas Iulij, erit Solstitium Aestiuale in die Natiuitatis beati Ioannis Baptistæ. Similiter est & de Aequinoctijs, Quoniam cum Sol intrat Arietem 15. Calendas Aprilis, erit aequinoctium Vernale, ubi notatur Annuntiatio Domini, scilicet 8. Calendas Aprilis. Cum Sol iterum intrat Libram 15. Calendas Octobris, erit Aequinoctium Autumnale, in die Conceptionis Ioannis Baptistæ, scilicet, 8. Calendas Octobris. Sed quod

quod Solstitium Hyemale fuerit in die sexto, tempo-
re Natiuitatis Domini, ante eius ortum, Aestiuale sex-
to die ante Natiuitatem beati Ioannis Baptiste, osten-
di per hoc uidetur, quod cursui Solis, plus temporis
quam debeat, attribuitur, Vnde & retrocedunt
Solstitia & Aequinoctia, Quantum enim ad uerita-
tis sensibilitatem, Sol moratur in quolibet signorum
per 30. dies, & 10. horas, & 29. minut. & 36.
secun. licet 30. minuta minus complete una medietas
horæ unius supponantur, prout in prædictis sensibi-
liter exprimitur, Vnde una centesima & quinquæ-
gesima pars unius horæ, scilicet 24. secunda, in o-
mni superflue computantur signo, Et cum 12. sint
signa, erunt duodecies 24. secunda, ex quibus in
unum redactis, pars horæ duodecima conficitur, Sic
igitur in 12. annis, hora una integrabitur. Vnde
cum dies Naturalis ex 24. horis constet, in duode-
cies 24. annis, hoc est, in 288. annis, dies unus
Naturalis superfluere reperietur.

NUNC igitur cum in die 10. Solstitium Hye-
male Natiuitatem Domini, die Natiuitatis compu-
tato, Aestiuale beati Ioannis Baptiste, antecedit,
(quod diuersis lucefcit rationibus) & non nisi qua-
ter prædictus numerus ab annis Domini subtrahi
possit, relinquitur quod tempore Natiuitatis Do-
mini,

mini, & beati Ioannis in sexto die præcesserit Sol-
stitium, & sic nunc est in decimo. Idem etiam re-
spectu Annunciationis Dominicæ, & conceptionis
Ioannis Baptistæ de Aquinoctijs inuenitur.

Vnde uersus.

Solstitium decimo CHRISTVM præit atq;
Ioannem.

Nuncia sic matris nox æqua, diemq; Ioannis.

SOLstitiorum autem, & Aquinoctiorum retro-
cessionis error, Calendario ordini restituto, saltem
in die uitabitur. Si in postremo temporis istius An-
no. scilicet, 2 s s. Annorum, in fine Februarij dies
unus surripiatur, uel decentius diei Bisextilis præ-
termittatur appositio, qui ex diuisione Annorum Do-
mini per numerum prædictum, cum nihil remansce-
rit, percipietur. Hæc etiam eadem, Lunæ primati-
onem per plurima seculorum spacia itidem in die sta-
biliret, subtractio. Vnde & hic ex huiusmodi dici
subtractione Annus decurtationis, siue ex temporum
æquationis iucunditate Annus iubilationis appellari
meretur.

NOTANDVM etiam, quod in quolibet
quatuor Anni temporum, est quoddam ieiunium
trium dierum. Ieiunium enim celebramus in Vere,
ut sicut

ut sicut tunc omnia uirent, ita in nobis uireant uirtutum opera, uel in nobis temperetur ille humor, qui assimilatur Veri, sanguis scilicet, qui est calidus & humidus.

Ieiunamus in Aestate, ut simus feruentes in charitate, uel ut in nobis temperetur humor ille, qui assimilatur Aestati, scilicet Cholera, quæ est calida & sicca. Ieiunamus etiam in Autumno, ut in nobis proueniat fructus bonorum operum, uel ut in nobis temperetur humor ille, qui assimilatur Autumno, Melancholia scilicet, quæ est frigida & sicca. Ieiunamus etiam in Hyeme, ut sicut tunc defluunt folia ab arboribus, & moriuntur herbe prauæ, ut ita in nobis moriantur uitia et superfluitates a nobis defluant, uel ut in nobis temperetur humor ille, qui assimilatur Hyemi, scilicet Phlegma, quod est frigidum & humidum. Quibus igitur diebus & quando hæc ieiunia celebrari debeant, per hos scitur uersus.

Vult Crux, Lucia, Cineres, Charismata dia,
Vt sit in Angaria quarta sequens feria.

Quoniam etiam quorundam Apostolorum uigilia, ex primitiue Ecclesie institutione ieiunium obseruant, ad illarum retinentiam uersus isti assignantur.

Petrus

Petrus & Andreas, Paulus cum Simone Iudas,
Vt ieiunemus nos admonet, atq; Mathæus.
Sabbata ieiunes, si Solis lux tenet ipsos.

In uigilijs etiam omnium aliorum, (nisi solennis patriæ consuetudo obuiauerit) Dominus Papa ieiunare confirmauit, præterquam in uigilia Ioannis Euangelistæ, die secunda natiuitatis Domini, & uigilia Philippi & Iacobi pridie Calendas Maij, cum tunc sit tempus incunditatis et letitiæ .

Sunt etiam præter prædicta sex Festa alia in Anno canonizata, in quorum uigilijs Ecclesia ieiunium celebrat, quæ in his patent uersibus.

Nat. Domini, Pentecq; Ioan . Lau . supplico
sancto.

Horum uigilia ieiunes, Luccq; Marci .

Quoniam Aduentus Domini penes literæ Dominicalis diuersitatem in anno Solari uariatur, ad habendum certum diem Aduentus Domini sciuntur isti uersus.

Andræ festo uicinior ordine quouis

Aduentum Domini feria prima notat.

Si cadit in lucem Domini celebratur ibidem.

N Hæc

Hæc itaq; de pertinentibus ad cursum Solis
scire sufficiat computistis.

ALTERA

PARS COMPVTI. DE
DISTINCTIONE TBM
PORIS RATIONE
MOTVS LVNAE.

DE ILLVINATIONI- BVS LVNAE.

CVM EX MOTV LVNAE
quemadmodum & Solis, plures Ecclesia con-
sequatur utilitates, de eius motibus, & luminis re-
ceptione, & utilitatibus ex his consequentibus, quan-
to sensibilius poterit, existimo esse expediendum.
Vt igitur innuit Martianus, quamuis Luna sapien-
tum assertione, menstruum lumen habere ostenda-
tur, Quod tamen pleni orbis sit semper in lumine,
non est dubium. Nam in parte illa, qua se Soli obij-
cit, omni hemisphærio collustratur, Vnde cum nobis
tricesima nullum lumen ostendet, superius qua So-
lem aspicit, pleno lumine lucefcit, & cum a Sole dis-
cedens

cedens, cum à latere cœperit intueri, pro parte inferiorius lumen acquirit, donec deinceps è contrario posita, in tota parte quam terris opponit illuminetur, Circuit enim eius globum undiq; nitor Solis, & medietati quam aspicit, semper lumen indulget.

Huius ergo primi luminis effigies, cornibus circulata, $\mu\eta\nu\sigma\epsilon\iota\delta\eta\varsigma$ dicitur, scilicet cum duobus partibus, siue 6. gradibus à Sole distans, nobis apparere inceperit. Cum autem a Sole distantis 90. partibus, orbem eius radius Solaris illuminauerit, quasi septima, $\delta\iota\chi\acute{o}\tau\omicron\mu\theta$, perhibetur. Alijs etiam, 45. partibus iterum adiectis, uelut undecima, $\alpha\mu\beta\acute{\iota}\kappa\nu\sigma\tau\omicron\varsigma$ nominatur. Cum uero 180. partibus a Sole discesserit, è contrario posita in parte inferiori, nobis opposita, uniuersaliter illuminatur, tanquam quintadecima $\pi\alpha\nu\sigma\acute{\epsilon}\lambda\kappa\nu\sigma$ dicitur. Postea quidem deficiens, cum prædictis partibus nomina eodem modo recipit commemorata, prout patet in Figura.

Coniunctio dicitur etiam $\nu\epsilon\omicron\mu\eta\nu\acute{\iota}\alpha$, $\sigma\acute{\iota}\nu\omicron\delta\omicron\varsigma$, Nouilunium, Interlunium, Primatio.

Prima Luna, $\mu\eta\nu\sigma\epsilon\iota\delta\eta\varsigma$, Corniculans, falcata, nondum semiplena.

N 2 Septima,


Septima, Διχότομος ἡμίτομος, semi-
plena, dimidiata.

Vndecima, Αμείκυστος. Gibbosa,
Turgida.

Decimaquinta, πανσέληνος, Pleni-
lunium, Oppositio.

Figura

FIGVRA DE ILLVMI- NATIONE LVNAE.



N. 3 DE MEN=

DE MEN= SIBVS LVNA= RIBVS.

MENSIVM AVTEM LV=
narium quatuor sunt species. Est enim
Mensis peragratiōis, Mensis apparitiōis, Mensis
medicinalis, & Mensis consecutiōis.

PRIMVS itaq; Mensis peragratiōis scilicet,
est spaciū temporis, quo Luna circuit Zodiacum,
exiens ab uno puncto proprio motu, rediens iterum
in idem, unde ex huiusmodi in circulo signorum re=
uoluntione, Annus à pluribus nuncupatur, cuius qui=
dem punctalis perfectio, secundum sensum scire sa=
tagentibus, ex motu ipsius Lunæ diurno, commen=
surari potest. Est autem motus Lunæ diurnus 13.
gradus, 10. minuta, 34. secunda, 58. tertia, 33.
quarta, 30. quinta, & 30. in sextis. Gradus qui=
dem est, 360. pars circuli, 60. uero pars gradus
minutum, minuti, 60. secundum, & ita deinceps.
Si itaq; motus iste, tum in se, tum in suis partibus, à
toto zodiaco, in sexta redacto, quotiens poterit sub=
trahatur, exhibet Mensis peragratiōis, scilicet, 27.
dicrum,

dierum, & 7. horarum, & 43. minutorum, 7. secundorum, 15. tertiorum, 36. quartorum, & 55. quintorum. Erit ergo mora Luna sub quolibet signo duorum dierum, 6. horarum, 29. minutorum, frequens tamen uniuersorum usus, cum minimum desit, 40. id est, bessem horæ complete supponit, Vnde Mensis peragratiōis ex 27. diebus, & 8. horis, hac constabit suppositione.

Vnde uersus.

Percurrit Cyclum uiginti Luna diebus.
Septenisq; suum, bis quatuor insuper horis.

Luna quidem cum præsit noctibus, dies computationis eius a Solis occasu incipere debet, nobis è contrario diem Solis ortu discernentibus.

SECUNDVS uero Mensis dicitur, Apparitiōnis, constans ex 28. diebus, per 4. hebdomadas uulgariter distributis, Quarum prima est à principio apparitiōis Luna, usq; in diem septimum, & ita deinceps, Vnde quarta hebdomada in 28. die terminatur. Horæ enim combustæ, scilicet, dum Luna sub radijs Solaribus moratur, non computantur. Cuius immutatiōis diuersitatem quo ad nos, corporum fluidorum, sicut medullarum, & cerebellorum natura, & præcipue motus maris imitatur.

Vnde uersus.

N 4 Hebdo=

Hebdomada prima collabitur æquoris unda.
Æstuat unda maris tanquam feruore secunda,
Tertia cogit aquas minui, uelut igne reducto,
Vltima fundit eas ex ære littore toto.

Et Lucanus .

Luna suis uicibus Thetyn terrenaq; miscet.

Cum enim Luna meridianum teneat in Austro,
siue punctum oppositum, in angusto terræ mare
plenum est. Cum uero in Oriente uel occidente te-
neat horizontem, complete retractum est.

Secundum Medicos quidem Mensis iste, suppo-
nitur 26. dierum, & dimidij, Galeno perhibente.
Vnde Mensis medicinalis, in utriusq; istorum Men-
sium medio æqualiter consistens efficitur scilicet 27.
dierum, duabus horis exceptis, & in 4. partitur
Septimanas, diuidendo eum per minutas,

Quartus quidem Mensis Consecutionis dici-
tur, & est spaciū temporis, quo Luna accensa à
Sole, peragrat circulum suum rediens ad punctum,
ubi accensa fuit, sed cum ibi Solem non inueniat,
quoniam Sol interim ferè pertransiuit unum signū,
ipsa attingit Solem spacio 2. dierum, & 4. hora-
rum,

rum, 44. minutorum, trium secundorum, 16. tertiorum, & erit iterum in coniunctione cum Sole. Deinde denuo procedens, rursus nasci ac renouari dicitur, Vnde Mensis iste continet 29. dies, & dimidium cum minutorum fractionibus, sicut patet per Alfraganum, in .1. Differentia, & Ptolemaeum in dictione quarta Almagesti, & ex motibus Solis & Lune diurnis. Si enim supponatur Sol & Luna in eodem puncto, & sumantur motus utriusq; in tempore commemorato, inuenietur Sol pertransisse circiter signū unum. Et Luna totum Zodiacum, & circiter signum unum. Erunt igitur iterum in coniunctione, Vnde iste appellatur Mensis consecutionis, Cuius quatuor à Philosophis distinguuntur etates, quarum primam, calidam & humidam, secundam, calidam & siccam, tertiam, frigidam & siccam, quartam, frigidam & humidam esse asserunt.

Sic igitur patet, quod quaelibet Lunatio naturaliter est 29. dierum, & dimidij, cum praedictis minutorum fractionibus. Sed cum Ecclesia nec Menses nec Annos, secundum numerum dierum incompleteum computet, semper omittis minutis ad Embolismorum restorationem, transfert dimidium diem unius Lunationis, ad dimidium diem alterius Lunationis, computans unam Lunationem 30. die-

rum, aliam 29. dierum. Hoc tamen impeditur quandoq; per Bisextum, quandoq; per Embolismum, & per saltum Luna, & cum una Lunatio secundum Ecclesie computationem sit 30. dierum, alia 29. Lunatio parium dierum attribuitur Mense impari, & e conuerso.

Vnde uersus.

Impar Luna pari par fiet in impari Mense.

Si autem queratur, quare sic? Sciendum, quod secundum primam Mensium à Iulio institutionem, Mensis in impari loco positus, semper fuit plurium dierum, & ratio exigit, ut Mensis in numero dierum maiori maior attribuaturn Lunatio, Vnde sic adhuc adoleuit usus. Item Lunatio dicitur semper illius Mensis in quo terminatur.

Vnde uersus.

In quo completur Mense Lunatio detur.

Si autem duæ Luationes terminentur in uno Mense, altera illarum erit irregularis, scilicet, Embolismalis, id est, hoc fiet mediante Embolismo. Qualiter autem Bisextus impediatur Lunationis alterationem, sic patet.

Regula enim est, quod semper in anno Bisextili Lunatio Februarij est 30. dierum, in alijs uero annis 29. dierum,

29. dierum, & hoc propter diem unum excrefcen-
tem per Bifextum. Vnde in anno Bifextili Lunatio-
nes tres, erunt continuo triginta dierum, fcilicet Ia-
nuarij, Februarij, & Martij.

NOTANDVM etiam, quod quoties Lunatio
Martij incipit ante locum Bifexti, & fit annus Bifex-
tilis, uidetur duplex inconueniens contingere, fcili-
cet, quod Lunatio Martij fit 31. dierum, quod eft in-
auditum, & Lunatio Februarij, 29. dierum tantum,
quod eft contra Regulam iam dictam, Ad hoc autem
foluendum nota, quod ubi Lunatio, fcilicet Martij,
debet pronunciari prima, in tali loco Lunatio Fe-
bruarij pronunciabitur, 30. & ita numerus, defi-
gnans primationem Lunationis, intelligatur poni in
fequenti loco.

HOC etiam notatur in quibusdam Calenda-
rijs, per quendam numerum extra fcriptum, a ter-
tio Nonarum Februarij, ufq; ad locum Bifexti, ita
quod, 19. ponantur extra, contra pridie Nonas, 8.
uero contra Nonas, & fic defcendendo ufq; ad lo-
cum Bifexti, Ifud idem fimiliter notatur qui-

busdam lineis oblique protractis ab

ijfdem locis ufq; ad

Bifextum.

DE *etate*

DE ÆTATE LUNÆ INVENIENDA, & Cyclo De cennouennali,

AD HABENDAM AV-
tem ætatem Lunæ singulis
Annis, hoc est, tempus acceſſionis eius à Sole, Primo
inueniebantur Tabule à Romanis, Deinde Chaldaei
aureum numerum inuenerunt, & Romani miſe-
runt. Romani igitur numerum illum, propter eius
facilitatem & utilitatem, in Calendarijs Aureis lite-
ris ſcripſerunt, unde adhuc Aureus appellatur nu-
merus. In primo igitur anno Cycli Decennouenna-
lis, per totum Annum primationes Lunæ, per uni-
tatem notantur, in ſecundo per 2. & ita deinceps.
Transiens igitur à Decembri in Ianuarium, tranſibit
ab unitate in 2. ponendo binarium ſuper E. literam,
pridie Idus Ianuarij. Similiter uariabitur ordo in
cæteris Annis, Vnde cum Cyclus iſte contineat 19.
Annos, inter numeros prædictos, 19. maximus erit.

Ponitur ergo in prima die Ianuarij 3. quoniam
ita con-

ita contingit in tertio Anno istius Cycli, quod in primo die Ianuarij semper Luna fuerit prima, licet aliter modo contingat. Ab isto itaq; numero formantur alij numeri sequentes, per additionem s. ita tamen quod si excreseat maior numerus, quam 19. reiectis 19. residuum sumatur, hoc ideo fit, quoniam primationem cuiuslibet Anni sequitur immediate primatio Anni octauo post, & si aliquid deletur, in loco proximo scribatur, si uero nihil, unus punctus uacuuus relinquatur.

In Aureo autem numero ferè per totum Calendarium minor sequitur maiorem numerum immediate, uel maior minorem mediate. Istud tamen habet instantiam in 12. locis in Calendario, ita quod in 6. locis iuxta principia 6. Mensium, pari numero signatorum, ut secundo, quarto &c. reliquæ 6. instantiæ sunt iuxta fines sex Mensium continue sumptorum, habito initio a Iulio, quod totum in his continetur uersibus.

Aureus hac arte numerus formatur aperte,
Prima dies Iani, quæ ianua dicitur Anni,
Ternarium retinet, ne posterius ordo uacillet,
Per præcedentem numerum dant octo sequentem.

Si decimum

Si decimum nonum superabis sic numerando,
Tolle decem, pariterq; nouem, reliquum retinendo.

Maiori numero debetur tertius ordo,
Si minor assequitur, maiori continuatur.
Per bisseña loca non est hæc Regula firma,
Tres Februi, quarto nonarum continuato,
Quatuor apponas sub Aprilis pridie nonas.
Tot Iunius laterat, ubi nonis quatuor aptat,
Augusti capiti tres debes continuare,
Quatuor Octobris lateratim pone Calendis,
In quartis nonis Duodeni deniq; Mensis.
Linea tredecimum tenet una, simulq; secundum,
Excipe sex Menses, Iunium prius atq; sequentes,
His quamuis crescat undenis summa propinquat,
Octo minor numerus sequitur, nec continuatur.
Tali quippe modo describitur Aureus ordo.

Est autem Cyclus Decennouennalis, 39. annorum Solarium reuolutio, in qua omnis Lunæ primationis diuersitas, ad pristinam reuertitur positio-
nem, Secundum quem procedimus, primationes Lunationum assignando, Et cui deseruit Aureus numerus. Romani autem, quendam alium inuenerunt Cyclum, qui Lunaris dicebatur, penes quem Lunæ accessio

inceptionis diem & horam assignauerunt, huic sci-
licet consimilem, in ordine tamen inceptionis diffe-
rentem. Incipit enim in Calendis Ianuarij, tertio ui-
delicet anno Cycli Decennouennalis, uel secundum
alios quarto, qui in nomine tantum ab illis discre-
pant. Illum enim quartum, quem alij tertium uo-
cant, considerantes, annum Cycli Decennouennalis,
secundum Lunationem Paschalem incipere, Vt cum
primus & secundus sint communes, Tertius uero
Embolismalis, de necessitate oportet primum dicere,
quando primatio Paschalis per 19. notatur pridie
nonas Aprilis, ab ista enim primatione usq; ad illam,
que per unitatem currit, est annus communis, &
ita deinceps.

Posita igitur unitate in Calendis Ianuarij, de-
inde facta formatione ad modum Aurei numeri,
per additionem octo, formari habet uterq; Cyclus.
Itaq; a Ianuario incipit, Nos autem magis Chaldaeos
& Eusebium Episcopum imitamur, qui a Lunatio-
ne Paschali, ut dictum est, incipit. Si autem scire
uolueris, in quoto anno Cycli Decennouennalis si-
mus, annis Domini ab eius Natiuitate inceptis, adde
unitatem, & totum diuide per 19. & si nihil fue-
rit residuum, sumus in ultimo, Si uero aliquid
residuum fuerit, ostendit nobis, in quoto an-
no Cycli simus, sed si in quoto anno Cycli lunaris
simus

finis scire uolueris, ab annis Domini subtrahere 2.
uel adde 17. & diuide ut prius.

Ne uulgarem incurramus dubitationem, cau-
sam ignorantes, cum realiter Luna fuerit quarta se-
cundum Ecclesiam, quare prima pronuncietur, Sci-
endum, quod Ecclesia supponit spacium 39. anno-
rum Solarium, & Cyclum Decennouennalem peni-
tus coequari, scilicet, in 39. annis Solaribus secun-
dum Ptolemaeum in tertia dictione Almagesti, sunt
6939. dies. & 15. horae, licet nimis prodige fiat
computatio.

In Cyclo uero Decennouennali, sicut ab eodem
in quarta dictione eiusdem habemus, sunt totidem
dies, & 16. horae, & scire 2. tertiae horae unius.
Vnde in quolibet Cyclo, secundum istam suppositio-
nem, recedit media coniunctio, siue primatio a no-
stra computatione, per unam horam, & tertiam
horae unius. Sed Gamaliel secundum Iudaeos, qui
Pauli Apostoli erat Magister, secundum uero nos
Eusebius Caesariensis Episcopus, & Hieronymus in
initio Cycli illius, in quo Dominus incarnatus fuit,
considerauerunt Lunam fuisse primam, 10. Calen-
das Aprilis, & quod ad idem redit, 10. Calendas
Februarij, unde ibi unitas pro Aureo numero poni-
tur.

Sed ab

Sed ab incarnatione Domini elapsi sunt, 1232.
 anni, a quo numero si Cyclus decennouennalis quo-
 ties poterit, subtrahatur, patebit quod in 65. horis,
 & totidem tertijs, a ueritate nunc extenditur no-
 stra computatio, quibus in dies reductis, habemus 3.
 dies, & 14. horas, Vnde per tres dies & dimidi-
 um, recessit media coniunctio a loco primæ imposi-
 tionis. Nunc igitur Luna dicitur prima, ubi deberet
 dici tertia, uel potius quarta, ut Aureus numerus
 totaliter per 3. dies anticipetur, & unitas, quæ no-
 tatur super B. 10. Calendas Februarij, scribatur
 super F. 13. Calendas eiusdem, & sic de alijs omni-
 bus, eodem ordine, qui nunc est, obseruato. Sed quia
 in Concilio generali aliquid de Calendario transmu-
 tare prohibitum est, oportet modernos adhuc su-
 stinere huiusmodi errores.

DE ANNIS

LUNARIBVS, ET PRI- MO DE ANNO COMMVNI.

ANNORum autem Lunarium,
 duo sunt genera, Alius enim est Communis,
 & alius Embolismalis.

○ Communis

Communis autem est sp̄acium 12. lunationum,
in anno Solari uicissim trascuntium, Et dicitur com=
munis, quoniam 12. habet lunationes, siue Menses
Lunares, Sicut annus Solaris, 12. habet Menses So=
lares, uel quia duo anni communes ferè semper simul
eueniunt, sicut patebit in assignatione Embolismo=
rum. Habet autem iste annus, 354. dies, & quin=
tam & sextam unius diei, ut a Ptolcmæo & Alfra=
gano perhibetur. Quod etiam ostendi poterit, cum
habeat 6. lunationes, 30. dierum, & alias sex 29.
dierum, cum minutorum computatione, Vnde patet,
quod annus Solaris excedit hunc annum communem
in undecim diebus, om̄ssis minutijs. Si igitur illi duo
anni simul incipiant, prius terminabitur annus iste
communis, per undecim dies, quam annus Solaris,
sicut patet, quando sumus in tertio anno Cycli De=
cennouennalis.

Quare si Luna fuerit prima in Calendis Ianu=
arij, eodem die anno reuoluto, erit duodecima, pro=
pter excrementum illorum undecim dierum. Consi=
milis erit uariatio in Calendis cuiuslibet Mensis, &
in singulis diebus anni, Vnde propter hoc rectifican=
dum, inuenerunt Computistæ duos numeros, scili=
cet, Epactam, & Regularem lunarem, per quorum
coniunctionem adinuicem, patebit ætas Lune in Ca=
lendis

lendis Mensium. Ad habendum autem cuius ætatis sit Luna, in singulis diebus anni, ex isto excessu undecim dierum de ætate Lune, respectu temporis præteriti, & futuri, duæ dantur Regulae.

Si ergo supponatur hodie alicuius certæ ætatis, & uelis scire in anno futuro, hoc eodem die, quotæ ætatis erit, ætati Lune, quam modo habet, adde 11. & tantæ ætatis erit Luna in anno futuro, eodem die. Illi iterum ætati Lune, adde 11. & habebis eius ætatem in anno tertio eodem die, & sic in infinitum, Hoc tamen prænotato, quod si excreceret maior numerus quam 30. reiectis 30. residuum pro ætate Lune ponatur.

Si autem scire uelis, cuius ætatis fuerit Luna, hoc eodem die, in anno præterito, tertio uel quarto, ætati Lune, quam modo habet, adde 19. & habebis ætatem eius in anno præterito, & sic deinceps. Hoc etiam ut prius notato, quod si excreseat maior numerus, quam 30. reiectis 30. residuum pro ætate Lune ponatur. Vnde uersus.

Quinq; dies & sex, ponas pro luce futura.

Et pro præterita, quinq; bis atq; nouem.

Licet in uno die quandoq; fallat, quod uniuersalius est, pro Regula instituitur.

DE ANNO EMBOLISMALI.

ANNVS AVTEM EMBOLISMALIS est spacium 33. lunationum, constans ex 384. diebus. Vnde excedit lunarem communem in 30. diebus, annum uero Solarem in 39. diebus, Et dicitur Embolismalis ab Embolismo, sicut Bisextus a Bisexto. Quare uidendum est, quid sit Embolismus, & unde oriatur, & ubi in Calendario interponatur.

EST autem Embolismus lunatio 30. dierum nulli Mensi attributa, non enim alicuius Mensis lunatio principalis dici meretur, Cum ex reliquis aliarum mendicando perficiatur. Dicitur autem Embolismus ab ἐμβολος, quod est, excrementum, Sunt enim in Cyclo Decennouennali, 235. lunationes, sed tantum, 228. Menses Solares. Vnde si singulis Mensibus singulae attribuantur Lunationes, supererunt septem irregulares, quæ Embolismi dicuntur, ad quorum completionem, ut quilibet secundum sui proprietatem sit 30. dierum, lunationum totius Cycli necessaria est aggregatio fractionum. In Cyclo igitur Decennouennali, lunationes sunt, 235. quod sic patet. In 12. annis communibus, sunt 144. lunationes,

Εμβολος
λίσμος
intercalatio.
Εμβολισμός, in
tercalaris,
inestitius.
ab Εμβόλω
λω. inijcio, in scro.

siones. In 7. Embolismalibus, sunt 91. lunationes, quæ superioribus additæ, faciunt 235. lunationes, de quarum qualibet ad præsens omittantur 44. minuta, 3. secunda, & 36. tertia, & de numero illarum lunationum excipiantur septem, ad opus 7. Embolismorum, & reseruentur illisæ.

De residuis autem scilicet, 228. fac semper unam, 30. dierum, & aliam 29. dierum, nisi quod in anno Bisextili lunatio Februarij semper erit 30. dierum, quantoq; parcius fiat computatio in Cyclo, sunt quatuor Bisexti, Ad completionem igitur quatuor lunationum Februarij, in quatuor annis Bisextilibus Cycli, oportet mendicare quatuor dies integros, Similiter & ad 7. Embolismos perficiendos, exiguntur septem dimidij dies. Resume igitur singularum lunationum totius Cycli Decennouennalis fractiones, & multiplicentur per summam lunationum, & habebis 7. dies & 5. horas.

Dentur igitur quatuor dies ex his integri 4. lunationibus Febrarij, in quatuor annis Bisextilibus, & de tribus residuis, perfice sex Embolismos, ut sit quilibet 30. dierum, Vnde non relinquitur, quod detur septimo Embolismo, ad sui completionem, nisi quinq; horæ, Sed cum ad similitudinem aliorum debeat esse, 30. dierum, à lunatione Iulij in ultimo anno Cycli Decennouennalis, quantum ei sufficit mutatur,

tuetur, scilicet 7. horas, computatur tamen lunatio
Ianuarij 29. dierum, Vnde iste dies quo ad maiorem
sui partem, sic subtractus a lunatione Iulij, dicitur
saltus Lunæ, de quo patebit inferius.

Quotus autem annus Cycli Decennouennalis,
secundum Lunæ primationis anticipationem, apud
Chaldaeos & Eusebium, sit Embolismalis, patet per
hunc uersum.

Christus factus homo, leuat omnia reddita throno.

In hoc uersu sunt septem dictiones, septem
Embolismis deseruientes, Prima primo, & sic deinceps.
Vide igitur quota sit litera primæ dictionis in
Alphabeto, & in tali anno Cycli Decennouennalis
interponitur Embolismus, cui deseruit illa dictio.
Idem etiam facilius scitur per hos uersus.

Tertius & sextus, octauus & undecimalis.

Et quartus dccimus, deca septimus, et decanonus.

Ad sciendum etiam quoto Mense & quoto die
eiusdem Mensis interponi debeat Embolismus, scia-
tur iste uersus.

Mobilis ibo cifris ace liber habe coæuum.

Mensis

| | | | | | | | |
|------|----|---|---|---|----|---|---|
| Mens | 12 | 9 | 3 | 1 | 11 | 8 | 3 |
| sis. | M | I | C | A | L | H | C |
| Die | 2 | 2 | 6 | 3 | 2 | 2 | 5 |
| es. | B | B | F | C | B | B | E |

In hoc uersu sunt septem dictiones, 7. Embolismis seruientes, Prima, primo, & sic deinceps. Vide itaq; quota sit litera prima alicuius dictionis in Alphabeto, & in tali Mense interponitur Embolismus, cuius dictionem sumpsisti, uide etiam quota sit in Alphabeto litera prima, secundæ syllabæ eiusdem dictionis in Alphabeto, Et in tali die eiusdem Mensis, est sedes Embolismi.

Notandum autem, quod multiplex error contingit in Calendario per Embolismum, quoniam error uicissitudinis, error terminationis, error uariationis, & error Epactarum. Error uicissitudinis, quoniam simul sunt plures luationes, 30. dierum. Error terminationis est, quando luationes terminantur extra suos Menses. Error uariationis est, quando Mensis positus impari loco imparem habet luationem, uelè conuerso. Error Epactarum eo fit, cum mentiuntur Epacta & Regularis.

PRIMVS igitur Embolismus incipit secundo die Decembris, & terminatur ultimo die eiusdem & contingit error uicissitudinis. Lunatio enim

Embolismalis, & lunatio Ianuarij, simul sunt, 30. dierum, Et si Bisextus fuerit, 4. lunationes erunt simul 30. dierum, scilicet lunatio Embolismalis, Ianuarij, Februarij, & Martij. Embolismus iste assignatur in tertio anno Cycli decennouennalis, quemadmodum secundum inceptionem lunationis Aprilis, prædictum est.

Secundus Embolismus incipit secundo die Septembris, & terminatur die prima Octobris, & contingit error uicissitudinis, quoniam lunatio Septembris, & Embolismalis, simul sunt 30 dierum, & assignatur in sexto anno Cycli decennouennalis, eadem die, qua prius, ratione repetita.

Tertius Embolismus incipit sexto die Martij, & terminatur quarto die Aprilis, & contingit error uicissitudinis, quia lunatio Martij & Embolismalis, simul sunt 30. dierum, Et si Bisextus fuerit 4. scilicet Ianuarij, Februarij, Martij & Embolismalis, simul erunt triginta dierum.

Contingit etiam error terminationis, quando lunatio Aprilis terminatur 3. die Maij, Lunatio Maij, secunda die Iunij. Lunatio Iunij, prima die Iulij, Eo etiam anno mentiuntur Epacta, & regularis in principio scilicet Maij, & Iunij, Vt inferius patebit.

Quartus

Quartus Embolismus incipit tertio die Ianuarij, & terminatur prima die Februarij, & contingit error uicissitudinis. Lunatio enim Ianuarij & Embolismalis simul sunt 30 dierum, & si Bisextus fuerit 4. scilicet lunatio Ianuarij, Embolismalis, Februarij & Martij. Contingit etiam error terminationis, quia lunatio Februarij terminatur secunda die Martij. Lunatio Martij, prima die Aprilis. Preterea tunc mentiuntur Epacta & Regulares in principio Martij, nisi sit Bisextus.

Quintus Embolismus incipit secundo die Nouembris, & terminatur prima die Decembris, & contingit error uicissitudinis, quia lunatio Nouembris & Embolismus simul sunt 30. dierum. Et notandum, quod Embolismus iste est causa, quare in secunda die Decembris in una linea ponantur duo numeri, scilicet, 13. & 2. Si enim 13, poncretur in primo die, duplex contingeret inconueniens, scilicet, quod Embolismus præcedens tantum esset 29. dierum, & lunatio Decembris 30. dierum, cuius contrarium semper contingit. Embolismus autem iste intercipitur in decimoquarto Cycli Decennouennalis anno, ratione prædicta.

Sextus Embolismus incipit secunda die Augusti,
O 5 sti, &

sti, & terminatur ultima die eiusdem, & contingit error uicissitudinis, quoniam lunatio Embolismalis & Septembris, simul sunt, 30. dierum, Est autem Embolismus iste in 17. anno Cycli Decennouennalis, prout patet in præcedentibus.

Septimus Embolismus incipit 5. die Martij, & terminatur tertia die, scilicet Aprilis, & contingit error uicissitudinis, Lunatio enim Martij & Embolismi, sunt simul 30. dierum, & si Bisextus fuerit, 4. lunationes simul cuenient 30. dierum, scilicet Ianuarij, Februarij, Martij, & Embolismi. Contin- git etiam error terminatiōis, quoniam lunatio Apri- lis terminatur 2. die Maij, & lunatio Maij prima die Iunij. Mentuntur etiam Epacta & Regularis in principio Maij, & Augusti. Iste Embolismus in- tercipitur in 19. anno Cycli Decennouennalis, prout patet in præcedentibus. Intercalentur itaq; in locis prædictis Calendarij septem Embolismi, ut alijs, quanto minus poterit derogetur lunationibus. Si enim alibi ponerentur plures, mentirentur Epactæ & Regularis, & plures contingerent errores. Sed de malis duobus minus malum est eligendum, dum alterum urget. Vnde uersus.

Si tibi concurrant duo turpia, dilige neutrum,
Sed quod turpe minus, delige, Beda docet.

DE ætate

DE ÆTA- TE LVNÆ ALITER INVENIENDA.

AD habendum autem artificiali-
ter, & sine inspectione Calendarij, quot
ætatis sit Luna in Calendis Mensium, & per conse-
quens, in quolibet die anni, inuenti sunt duo numeri,
Epacta scilicet, & Regularis lunaris.

Est igitur Epacta numerus, 30. non excedens,
proueniens ex superabundantia anni Solaris, ad an-
num Lunarem communem. Triginta non excedens
dicitur, quia cum officium Epactæ sit ostendere æta-
tem Lunæ, nulla autem ætas Lunæ est maior quam
30. dierum, nec Epacta maior debet esse. Proueni-
ens ex superabundantia &c. dicitur, quoniam Epac-
ta prouenit, ex cremento dierum, in quibus annus
Solaris excedit annum Lunarem communem.

PRIMVS igitur annus Cycli Decemnouenna-
lis Epactam non habet, cum non precedat annus,
ex cuius inæqualitate Epactam haberet, uel hac ra-
tione, cum ultimus annus Cycli sit quasi proximus
ante primum, & ille habeat 15. pro Epacta, &
in eodem anno excrefant, 13. dies ex annorum in-
æqualitate

æqualitate adinuicem, & unus ex saltu, erunt in
uniuerso 30. Sed triginta sunt quasi nulla Epacta,
quia 30. adiuncta cum regulari debent deleri, ad
ostendendum ætatem Lunæ. Secundus autem 11.
habet pro Epacta. Tertius 22. Quartus 3. Quia
abijciuntur 30. & ita formetur Epacta deinceps,
per additionem 11. Idem scitur per hos uersus.

**Que tenet undenas Aprilis Luna Calendas,
Epactæ numerum monstrat per quemlibet an=
num.**

Vide quota sit Luna undecimo Calendas Apri=
lis, & talis numerus crit Epacta illius anni, Sed si
ex abrupto alicuius anni quærat Epacta, per hunc
inuenietur uersum.

Demc unum, post adde nouem, post undeuginti,

Ponatur enim primus annus Cycli Decenno=
uennalis, in radice Pollicis, secundus in media iun=
ctura, Tertius in summitate, Quartus iterum in ra=
dice, & ita circulariter computes annos Cycli, do=
nec occurrat annus, de quo quæritur Epacta. Et si
sistat in radice, subtrahatur unitas. Si in media iun=
ctura, adde 9. Si in summitate, adde 19. & habebi=
tur Epacta

tur, Epacta anni quasiti. Dicitur autem Epacta ab
ἔπακτος, quod est supra, & ducta propter illud excre-
mentum, 11. dicrum superius dictum. Vel ab ἐπι-
quod est supra, & adiecta, ipsa enim super adiecta
regulari in Calendis mensium, etatem Lunæ osten-
dit.

Epacta,
ab ἐπακ-
τος, quod
est interca-
lare, seu
addere.

REGVLARIS Lunaris est numerus 30. non
excedens, qui adiunctus cum Epacta, etatem Lunæ
in Calendis Mensium manifestat, triginta non exce-
dens, expone ut prius de Epacta, Sed istud mem-
brum, qui adiunctus &c. ostendit tam officium
Epactæ, quam Regularis.

Origo autem Regularium est, ex 5. diebus re-
manentibus ultra dies anni, singulis Mensibus per
30. distributos, Vnde September 5. habet pro Re-
gulari, uel quoniam quilibet Mensis tot habet pro
Regulari, quota Luna fuit in Calendis eius in prin-
cipio compositionis Calendarij, & semper habebit.
Vnde ad hoc sciendum, supponatur quod simus in
primo anno Cycli Decennouennalis, & patet pro-
positum in Februario, & in 6. Mensibus ipsum se-
quentibus. In primo enim anno Cycli Decennouen-
nalis est Aureus numerus unitas, decimo die ante
Calendas Februarij, & sic Luna est decima in Ca-
lendis eius, Vnde 10. habet pro Regulari, Similiter
considera

considera unitatem Aureum numerum ante Calen-
das aliorum sex Mensium sequentium, & patebit
Regularis. Sed de Septembri, & quatuor Mensibus
illum sequentibus, supponatur 19. annus Cycli De-
cennouennalis, quia ille fuit quasi proximus ante
primum, & secundum hoc September habet 5. pro
Regulari.

Si uelis igitur alios Regulares formare artifi-
cialiter, uno supposito, sume numerum dierum Se-
ptembris, & adde Regularem, & a totali numero
subtrahatur lunatio eiusdem Mensis, & residuum
erit Regularis Mensis sequentis, & ita deinceps.

Vnde uersus.

Quinq; Sep. Oc. dantur, No. De. Septem, ter-
tria Ia. Mar.

Feb. A. decem sumant, post unum cuilibet addas.

Habitis igitur Epacta & Regulari, si scire ue-
lis etatem Lune in Calendis alicuius Mensis, iungan-
tur simul Epacta anni, & Regularis Mensis illius,
& si ex illa coniunctione resultent, 30. uel minor
numerus, talis etatis erit Luna in Calendis mensis il-
lius, cuius Regularem sumpsisti, Si maior, reijce 30.
& residuum ostendet etatem Lune.

Vnde uersus.

Dant

Dant Lunam Mensis Epacta cum Regulari,
Plus retinens, cum plus fuerit, triginta relin-
ques.

Ad etatem etiam Lunæ in Calendis Mensium ha-
bitam, addatur numerus dierum Mensis præterito-
rum, uno die subtracto, ne bis primus computetur,
Et in die præsentis ætas Luna habebitur. Sed si sum-
mam lunationis Mensis excesserit, residuo retento,
ipsa abijciatur. Si autem qua hora Luna à Sole ac-
cendatur scire uolueris, annum quotus fuerit Cycli
lunaris, per 4. multiplica, Et his dies anni præteri-
tos, a Calendis Ianuarij, usq; ad diem de quo quæri-
tur, aggrega, quibus in unum redactis, per quinq;
diuide, Et scies ea hora Lunam accendi, cui 5. de-
fuerit, Et in toto ipsius horæ puncto, quot cuius
cæterarum superfuerint horarum.

Si uero numeri aggregatio 60. excesserit, re-
ictis 60. de residuo fac ut prius, quod si nihil su-
perfuerit, in ultimo puncto horæ 12. Luna accendi-
tur. Si igitur istorum asserit sententia, Lunam sem-
per quo ad nos in nostro accendi hemispherio, quod
etiam autoritate Ptolemæi in Atarbe primo dicentis
confirmatur. Luna quidem occidentem de iure
uendicat, cum à Solis conuentu discedens, ibidem
semper nouam lucem representet, Et primus eius
incipiat ascensus.

Luna

Luna autem singulis diebus in cremento 4. punctis remouetur à Sole, in decremento Soli ad-
mouetur. Vnde si scire uolueris, in quo signo sit
Luna, & quantum a Sole distans, etatem eius per
4. multiplica, & per 10. partire, & quot fuerint
denarij, per tot signa distat a Sole Luna, & quot re-
manserint unitates, per tot puncta in signo subse-
quenti pertransiuit, Signum autem intelligo signi
quantitatem, Vt si Luna coierit cum Sole in 5. gra-
du Arietis, eadem cum fuerit quinta, erit in decimo
gradu Geminorum, Luna enim 13. partes peragen-
te, Sol unam complet. Vt omisus utrobiq; minutijs,
sensibile pro exemplo ponatur

Si uero per quot horas Luna de nocte luceat
scire uolueris, cum in cremento fuerit, etatem eius
per quatuor multiplicabis (in decremento residuum
etatis eius, quanto minus fuerit a triginta) & per
quinq; partire, quot igitur fuerint quinarij, per tot
horas lucebit, & quot unitates, per tot puncta,
Vnumquodq; enim signū 10. habet puncta, hoc est,
horas duas, ut quinq; puncta horam unam constitu-
ant, in lunari computatione, & punctus quilibet 3.
continet signi gradus.

Incipiunt autem Epacta & Regularis lunaris
a Septembri

a Septembri, & Epacta est numerus uariabilis, Regularis uero numerus inuariabilis. Si autem uelis scire in quoto anno Cycli Epactarum simus, utendum est eodem artificio, quo utebamur ad sciendum in quoto anno Cycli Decennouennalis essemus, addendo annis Domini unitatem &c. Iste enim Cyclus non differt, ab illo, nisi quod prius incipit spacio, 4. Mensium, scilicet a Septembri, ille uero a Ianuario,

Mentiuntur autem Epacta & Regularis lunaris in toto Cyclo Decennouennali quinquies, quoniam bis in octauo anno.

Vnde uersus.

Fallitur octauo cum Maio Iulius anno.

Dicunt enim Epacta & Regularis in octauo anno Lunam esse 28. dierum in Calendis Maij, cum tamen re uera sit, 27. dierum, dicunt etiam in eodem anno Lunam esse 30. in Calendis Iulij, cum sit 29. dierum, Et semel iterum in undecimo.

Vnde uersus.

Ni sit Bisextus fallit Martem deca primus.

Dicunt enim Epacta & Regularis in undecimo anno Cycli Lunam esse 29. dierum in Calendis Martij, cum sit 28. dierum tantum, Sed si Bisextus fuerit

fuerit 2. dies computantur super sexto Calendæ
Martij, Vnde tunc non fallit bis etiam in ultimo.

Vnde uersus.

Vltimus Augustum fallit, fallit quoq; Maium.

Dicunt enim Epacta & Regularis in ultimo
anno Cycli, quod in Calendis Maij Luna sit, 29. di-
erum, cum reuera sit 28. dierum, & dicunt etiam
in eodem anno Lunam esse, 2. dierum in Calendis
Augusti, cum in ueritate sit, 3. dierum, quod pro-
pter saltum Lunæ contingit, quoniam Lunatio Au-
gusti prius incipit uno die, quam deberet, si non
esset saltus Lunæ.

Est autem saltus Lunæ, subtractio unius diei à
lunatione Iulij in ultimo anno Cycli Decennouen-
nalis, & nisi fuerit talis subtractio, post unum Cy-
clum peractum, Luna diceretur prima, quando esset
secunda. Similiter post 15. Cyclos peractos, Luna
diceretur prima, quando esset 15. Ecclesia enim
supponit 19. annos Solares ex toto adequari toti-
dem Lunaribus, Sunt autem in 19. annis Solaribus,
6939. dies, & 18. horæ, hæc autem quantitas, se-
cundum Ecclesiam, est eadem in totidem Lunaribus.
Sed Ecclesia Menses & annos & Cyclum secundum
dies integros computans, non expectat terminatio-
nem, 18. horarum in fine Cycli, Imo semper in se-
quentis

quentis diei principio, Cyclum inchoantis, computatur Luna prima, 10. Calendas Februarij, cum tamen in rei ueritate, , deberemus expectare finem 13. horarum, antequam pronunciaretur Luna prima, Vnde hæc ætatis Lunæ anticipatio, quæ ex re nomen habet, dicitur saltus Lunæ.

Sed ne uideamur ex tanto saltu singulis Cyclis inconueniens incurrere, ut Luna 25. prima dicatur attende quam subtiliter in 4. Cyclis omnia ad concordiam reducuntur, Sunt igitur in quolibet Cyclo secundum ueritatem 5. Bisexti, præterquam in illo, cuius quartus annus est Bisextilis. Sed de 4. cuiuslibet Cycli in capitulo Embolismorum satis factum est. Vnde de quinto in tribus Cyclis restat assignatio.

Cyclus igitur, cuius quartus annus est Bisextilis, differendi causa primus uocetur, & esto, quod in principio illius Cycli fuerit Luna prima, quo completo, in sequentibus diei principio, ut dictum est, Luna prima computatur, cum tamen deberemus, expectare 13. horarum finem. Vnde quo ad motus intensiorem saltum facimus, quasi Luna motum suum intenderet saltando. Fingimus enim eam cum Sole coniungi, & esse primam in Cyclo sequenti, eadem ratione aliarum 13. horarum saltum facimus,

Et ita habemus 36. horas, hoc est, diem unum et dimidium, dies integer per Bisextum intercaletur in lunatione Februarij, pro quinto Bisexto secundi Cycli, Dimidius autem dies restructur tertio Cyclo, ex eius saltu, ratione dicta, resultant 38. horæ, unde cum residuo superiori habemus unum diem integrum, et sex horas. Dies integer intercaletur in lunatione Februarij, pro quinto Bisexto tertij Cycli, ratione assignata.

In quarto similiter Cyclo, habemus ex saltu eius, 38. horas, quibus aggregatis, ad sex superius relictas, erit dies unus integer, qui interponatur Februarij pro quinto Bisexto quarti Cycli, ut dictum est, et nihil remanebit. Vnde in sequentis Cycli principio Luna est, et dicitur prima. Similiter faciendum est in 4. Cyclis sequentibus et deinceps. Sic igitur in quatuor Cyclis omnia ad concordiam reducuntur, Vnde istud temporis spacium Cyclos Cyclorum appellatur.

In cuius autem quoto Cyclo sumus, sic scitur, Numerus annorum Cycli Decennouennalis, a Bisextili proximo quouis ordine, usque in finem eiusdem per 4. diuidatur, et si remanserit ternarius, sumus in primo Cycli, si binarium, in secundo, si unitas, sumus in tertio, si autem nihil, sumus in ultimo.

DE Festis

DE FESTIS MOBILIBVS.

FESTA AVTEM MOBILIA, cum ex lunationis discretionem habeantur, ordinis ratione consequenter de eis est pertractandum. Est igitur Festum mobile, quod penes ascensum uel descensum lunationis celebratur, nullum sibi locum in Calendario habens assignatum. Sunt quidem 5. Festa mobilia, scilicet, Septuagesima, Quadragesima, & Pascha, Rogationes & Pentecoste.

Dicitur autem Septuagesima, a Septuaginta, quasi continens septuaginta dies. Incipit enim a Dominica, qua cadit Alleluia, & extenditur usque ad diem Dominicum in Albis. Quidam tamen supponunt eam in Pascha terminari, dicentes tempus a denario in quo terminatur, de iure nominari. Illud autem Tempus recolat Ecclesia ad memoriam Septuaginta annorum, in quibus filij Israel erant sub seruitute Babylonica.

Quadragesima similiter dicitur a 40. continet enim 40. dies, Et illud tempus recolat Ecclesia, quoniam Moyses tot diebus ieiunauit, cum acciperet

Legem Domini. Helias tot dies ieiunauit, & raptus est in coelum, uel in locum Dei secretum. Christus etiam tot diebus ieiunauit, & Diaboli uicit tentationes, Et quia omnis Christi actio nostra est instructio, Ergo & nos tot diebus ieiunare debemus. Sicut enim res nostras decimamus, ita & nos & uitam nostram decimare debemus Deo. Sed 36. dies & dimidijs, sunt decima pars anni, Quoniam autem nihil est a media die ieiunium inchoare, ad mundificationem corporum ex ingurgitatione, 4. dies cincum superadduntur alijs.

Pascha Latini & Graeci uocantur Festum, quod Hebraeis Phase dicitur, id est transitus.

Pascha, Πάσχα, transitus, idem sonant, sed a diuersis linguis imponuntur. Pascha enim Hebraice, Πάσχα Graece, transitus latine dicitur, quoniam tum de non esse ad esse factus est rerum transitus, atq; Angeli exterminatoris in ueteri lege in Aegypto, nec non & Christi de mortalitate ad immortalitatem, nostram figurantis transitionem de uitijs ad uirtutes, & de hac uita ad aeternam.

Dies autem Dominicus praecedens ieiunia rogationum, Rogationes appellatur, tunc enim non solum contra lupos corporales, quemadmodum iam dudum in Gallia, sed & contra spirituales, ieiunia, processiones, & orationes continuare nos rogat Ecclesia.

Pentecoste

Pentecoste dicitur à pente, quod est quinq; Coste, quod est decem, quasi continens quinquies decem dies, sunt enim 50. dies inter Pascha & Pentecosten utroq; die incluso, & illud tempus recolit Ecclesia, quoniam in monte ardenti Lex Moysi tunc data est, & dona Spiritus sancti Apostolis.

ΠΕΝΤΗΚΟΣΤΗ, quin-
quagesi-
mam sonat
latine.

Ad hæc autem Festa scienda, quædam genera numerorum inveniuntur, ut inferius patebit, & dies ante festum, ubi huiusmodi numeri terminantur, Termini appellantur. Terminus enim dies est, Clauem finiens, festum mobile futurum in die Dominica proxima annuatim designans. Est itaq; Regula in Computo, quod terminus & festum nunquam simul sunt.

Vnde uersus.

Terminus & Festum nunquam celebrantur ibidem,
Lux teneat Domini post terminum proxima Festum.

Et hoc, ne uideamur Iudæos imitari, qui simul ponunt terminum et Festum, uel quia Terminus Paschæ semper est, 14. dies lunationis Aprilis, & Pascha magis accedens ad terminum, est quintodecimo die eiusdem lunationis. Quare non poterunt simul esse terminus & festum

Ratio autem quare Festa mobilia non habent certa loca in Calendario, hæc est, Pascha (quemadmodum cætera Festa mobilia) semper debet celebrari die Dominico. Sed cum una & eadem litera in Calendario non semper denotet diem Dominicum, non potuit Pascha nec cætera Festa mobilia habere certum locum in Calendario. Quidam etiam dicunt, quod Dominus passus est 10. Calendas Aprilis, ibi enim fecit Adam, sicut dicit Theophilus Alexandriæ Episcopus, & sui consentanei, Vnde dicunt, quod eodem die uoluit pati pro primo homine & suo genere redimendo, quo die ipsum formauit. Alij uero sicut Hieronymus & sui sequaces, dicunt, quod 3. Calendas Aprilis passus est Dominus, ibi enim sumpsit carnem de Beata uirgine, unde dicunt, quod eodem die, quo carnem assumpsit, passus est. Preceptum etiam erat in ueteri Testamento, agnum Paschalem post quartumdecimum diem lunationis Aprilis immolari ad uesteram, hoc est, in principio 15. diei eiusdem lunationis.

Ita Christus qui uerus agnus est, & per illum agnum typicum figuratus, passus est in plenilunio, ut sicut eo tempore lumen nocti attribuitur copiosius, ita per passionem eius humane nature gratia redemptionis plenius exhibeatur. Cum ergo lunationes

ones Aprilis, quandoq; sint prius, quandoq; posterius, non potuit Pascha in certo loco assignari.

Est autem infimum Pascha, 11. Calendas Aprilis, quod sic patet. Infima lunatio Aprilis incipit. Scilicet Idus Martij, ubi 16. pro Aureo numero assignantur, lunationes quidem due in proximo praecedentes sunt Embolismales, dua uero reliqua illas praecedentes, sunt lunationes Martij, licet posterior illarum terminetur prima die Aprilis, quod contingit per quartum Embolismum. Si igitur a prima lunatione Aprilis, a iam dicta computentur quatuordecim dies, primus terminus Paschalis erit undecimo Calendas Aprilis, & bene potest contingere, mediante uariatione litterarum Dominicaliū, quod Pascha celebretur in crastino illius termini, hoc est, undecimo Calendas Aprilis, Vnde ibi solet notari primum, siue infimum Pascha. Ex dictis patet, quod bene datur haec Regula.

Post Martis nonas ubi sit noua Luna require.

Bis septem completo dies ut Pascha sequatur.

Omnes enim lunationes Aprilis incipiunt post nonas Martij. Quod autem ultimum Pascha celebretur, 7. Calendas Maij, sic patet. Nam ultima lu-

P 5 natio

natio Aprilis, signatur contra Nonas ipsius, ubi Aureus numerus est 8. quamuis illa terminetur tertia die Maij, sicut sua præcedens, secunda die Maij, quod contingit propter tertium & ultimum Embolismum. Si igitur ab ultima lunatione Aprilis iam dicta computentur 14. dies, erit ultimus terminus Paschæ, 14. Calendas Maij, & potest contingere mediante uariatione literarum dominicalium, quod ille terminus sit dies Dominicus, unde dies Paschæ celebrabitur in sequenti Dominico, hoc est, septimo Calendas Maij.

Ex his patet, quod in illis 35. diebus, qui sunt inter 11. Calendas Aprilis, & 7. Calendas Maij, siue prius siue posterius semper habet Pascha celebrari, ita quod in anno communi descendat terminus Paschæ per 11. dies. In anno Embolismali ascendat per 39. dies.

Vnde uersus.

Pascha nec undenas Aprileis ante Calendas,
Nec post septenas Maij ualet esse Calendas.
Embolis ascendens decanonis lucibus anno,
Communi undenis descendit Terminus eius.

Magnus autem Cyclus Paschalis est, qui multiplicato Solari per lunarem, 532. conficitur annis, quam cum ex ordine Mensium dierumq; summam comple-

compleuerit, mox in seipsum reuolutus, omnia quæ
ad Solis Lunæq; cursum pertinent, eodem quo prius
præterierunt, semper tenore restaurat, in cuius qui-
dem quoto anno fueris, sic scitur. Annis Domini
addantur, 20. nam Vigeno primo Christus natus
fuit anno, & totum per summam Cycli diuidatur,
& si nihil fuerit residuum, sumus in ultimo, Si uero
aliquid, ostendit nobis in quoto anno sumus.

Ad habendum autem 5. Festa mobilia, com-
muniter inuenti sunt quidam numeri, qui Clauis
dicuntur, Vnde Clauis est numerus in unoquoq; an-
norum Cycli Decennouennalis diuersus, Festorum
mobiliũ certitudinem per terminum ostendens. Si-
cut enim per Clauis fit introitus in atriũ, ita per nu-
meros istos in notitiam Festorum mobiliũ. Cum
igitur in Cyclo Decennouennali sint 19. anni, unus-
quisq; suam habebit Clauem, Sicut in Figura
Cycli Decennouennalis, Epactarum &
Clauium, Figura præsentī
subijcitur.

Primus





Primus itaq; 26. habet pro Clauē, a quo for-
mari possunt Clauēs sequentes, per additionem 19.
hoc tamen prænotato, quod si excreſcant 40. uel
maior numerus, reiſciantur 30. & reſiduum erit
Clauis anni ſequentis. Sed ſi ex abrupto quærat
Clauis alterius anni, tunc his uerſibus inuenietur.

Vicenos quinos, tredecim, plus esse tricenis,
Vndeugin hepta digitis pro Clauibus apta.

Computetur enim per omnes digitos sinistrae manus, donec uenias ad annum Cycli, de quo Clauis quaeritur, sumpto initio a Pollice, & si annus quaesitus sistat in Pollice, illius anni numero adde 25. Si in indice 37. si in maiori digito, 31. Si in medico, 19. Si in

Si in auriculari, 7. & uersibus sic expositis, Clauēs manifestantur.

Hoc tamen prænотato, quod si excreſcant 40. uel minor numerus, reiectis 40. residuum pro Clauē ſumatur. Loca autem Clauium his aſſignantur uersibus.

In Iano prima, ſupremaq; Marte ſecunda.
Aprilis terna ſex monſtrat & ultima Clauēs

Habitis igitur Clauē & loco Clauis, ſi Feſta mobilia in anno quocunq; ſcire uolueris, ſumatur Clauis illius anni, & ad habendum Feſtum quocunq; mobile, tot. dies computentur a loco Clauis illius Feſti, quot unitates Clauis continet, & dies ubi terminatur talis computatio, terminus dicitur, & in die Dominica proxima ſequente, celebratur Feſtum. Hoc tamen prænотato, quod ad habendam Septuageſimam uel quadrageſimam, in anno Biſextili, Clauī addenda eſt unitas.

Aliter enim contingeret ſeptuageſimam & Quadrageſimam per Clauē prius celebrari quam deberet 7. diebus, Per hos autem uerſus ſpecialiter habetur terminus Septuageſimæ, & per conſequens cætera Feſta mobilia.

A feſto Stellæ numerando perſice Luna.

Quadrageſima dies & Septuageſima fiet.

ſi ſit

Si sit Bisextus lux additur una diebus,
Si cadat in lucem Domini suppone sequentem.

A principio lunationis illius, in qua est Epiphania Domini, quæ proprie Festum stellæ dicitur, siue illa fuerit in Ianuario, siue in Decembri, computentur 40. dies descendendo, & quadragesimus erit dies terminus Septuagesimæ, & in die Dominica proxima erit Septuagesima. Si sit Bisextus, addatur dies unus, sicut in uersibus innuitur.

Ad habendum autem terminum Paschæ, sciantur isti uersus.

Esse grauem nobis bello carnem caucanus,
Bellum saepe gerens etenim puto deiecit hostem.
Mox animæ lucrum inuenies cum relligiosis.

In his uersibus sunt 19. dictiones, deseruientes 19. annis Cycli Decennouennalis, prima primo, & sic deinceps. Si igitur alicuius anni Cycli Decennouennalis, terminum uelis inuenire Paschalem, sumatur dictio seruiens illi anno, & si terminetur in M. literam, terminus Paschæ erit in Martio, tot diebus computatis, a fine Martij ascendendo, quota est prima litera illius dictionis in Alphabeto, & ubi terminatur

minatur talis computatio, ibi est terminus Pasche.
Si autem dictio non terminetur in M. terminus Pasche erit in Aprili, tot diebus computatis a principio Aprilis descendendo, quota est prima litera eiusdem dictionis in Alphabeto.

Per hos autem uersus scitur, quot Septimane sint inter Dominicam proximam, siue ante, siue post Natalem Domini, & Quadragesimam.

Ira grauat Karos, hanc gignit Kaumatos hostis.
Lex iubet hostilis Kaueatur inertia gentis.
Karceris humani gerit instans hora leuamen.

Hic enim dictiones 19. seruiunt 19. annis Cycli Decenneuennalis, prima primo, & sic deinceps. Vide itaq; quota sit litera prima dictionis anno seruientis in Alphabeto, & tot Septimane erunt in tempore quesito. Ne tamen quandoq; fallatur caueat sibi calculator, non enim ueritati uiciniores assignari potuerunt dictiones.

QVID

QVID LV- STRVM INDICTIO ET SAECVLVM.

IN HAC POSTREMA OPE,
ris pericula de temporis partibus compositiori-
bus, in usu etiam Ecclesie rarioribus consequens est
determinare.

Est igitur Lustrum spaciū quinq; annorum,
a Romanis consideratum, ad tempus dictaturarum,
quod descendit ab hoc uerbo polysimo Lūstro lu-
stras.

In fine enim quinquennij cuiuslibet, & in prin-
cipio Dictaturæ circumibant ciues Romani ciuitatem
cum cercis & candelis, & postea in Martio campo
dictatorem elegerunt. Adhuc etiam Ecclesia me-
morat Lustra dicens, Lustra sex qui iam peracta etc.

Indictio est spaciū 15. annorum ad recipien-
da ab extraneis tributa institutum, dicitur ab indico,
en, quod ad Pontifices pertinet.

Vnde uersus.

Edicunt Reges indicit festa Sacerdos.

Cum enim Romani dominarentur ferè uni-
uersis

uerſis nationibus, terras fecerunt ſibi tributarias,
præcipientes, ut terræ remotiores propter difficul-
tatem tranſitus, in ſine primi quinquennij perſolue-
rent aurum ad dominationis typum, in ſine ſecundi,
argentum ad ſtipendia militum, in ſine tertij, æs &
ferrum ad armorum reparationem, Vnde indiſtio a
quibusdam ærea ab ære dicitur, uel ferrea a ferro,
in ſine eius ſoluto. Vnde inſtituerunt Romani, quod
nullum priuilegium, nulla etiam conuentio ſcripto
commendata, eſſet ſtabilis uel firma, niſi haberet an-
num indiſtionis annotatum, & hoc, ne tributorum
ſoluendorum memoria laberetur. Nos autem in tri-
bus utimur Indiſtione, ſcilicet, in priuilegio, in cæ-
reo Paſchali, & in Dedicationibus Eccleſiarum. In-
cipit autem Cyclus indiſtionis in Septembri, quia
cum tunc ſit ubertas fructuum, bene poſſunt ſolui
tributa.

Si autem placeat cuiquam ſcire, in quoto Indi-
ſtionis ſimus, annis Domini addantur 3. quoniam
Dominus dicitur natus fuiſſe in quarto anno Indiſti-
onis, & totum diuidatur per 15. & ſi nihil fuerit
reſiduum, ſumus in ultimo anno Indiſtionis. Si uero
aliquid, oſtendit nobis in quoto anno ſumus. Eſt
etiam hoc nomen Indiſtio æquiuocum, ad totum Cy-
clum, & ad quemlibet annum illius Cycli.

Q SAECVLVM

SAECVLVM autem dicitur spaciū 100. annorum, unde multa praeferiere secula. Sæculum etiam dicitur Mundus & tota machina mundana, cum suis contentis.

AEVVM uero dicitur spaciū mille annorum. Dicitur etiam æuum idem quod ætas, unde homo magni æui dicitur. Dicitur etiam æuum idem quod mora, unde Boetius.

O qui perpetua mundum ratione gubernas.
Terrarum cœliq; sator, qui tempus ab æuo
Ire iubes, stabilisq; manens das cuncta moueri.
Tu stabilire uelis opus hoc per temporis æuum
M. Christi bis C. quarto dno quater anno
De Sacro Bosco discreuit tempora ramus.
Gratia cui nomen dederat diuina Ioannes.
Annuat hæc nobis huius sic carpere fructum
Ecclesiæ Christi, quod nos hinc fructificemus.

AMEN.

FINIS.

Cisio

CISIO IA=

NVS IN CARMINA RE=

dactus, quo facilius a pue-
ris edisci possit.

CISIO, IA NVS, EPI, SI BI,

nen di cat, Oc, Fe li, Marc, An.

PRI SCA, Fab, Hag, Vin cen ti, Pau lus, no bi=
le, lu men.

BRIG, Purg, Bz sil, Ag, Dor, fe bru, Ap, Scho la=
sti ca, Va lent.

IV LI, con iun ge, tunc, Pe trum, Mat thi am, in de.

MAR TIVS, A dri a, per, de co ra tur, Gre go ri o,
Cyr.

GER drud, al ba, le ne, iun eta, Ma ria, ge ni tri=
ce.

A PRIL, in, Am bro si i, fe stis, o uat, at q;, Ti bur ti.

ET, Va ler, san cti q;, Ge org, Mar ci q;, Vi ta lis.

PHI LIP, crux, flor, goth, Io han, la tin, e pi, ne ser,
& Soph.

MA ius, in, hac, se ri e, te nct, Vr ban, in, pe de,
Cris, can.

Q 2 NIC,

NIC, Mar cel li, bo ni, dat, iun, pri mi, Ba, Cy ri-
ni.

VITiq, mar Pro tus, al, san cti, lo han, lo, dor, le-
Pe, Pau.

IVL, ui sit, Huld rich, oc, Bil, Chil li, fra, be ne,
Mar gar, A post, al.

Ar nol phus, prax, Mag, Ap, Chris, Ia co bi q, sim,
Ab don.

PE, Steph, steph, pro tus, Six, don, Cyr, Ro, Lau,
Ty bur, hyp, Eus.

Sum pti o, A ga pi ti, Ti mo, Bar tho lo, ruff, Aug,
Col, au cti.

E GI di um, sep, ha bet, Nat, Gor gon, Pro ti q,
Crux, Nic.

Euph, Lam per ti q, Matth, Mau ri ci us, & Da,
Vuen, Mich, Hier.

RE mi q, Fran, ci scus, Mar cus, Di, Ger, Ar ti q,
Ca lix.

GAL li, Lu cas, uel, und, Se, Se uc, Cri spi ni, Si mo-
nis Quin.

OM ne, No uem ber, Le on, qua, The o, Mar tin,
Bri tij q.

Post, hac, E li sa, ce, Cle, Cris, Ca tha ri na, sat An.

DE cem ber, Bar ba, Ni co la us, & al ma, Lu ci a.
San ctus, ab, in de, Tho mas, mo do, Nat, Steph
loh, pu, Tho ma, Syl.

FINIS.

THEMATA

QVAE CONTINENT METHO-

DICAM TRACTATIONEM DE

Horizonte rationali ac sensibili, Deq; muta-

tione Horizontium & meridianorum,

Quibus adiecta sunt paucula

de umbris.

I.

VTILE ac eruditum discrimen
est inter Horizontem rationalem & sensi-
bilem

II.

Horizon rationalis, est superficies plana circu-
laris transiens per medium totius uniuersi, & ex-
currens ad extremam Sphaeram stellarum incerra-
tium.

III.

Et si autem huiusmodi plana superficies, quam
intelligimus extendi usq; ad extremum coelum, non
transeat per centrum terrae sed incumbat rotundae
extremitati, seu conuexitati terrae, tamen Coelum in
duo hemisphaeria diuidit.

Q³

Id testan-

IIII.

Id testantur cum alia multa φαινόμενα, quæ ingeniose obseruata sunt ab Astronomis, tum præcipue, quod eodem die pares sunt horæ diei atq; noctis omnibus hominibus, apud quos Sol modo oritur & occidit, tunc cum medium inter polos parallelum delineat.

V.

Vnde primum constat terram in ipso centro medijs inter polos paralleli, hoc est, in medio totius uniuersi collocatam esse mirabili Dei consilio ac bonitate.

VI.

Deinde, etsi terræ amplitudo tanta est, ut uix quisquam eam circumierit, tamen ad immensam molem superiorum corporum, atq; extremum cœli ambitum collatam, ualde esse exiguam, ac puncti cuiusdam similem.

VII.

Vocatur autem Rationalis Horizon, quia cum acies oculi non penetraret ad extremum cœlum, nec sensus mox deprehendat hac superficie Horizontis dissectum esse cœlum in duo hemisphæria, tamen mens ratiocinando hæc intelligit.

VIII.

Quia enim sensus percipit ortus & occasus omnium

omnium stellarum errantium & inerrantium, item, quantas moras faciant singulae in utroq; hemisphaerio, mens hominis expolita Geometricis demonstrationibus argute colligit, hanc superficiem Horizontis pertingere etiam ad extremum coelum, ac partiri omnes orbes coelestes mundo concentricos in duo hemisphaeria.

IX.

Ideo uocatur etiam artificialis Horizon, quod beneficio artis Astronomicae intelligatur.

X.

Polum Horizontis dicunt esse punctum coeli capitibus nostris imminens, Etsi enim hic circulus sit immobilis in sphaera, tamen super isto puncto uerticali posset moueri, propterea, quod sicut alij poli ab sunt a suis circulis quadrante circuli, Ita etiam inter hoc punctum & ipsum horizontem quadrantes maximorum circulorum intercipiuntur.

XI.

Sensibilis Horizon est illa portiuncula terrae, quam in aperto & plano campo circumqua; creare, & oculis lustrare licet.

XII.

Sicut autem globus terrae ad coelum comparatus est instar puncti, ita etiam sensibilis Horizon, & medium rationalis possidet, & illius quasi centrum est, si Physico more loquamur.

Q4 Sed

XIII.

Sed iuxta Geometricam & ueriores sententiam, centrum utriusq; Horizontis est oculus uidentis, ac Horizontem sibi circumscribentis.

XIIII.

Diameter Horizontis rationalis non potest inuestigari propter immensam & incognitam distantiam extremi cœli.

XV.

Sed de Diametro sensibilis Horizontis sic loquitur Macrobius, Hic Horizon quem sibi uniuscuiusq; circumscribit aspectus, ultra trecentos & sexaginta stadios longitudinem intra se continere non poterit. Centum enim & octoginta stadios non excedit acies contra uidentis.

XVI.

Cumq; Macrobius sequatur Eratosthenem, qui uni gradui cœlestis circuli assignat 700. stadia, quæ quadrant ad 15 miliaria Germanica communia, manifestum est iuxta Macrobij sententiam, non posse oculos conspectum ferre ultra 4. huiusmodi miliaria, quæ propemodum respondent 150. stadijs

XVII.

Hæc sententia Macrobij satis commoda est, & a Geometricis demonstrationibus nõ ualde diffentit.
Si enim

XVIII.

Si enim intelligamus terram esse perfecte rotundam, ac æquabili superficie sine hisce montibus ac uallibus, quæ Deus ut cætera condidit ad usus hominum, Geometrice ostendi potest, quod per 360. stadia accrescat tumor, seu altitudo seu profunditas terræ pene pedes 250.

XIX.

Ideoq; si terra esset ita absolute spherica, non possemus oculis excipere ea, quæ distarent a nobis 180. stadijs, nisi ex ædiori turri seu edificio, cuius altitudo esset circiter 250. pedes, aut 125. cubitos, seu ulnas, quibus in his regionibus utuntur fabri.

XX.

Nunc quia terra est σφαίροειδής iuxta præcipuas partes, & ut Ptolemæus loquitur, καὶ ὅλα τὰ μέρη, seu ut Plinius inquit, si capita linearum comprehendantur ambitu, ita ut alibi sint altissimi montes alibi longo tractu summa planities, Macrobij sententiam ipsa experientia comprobat.

XXI.

Nam in regionibus non admodum montosis, sed mediocri camporum planicie, uel ex colle uel altiori edificio, uisus ad 3. aut 4. ferè miliaria in superficie terræ porrigitur, id quod a nautis in ipso æquore

cum uel soluunt uel applicant, ac in uniuersum ad
loca maritima commodissime obseruari potest.

XXII.

Sed si ex altissimis montibus despicias in subie-
ctos campos, acies oculi illa quoq; apprehendere po-
test, quæ longe ultra 130. stadia distant, sicut econ-
tra præalti montes longius spectari possunt.

XXIII.

Idq; etiam Macrobius significat eodem loco, cum
inquit. Ne te moueat, quod sæpe in longissimo po-
situm montem uidemus, aut quod ipsa cœli superna
suspiciamus. Aliud enim est, cum se oculis ingerit
altitudo, Aliud cum per planum se porrigit & ex-
tendit intuitus, in quo solo Horizontis circus effi-
citur.

XXIII.

In Procli Sphæra, ubi disputat de Horizonte,
Textus habet, diametrum sensibilis Horizontis esse
duum millium stadiorum, hoc est, aciem oculi posse
in planicie terræ ad mille stadia excurrere. Id ne-
quaquam defendi potest, & pugnat cum cæteris,
quæ mox in eodem loco subiunguntur.

XXV.

Cum enim Proclus in Mathematicis disciplinis
sequatur Ptolemæum, qui primus singulis magno-
rum cir-

rum circularum gradibus tribuit tantum 500. stadia, non 700. ut ferè superiores omnes, ipsa terra in 2000. stadiorum intervallo intumescet hac ratione ad stadia septendecim cum dimidio, id est, ultra dimidium miliare Germanicum. Quem tumorem terræ nullum unquam ædificium superavit, imò ne quidem adequavit.

XXVI.

Nec propterea defendi potest hic Textus, quod passim plurimi existunt montes, qui ratione perpendiculi altius dimidio miliari extent super ipsos campos, quorum radicibus adhærent, cum in hac dissertatione quæatur, quantum in ipsa planicie terræ visus prospicere possit, sine adminiculo aut impedimento montium.

XXVII.

Præterea si statuisset Proclus diametrum sensibilis Horizontis continere bis mille stadia, cur paulo post quasi oblitus sui inculcaret, sensu manere eundem Horizontem 400. stadijs, meridianum vero 300. stadijs.

XXVIII.

Si enim visus excurreret mille stadijs, non posset variari Horizon intra mille stadia, imò uix ultra bis mille stadia perciperetur aliqua mutatio Horizontis.

Idcoq;

XXXIX.

Idcoq; existimo Procli textum ab aliquo impe-
rito deprauatum esse, ac pro διαχιλίωv σκαδίωv
legendum esse Διακοσίωv, ac uelle Proclum, quod
uisus non possit extendi ultra centum stadia, id est,
tria miliaria Germanica communia.

XXX.

Hoc enim cum ipsa experientia congruit, & à
Macrobio parum disidet, præterea in ducentis sta-
dijs assurgit tumor terræ, uix centum & decem pe-
dibus, id est, sextante unius stadij.

XXXI.

Ex his patet, quod secundum Macrobiū in
360. stadijs non omnino mutetur Horizon in re-
gionibus planis.

XXXII.

Etsi enim pro quolibet puncto terræ iuxta ex-
actissimam rationem sit alius uertex atq; Horizon,
tamen quod ad sensibilem Horizontem attinet, ne-
cessè est eos, qui minus distant 360. stadijs, eandem
aliquam portiunculam terræ pariter uidere, ut quæ
ipsorum oculis medio loco interiecta est.

XXXIII.

Sed qui maiori inter se absunt interuallo 360.
stadijs, eorum Horizontes omnino sunt diuersi, neq;
aliquam

aliquam terræ portiuunculam pariter usurpant in planis, ut sæpe dictum est, regionibus.

XXXIII.

Etsi autem paruitas sensibilis Horizontis satis docet, Horizontes in exiguo interuallo locorum uariari quoquo uersum, tamen hoc ipsum φαινόμε= von cœlestia multo certius ostendunt.

XXXV.

Quod enim alij subinde existant Horizontes procedenti uersus alterum polorum, certissimum est argumentum ipsa uarietas altitudinis polaris.

XXXVI.

Ita mutatio Horizontium uersus ortum & occasum hinc manifeste colligitur, quod orientalibus, id est, qui à nobis habitant uersus ortum, citius contingit meridies atq; medium noctis, quam nobis, occidentalibus uero tardius, quam nobis. Id quod Eclipses Lunæ patefecerunt, ut Eclipsin Lunæ, quæ Arbelis hora quinta uisa est, conspexerunt Carthaginenses secunda hora noctis, ita ut quinta hora Arbelorum sit secunda Carthaginensium, & sic de cæteris suo ordine, manente differentia ternarij numeri in appellationibus horarum.

XXXVII.

Hæc uarietas τῶν φαινόμενων non posset euenire,

nire, si Horizontes non mutarentur, aut si terra
esset plana.

XXXVIII.

Nunc quia hæ apparentiæ discrepant in diuer-
sis locis iuxta proportionem intervalli itinerarij uer-
sus ortum & occasum, aut boream & austrum,
consequens est terram non tantum non esse planam,
uerum in tanta etiam altitudine montium, ualliumq;
profunditate, imitari sphericam figuram.

XXXIX.

Variantur itaq; Horizontes non tantum in unam
coeli partem, sed uersus omnes plagas, in quascunq;
fueris ex priori loco progressus.

XL.

Quanquam uero Horizon et Meridianus cui-
usq; regionis sese interfecant ad angulos rectos sphae-
rales, tamen non necesse est una cum Horizonte ua-
riari etiam Meridianum, etsi hoc mutato pristinus
Horizon manere non potest.

XLI.

Si quis enim iter faciat recta uersus Austrum aut
Septentrionem, hoc est, recta uersus alterutrum po-
lorum mundi, per quos transeunt omnes Meridiani,
is perpetuo sub eodem meridiano incedens, tantum
mutat Horizontem.

At qui

XLII.

At qui in ceteras partes mundi ambulat, huic tam Horizon quam Meridianus mutatur, tametsi recta uersus ortum & occasum citius contingit uariatio Meridiani, quam in ceteras partes mundi, siue Horizontis.

XLIII.

Mutanter enim Meridiani, quatenus uel recto itinere, uel aliquo saltem modo tendimus uersus ortum aut occasum.

XLIIII.

Astronomi & Geographi crude accipiunt longitudinem mundi inter occasum & ortum, latitudinem autem inter polos mundi, etsi Aristoteles suo quodam consilio contra facit.

XLV.

Hinc est quod dici solet, Meridianos tantum mutari ratione longitudinis, Horizontes autem secundum longitudinem, aut latitudinem, aut utroq; modo coniunctim.

XLVI.

Etsi autem Horizontes omnino uariantur post 360. stadia iuxta Macrobius, tamen sensus non ita subito percipit mutationem apparentiarum coelestium, id est, altitudinis polaris, quantitatis diei maximi, umbrarum, ortuum & occasuum, &c.

Nec

XLVII.

Nec potest idem spaciū huius uariationis ubi
uis terrarum constitui per stadia, aut aliud quod
cunq; genus mensuræ itinerariæ.

XLVIII.

Si enim ad Græciæ Horizontes spaciū huius
sce uariationis definiatur mille stadijs, quibus respon-
dent in cœlo duo gradus magni circuli, Conceden-
dum est, quod factō itinere mille stadiorum uersus
alterum polorum, quædam cœlestes apparentiæ pe-
ne regulares, ac similes habeant mutationes in qui-
busdam climatis, ut quarto, quinto, sexto.

XLIX.

Nam post mille stadia inter hæc climata augetur
altitudo poli duobus gradibus, prolixitas diei pene
quadrante unius horæ, deniq; umbræ etiam pariter
propemodum accrescunt.

L.

Hac uel occasione uel imaginatione arbitror
Procli locum ab aliquo deprauatum esse, qui existi-
mauit cum loqui uoluisset non de Diametro sensibilis
Horizontis, sed eius spacijs, ultra quod climata quæ-
dam præcipua, & ob temperiem aeris maxime ac-
diutissime culta, haberent mutationem cœlestium ap-
parentiarum.

At uersus

LI.

At uersus ortum & occasum in singulis climatibus ac parallelis est peculiaris ratio, ut in primo climate confectis mille stadijs, Eclipsis quædam Lunæ citius apparet orientalibus uix octaua parte unius hore, in quarto climate sexta parte, in septimo tandem climate pene quadrante &c.

LII.

Hæc uarietas Geometricæ monstrari potest ex mutua parallelorum proportionē, atq; ex eo etiam intelligi potest, quod paralleli uicini polis sunt multo angustiores cæteris, qui sunt prope æquatorcm.

LIII.

Hinc etiam euenit, ut mille stadijs recta uersus ortum aut occasum, sub æquatore respondeant duo gradus magni circuli, Sub Rhodio parallelo, duo gradus cum dimidio, In septimo uero climate tres gradus cum triente.

LIIII.

Cum igitur ad mille stadia, aut quodlibet aliud certum spaciū non quadret perpetuo æqualis uarietas apparentiarum in latitudinem atq; longitudinem, Ptolemæus in sua Geographia erudite discernit interualla locorum gradibus, seu partibus circulorum

culorum coelestium, non stadijs aut miliaribus, aut deniq; simili mensura itineraria. Deinde ad computanda interstitia locorum penes stadia aut miliaria, aut quodcunq; genus mensurae, tradit mutuam inter sese parallelorum rationem.

L V.

Ac quia uulgus non admodum obseruat uarietatem umbrarum, multo minus uero intelligit discrimen altitudinis polaris in diuersis regionibus, sed tantum insignes differentias maximorum dierum, Geographi etiam sequuti sunt, quod ad latitudinem attinet, hanc uulgi rationem, ac parallelos distinguunt non aequali differentia graduum, aut partium umbrae gnomonis, sed aequali differentia temporis.

L VI.

Atq; haec differentia constituta est quadrans horae, quod sensus uix percipiat minorem portionem temporis.

L VII.

Postea uero etiam ex Geometricis fundamentis ostendunt differentias umbrarum, atq; graduum in polari altitudine, quae quidem discrepant in singulis parallelis.

L VIII.

In hunc itaq; modum Geographi mutationes
ῥῑον

ῥῶν παραλλήλων in latitudinem designant paralle-
lis circulis.

LIX.

Sed quia inter hos ipsos parallelos intercepta
differentiae polarium altitudinum, sunt inaequales, ut
dictum est, ideo necesse est spacia terrae, quae inter
bimos proximos parallelos continentur, item esse in-
aequalia, ut ex Alphragano patet.

LX.

Sicut etiam paralleli sunt ampliores prope equa-
torem, & arctiores ad polos, ita etiam plus distant
prope aequatorem, & minus circa polos.

LXI.

Vnde etiam Ptolemæus parallelos uicinos polis
primum dimidia, mox integra hora, ad extremum
integris quoque Mensibus discernit.

LXII.

Eodem modo diuersitas apparentiarum uersus
ortum & occasum distinguenda est circulis meridi-
anis inter se quadrante unius horae distantibus, sic,
ut 96. meridianis discernatur totus orbis terrarum
in longitudinem.

LXIII.

Et si autem liberum est undecumque initium facere

R 2 re tamen

re, tamen Ptolemæus orsus est principium longitudi-
dinis ab insulis Fortunatis, quæ sitæ post Hispanias
erant suo tempore occidentalis terminus, ac limes
ΔΙΚΟΥΜΕΝΩΣ exploratæ.

LXIII.

Placuit autem eam ob causam ab occasu potius
initium sumere, quam ab ortu, quia loca occidenta-
lia nobis quidem uelut domestica magis sunt explo-
rata, Sicut uerisimile est contrariam apud Indos
usurpari rationem, si tamen has Mathematicas di-
sciplinas, aut intelligunt aut colunt.

LXV.

Etsi autem singuli paralleli nomina ab illis locis
accipiunt, quibus sunt uerticales, tamen ad hunc
modum certorum locorum appellationes uix assi-
gnari possunt meridianis, quia doctrina de longitu-
dinibus apud Geographos, sicut ex tardioribus &
difficilioribus observationibus Eclipsium originem
trahit, ita incertiore quoq; & magis intricatam
esse eam, fateri oportet.

LXVI.

Sed ne hoc quidem prætereundum est, quod eti-
am secundum longitudinem, id est, uersus ortum &
occasum in minori spacio locorum accadat discrimen
quadrantis horarij prope polos, quam prope æqua-
torem,

tores, ob eandem causam, quod paralleli, quo sunt remotiores ab æquatore, eo magis coarctantur, sic, ut tandem in puncta desinant, quæ sunt poli.

LXVII.

Erudite dictum est a Proclo, sensu eundem usur-
pari meridianum pene 300. stadijs, etsi hoc ipse non explicat.

LXVIII.

Sed ex Cleomede facile intelligi potest, quare Proclus meridianos circulos disiungendos putet 300. stadijs. Is enim commemorat suo tempore medio die Solstitij, ut nunc uocant, æstivalis, nullam fuisse umbram per trecenta stadia prope Syenen, quæ sita est sub tropico Cancræ, ita, ut quæuis uicina loca non distantia ab eadem 150. stadijs uersus nostrum polum, aut ultra uersus æquatorem, fuerint ἄσκια, id est, expertia umbræ. Sequitur autem et Cleomedes in stadiorum numero sententiam Eratosthenis.

LXIX.

Sed siue iuxta Ptolemæum, siue Eratosthenem accipiantur hæc 300. stadia, quantum terræ respondet dimidio gradui coeli, tantum semper in meridie existit ἄσκια in his regionibus, per quarum uerticem Sol eo die graditur.

R 3 Ita um=

LXX.

Ita umbrarum etiam obseruatio congruit cum Eclipsium ratione, in quibus ingeniose animaduertunt Astronomi, diametrum utriusq; luminaris occupare in cœlo pene dimidium gradum.

LXXI.

Hinc etiam ratio Pliniane sententiæ iudicari potest, quam ipse de Solaribus horologijs tradit Lib. 2. Cap. 72. uasa, inquit, Horoscopa non eisdem ubiq; sunt usui, in treccnis stadijs, aut ut longissime in quingenis mutantibus scmet umbris.

LXXII.

Ac profecto res admiranda est, umbras corporum, quibus in rerum natura nihil inanius est, tantum inseruire hominum utilitatibus.

LXXIII.

Sola enim umbra terræ in Luna deliquijs ad plurima aditum patefecit, quæ in Astronomicis artibus præcipua sunt, tum etiam trium maximorum, ac pulcherrimorum corporum totius naturæ, Solis uidelicet, Lunæ, ac terræ mutuam inter sese proportionem monstrauit.

LXXIII.

Sed umbrarum manifesta et agricolis maxime grata

grata utilitas hæc est, quod diei partes ac tempora
umbris aptissime discernuntur.

LXXV.

Magnum sane beneficium est recentium horo-
logiorum, in quibus ferrea rotula mira arte concin-
nata, ponderibus ita librantur, ut diei noctisq; spa-
cium in 24. horas æquinoctiales perpetuo distin-
guant.

LXXVI.

At dum ignotus esset usus talium horologio-
rum, magna cura & industria splendente Sole ob-
servabatur ratio umbrarum in singulos dies anni,
quemadmodum nostra etiam tempestate quoddam
huius antiquæ diligentia uestigium apparet apud
agricolas, quos uidemus ruri habitantes diurna tem-
pora umbris metiri, ut operas rite distribuunt.

LXXVII.

Hinc Palladius in suis commentarijs de re ru-
stica, tantâ diligentia umbrarum rationes Italicis
agricolis præscribit, atq; ex earum magnitudine sin-
gulis Mensibus docet cuiusq; diei temporales horas
æstimare.

LXXVIII.

Vocatur autem æquinoctialis hora uicesima quar-
ta pars diei noctisq; hoc est, illius temporis, quo

R 4 cum toto

cum toto cœlo Sol circa terram semel conuertitur,
Sicut temporalis hora, cuiusq; diei aut noctis duode-
cima pars intelligitur, olim quam nunc usitator.

LXXIX.

Semper autem umbræ certa ac perpetua lege al-
titudini Solis respondent, sic, ut altiore Sole gnomon
minorem umbram iaciat, et humiliore prolixiorcm.

LXXX.

Vnde sequitur, meridianas umbras, cuiusq; diei
esse breuissimas, Sicut matutinas & uestertinas con-
tra longissimas, quia antemeridianæ minuuntur, si-
cut pomeridianæ rursus accrescunt. Deniq; æstate
singulis horis breuiores sunt umbræ, quam in hy-
eme.

LXXXI.

Nec tantum diei partes discernunt umbræ, sed
ad hunc quoq; usum pertinent, ut Solis altitudinem
supra horizontem quolibet diei tempore liceat inde
ratiocinari.

LXXXII.

Huius autem ratiocinij Regula est, quod umbra
par est gnomoni, quando Solis altitudo æquat 45.
partes circuli, seu cum Sol medium locum inter uer-
ticem & finitorem possidet, minor autem umbra
gnomone, cum Sol propior uertici est, quam finitori,
adeoq;

adeoq; altius extat 45. partibus, deniq; maior gnomone umbra est, cum Sol a uertice abest longius, minusq; attollitur, quemadmodum hæc Geometricis etiam schematis uenustissime demonstrari possunt.

LXXXII.

Proinde umbræ, quæ mediâ die æquinoctij iacentur, simul etiam ostendunt seu latitudinem regionis, seu poli exaltationem.

LXXXIII.

Hinc pleriq; Geographorum ante Ptolemæum poli exaltationem in qualibet regione non expriment partibus circularum, sed ex diei maximi spacio, & magnitudine umbræ meridiane æquinoctialis intelligi uolunt.

LXXXV.

Ad hunc modum & Plinius inquit eodem loco, Solis itaq; umbilici, quem gnomonem appellant, umbra in Aegypto meridiano tempore, æquinoctij die, paulo plus, quam dimidiam gnomonis mensuram efficit. In urbe Roma nona pars gnomonis deest umbra. In oppido Ancona superest quinta trigesima. In parte Italiæ, quæ Venetia appellatur, eisdem horis umbra gnomoni par fit.

LXXXVI.

Ex quibus etiam manifestum est altitudinem Solis æqui-

R 5 lis æqui-

lis æquinoctij die in Aegypto, item Romæ & Anconæ altiore esse 45. partibus circuli, altiore tamen in Aegypto quam Romæ, & illic quam Anconæ. Deniq; in Venetia eleuari meridianum Solem exacte partibus 45.

LXXXVII.

Sed quanto altior est Sol media die æquinoctij, tanto polus humilior est, contraq; tanto sublimior, quanto Sol fuerit humilior.

LXXXVIII.

Nam ut alias demonstratur, arcus meridiani circuli inter uerticem & æquatorem contentus, æqualis est arcui eiusdem meridiani inter polum & finitorem comprehenso, id est, Latitudo regionis par est altitudini polari.

LXXXIX.

Et supra dictum est, uerticem ab ipso Horizontis plano undiquaq; integro quadrante circuli attolli.

XC.

Ex quibus perspicuum est, poli exaltationem in Aegypto, Romæ & Anconæ in Italia, minorem esse 45. partibus circuli, Et in Venetia æquari omnino totidem partibus.

Certior

XCI.

*Certior autem supputatio polaris altitudinis
iuxta umbrarum rationem pendet ex
Geometricis fundamentis.*

FINIS.

**Autore Erasmo Reinholdo
Salueldensi.**

**Impressum Vitebergæ, apud
Vitum Creuzer.**

**ANNO,
M. D. XLIX.**





c

H 540
S 123 L





